

**TUSCULANARUM
QUAESTIONUM
CICERONIS AD M.
BRUTUM LIBRI 5.
CUM SCHOLIJS...**

Marcus Tullius Cicero, Paolo
Manuzio





tonius Ammannicus

2785:

h Septi

— 2: +

Q 203

Q 203

TVSCVLANARVM
QVAESTIONVM
CICERONIS
A D M. B R V T V M
L I B R I V.

Cum Scolijs Pauli Manutij.



VENETIIS, M. DC. VIII.

Apud Dominicum Malduram.

14. M. A. 4

THE SCULPTURAL

QUESTIONS

OF THE

ARTS

AND

OF THE



VENETIAE, MDCCLII.


APUD JOHANNEM DE BONA

M. TVLLII
CICERONIS
TVSCVLANARVM
QVÆSTIONVM

AD MARCV M BRVTVM.

Liber Primus.

De contemnenda morte.

VM defensionum laboribus, senatorijsq;
muneribus aut omnino, aut magna ex
parte essem aliquando liberatus, retuli
me Brute, te hortante, maxime ad ea stu-
dia, quæ retenta animo, remissa temporibus, longo in-
teruallo intermissa reuocaui. & cum omnium artium,
quæ ad rectam viuendi viam pertinerent, ratio & di-
sciplina a studio sapiëntiæ, quæ philosophia dicitur, con-
tineretur: hoc mihi Latinis literis illustrandum puta-
ui, non quia philosophia Græcis & literis, & doctori-
bus percipi nō posset: sed meum iudiciū semper fuit,
omnia nostros aut inuenisse per se sapiëntius, quàm Græ-
cos; aut accepta ab illis, fecisse meliora; quæ quidē di-
gna statuisent, in quibus elaborarent. nā mores et in-
stituta vitæ, resq; domesticas, ac familiares nos pfe-
cto est melius tuemur, & lautius. rem vero publicam
nostri maiores certe melioribus temperauerūt & insti-
tutis, & legibus. quid loquar de re militari? in qua

cum virtute nostri multum valuerūt, tum plus etiam disciplina. iam illa, quę natura, nō literis affecuti sunt, neque cum Gręcis, neq; vlla cum gente sunt conferenda: quę enim tanta grauitas, quę tanta constantia, magnitudo animi, probitas, fides, quę tam excellēs in omni genere virtus in vllis fuit, vt sit cum maioribus nostris comparanda? doctrina Gręcia nos, & omni literarum genere superabat. in quo erat facile vincere nō repugnantes. nam cum apud Gręcos antiquissimum ē doctis sit genus poetarum, si quidem Homerus fuit, et Hesiodus ante Romam conditam Archilocus regnante Romulo: seruius poeticam nos accepimus: annis. n. ferē ccccx. post Romam conditam Liuius fabulam dedit; C. Claudio Cęci filio, M. Tuditano Consulibus, anno ante natū Ennium: qui fuit maior natu, quā Plautus, & Neuius. sero igitur a nostris poetę vel cogniti, vel recepti. quanquam est in Originibus, solitos esse in epulis canere conuiuas ad tibicinem de clarorū hominum virtutibus. honorem tamen huic generi non fuisse, declarat oratio Catonis, in qua obiecit vt probum Marco Nobilioris, quod is in prouinciam poetas duxisset: duxerat autem Consul ille in Aetoliam, vt scimus, Ennium. quo minus ergo honoris erat poetis, eo minora studia fuerunt. nec tamen si qui magnis ingenijs in eo genere extiterunt, non satis Gręcorum gloria responderunt. an censemus, si Fabio nobilissimo homini laudi datum esset, quod pingeret, non multos etiam apud nos futuros Polycletos, & Parrhasios fuisse? honos alit artes; omnesq; incēduntur ad studia gloria: iacentq; ea semper, quę apud quosq; improbātur.

sum-

summam eruditionem Græci sitam censabant in nernorum, vocumq; cantibus. igitur & Epaminondas, princeps meo iudicio Græciæ, fidib. præclare cecinisse dicitur: Temistoclesq; aliquot ante annis, cum in epulis recusasset lyram, habitus est indoctior. ergo in Græcia musici floruerūt, discebantq; id omnes, nec, qui nesciebat, satis excultus doctrina putabatur. in summo apud illos honore geometria fuit. itaq; nihil mathematicis illustrius ad nos metiendi, ratiocinandiq; utilitate huius artis terminauimus modum. at contra oratorem celeriter complexi sumus, nec cum primo eruditum, aptū tamen ad dicendum, post autem eruditum. nam Galbā, Africanum, Lælium, doctos fuisse, memoriæ traditum est: studiosum autem eum qui hos ætate anteibat, Catonem, post vero Lepidum, Carbonem, Gracchos, deinde ita magnos nostram ad ætatem, ut non multum, aut nihil omnino Græcis cederetur. philosophia iacuit vsq; ad hanc ætatem, nec ullam habuit lumen literarum Latinarum: quæ illustranda, & excitanda nobis est, ut si occupati profuimus aliquid ciuib. nostris, prosimus ēt, si possumus, otiosi in quo eo magis nobis est elaborandum, quòd multi iam esse Latini libri dicuntur scripti inconsiderate ab optimis illis quidem viris, sed non satis eruditis. fieri autem potest, ut rectè quis sentiat, et id quod sentit, polite eloqui non possit, sed mādare quæquam literis cogitationes suas, qui eas nec disponere, nec illustrare possit, nec delectatione aliqua allicere letorem hominis est intemperanter, abutentis & otio, & literis. itaq; suos libros ipsi legunt cū suis, nec quisquā attingit, præter eos, qui eandem licentiam scribē-

di sibi permitti volūt. quare si aliqd oratoriæ laudi no-
 stra attullimus industria, multo studiosius philosophiæ
 fontes aperiemus, è quibus etiam illa manabant, sed vt
 Aristoteles, vir summo ingenio scientiæ cōpia, cū mo-
 tus esset Isocratis rhetoris gloria, discere etiam cœpit
 adolescentes docere, & prudentiam cum eloquentia iū-
 gere: sic nobis placet nec pristinam dicendi studiū de-
 ponere, & in hac maiore, & vberiore arte versari. hāc
 enim perfectam philosophiam semper iudicavi, quæ de
 maximis quæstionibus copiose posset, ornatèq; dicere.
 in quam exercitationem ita nos studiose operam dedi-
 mus, vt iam etiam scholas Græcorum more habere au-
 deremus: vt nuper tuum post discessum in Tusculano,
 cum essent complures mecum familiares tentavi quid
 in eo genere possem, vt enim antea declamitabam cau-
 sas, quod nemo me diutius fecit: sic hæc mihi nunc seni-
 lis est declamatio. ponere iubebam de quo quis audire
 vellet: & id aut sedens, aut ambulās disputabam. itaq.
 dierum quinque scholas, vt Græci appellāt in totidem,
 libros contuli. fiebat autem ita, vt cum is, qui audire
 vellet, dixisset, quod sibi videretur, tum ego contra di-
 cerem: hæc est enim vt scis, vetus, & Socratica ratio
 contra alterius opinionē differendi: nam ita facillime,
 quod verissimillimum esset, inueniri posse Socrates ar-
 bitrabatur. sed quo commodius disputationes explicē-
 tur, sic eas exponam, quasi agatur res, non quasi narre-
 tur, ergo ita nascetur exordium. AUDITOR. Malū mi-
 bi videtur esse mors. MARCVS. lis ne, qui mortui sunt;
 an ijs, quibus moriendum est? A. Vtrisque. M. Est igitur
 miserum, quoniam malum. A. Certe. M. Ergo & ijs
 quibus

quibus euenit iam, vt morentur, & ij, quibus euenturum est, miseri. *A.* Mibi ita videtur. *M.* Nemo ergo non miser. *A.* Prorsus nemo. *M.* Et quidem, si tibi constare vis, omnes, quicunq; nati sunt, erunt ve non solum miseri, sed etiam semper miseri: nam si solos eos diceres miseros, quibus moriendum esset, neminem tu quidem eorum, qui viuerent, exciperes; moriendum est enim omnibus esset, tamen miseriæ finis in morte. quoniam autem etiam mortui miseri sunt, in miseriam nascimur sempiternam: necesse est enim miseros esse eos, qui centum millibus annorum ante occiderunt, vel potius omnes, quicunq; nati sunt. *A.* Ita prorsus existimo. *M.* Dic quaeso, nū te illa terrēt, triceps apud inferos Cerberus, Cocyti fremitus, transuectio Acherontis, mento summam aquam attingens siti enectus Tantalus? nū illud quod Sisyphus versat.

Saxum sudans nitendo, neque proficit hilum? fortasse etiam inexorabiles iudices Minos, & Rhadamanthus. apud quos nec te *L. Crassus* defendet, nec *M. Antonius*, nec, quoniam apud Græcos iudices res agitur, poteris adhibere *Demosthenē*: tibi ipsi pro te erit maxima corona causa dicenda. hæc fortasse metuis, & iccirco mortē censes esse sempiternū malum. *A.* A deo ne me delirare censes, vt ita esse credam? *M.* An tu hæc nō credis? *A.* Minime vero. *M.* Male hercule narras. *A.* Cur, quaeso? *M.* Quia disertus esse possem, si contra ista dicerem. *A.* Quis enim non in eiusmodi causa? aut quid negocij est, hæc poetarum & pictorum portenta conuincere? *M.* At qui pleni sunt libri philosophorum contra ista ipsa disserētium. *A.* Inepte sanē: quis est. n.

tam excors, quem ista moueāt? M. Si ergo apud inferos
 miseri non sunt, ne sunt quidē apud inferos ulli. A. Ita
 prorsus existimo. M. Vbi ergo sūt ij, quos miseros dicis?
 aut quem locum incolunt? si. n. sunt, nusquam esse non
 possunt. A. Ego vero nusquam esse illos puto. M. Igitur
 ne esse quidem. A. Prorsus isto modo: & tamen mise-
 ros ob id ipsum quidem, quia nulli sunt. M. Iam mallem
 Cerberum metueres, quam ista tam inconsiderate dice-
 res. A. Qui tandem? M. Quem esse negas, eundem esse
 dicis: vbi est acumen tuum? cum enim miserum esse di-
 cit, tum eum, qui non sit, dicis esse. A. Non sum ita he-
 bes, vt ista dicam. M. Quid dicis igitur? A. Miserum es-
 se verbi causa M. Crassum, qui illas fortunas morte di-
 miserit; miserum Cn. Pompeium, qui tāta gloria sit or-
 batus; omnes deniq; miseros, qui hac luce careant. M.
 Reuolueris eodem. sint enim oportet, si miseri sunt. tu
 autem modo negabas eos esse, qui mortui essent. si igi-
 tur nō sunt, nihil possunt esse: ita ne miseri quidē sunt.
 A. Non dico fortasse etiam, quod sentio. nam istud ip-
 sum, non esse cum fueris, miserrimum puto. M. Quid mi-
 serius, quā omnino nunquam fuisse? ita, qui nondum
 nati sunt, quia non sunt, miseri iam sunt: & nos ipsi, si
 post mortem miseri futuri sumus, miseri fuimus, ante-
 quam nati. ego autem non commemini, antequam sum
 natus, me miserum. tu si meliore memoria es, velim sci-
 re, ecquid de te recordare. A. Ita iocaris, quasi ego di-
 cam eos esse miseros, qui nati non sunt; & non eos mi-
 seros qui mortui sunt. M. Esse ergo eos dicis. A. Immo,
 quia non sunt, cum fuerint, eos miseros esse. M. Pugnā-
 tia te loqui non vides? quid enim tam pugnat, quam nō
 mo-

modo miserum, sed omnino quidquam esse, qui non sit? an tu egressus porta Capena, cum Calatini, Scipionum, Serviliorum, Metellorum sepulchra vides, miseros putas illos? *A.* Quoniam me verbo premis, post hac nō ita dicam, miseros esse, sed tantum miseros ob id ipsum, quia nō sunt. *M.* Non dicis igitur, miser est *M. Crassus*, sed tantum miser *M. Crassus*. *A.* Ita planē. *M.* Quasi nō necesse sit, quidquid isto modo pronuncies, id aut esse, aut non esse, an tu dialecticis ne imbutus quidem es? in primis enim hoc traditur, omne pronunciatum (sic. n. mihi in presentia occurrit, ut appellarem ἀξιωμα, utar post alio, si inuenero melius) id ergo est pronunciatū, quod aut verum, aut falsum esse dicitur. cum igitur dicis, miser *M. Crassus*: aut hoc dicis, miser est *M. Crassus*: ut possit iudicari verum id, falsum ne sit: aut nihil dicis omnino. *A.* Age iam cōcedo non esse miseros, qui mortui sunt; quoniam extorsisti ut faterer, qui omnino nō essent, eos ne miseros quidem esse posse. quid? qui viuimus, cum mortem dum sit, non ne miseri sumus: q̄ enim potest in vita esse iucunditas, cum dies & noctes cogitandum sit, iam iamq; esse moriendum? *M.* Ecquid ergo intelligis, quātum mali ex humana cōditione deieceris? *A.* quonam modo? *M.* quia, si mori etiam mortuis miserum esset, infinitum quoddam & sempiternū malum haberemus in vita. nunc video calcē: ad quem cum sit decursum, nihil sit præterea extimescendum. sed tu mihi uideris Epicharmi, acuti, nec insulsi hoīs, ut Siculi, sententiā sequi. *A.* Quam? non enim noui. *M.* Dicam si potero, latine: scis enim me grāce loqui in latino sermone non plus solere, quam in græco latine. *A.*

recte quidē. sed quæ tandē est Epicharmi ista sn̄ia? M.

Emori nolo: sed me esse mortuum nihil ęstimo.

A. Iam agnosco grecum. sed quoniam coegisti: vt cōcederem, qui mortui essent, eos miseros non esse perfice, si potes: vt ne moriendum quidem esse miserum putem.

M. Iam istuc quidem nihil negocij est: sed etiam maiora molior.

A. Quo modo hoc nihil negocij est? aut quæ tandem sunt ista maiora? M. Quoniam si post mortem

nihil est mali, ne mors quidem est malum: cui proximū

tempus est post mortem, in quo mali nihil esse cōcedis,

ita ne moriendum quidem esse, malum est; id est enim

perucniendum esse ad id, quod non esse malum confite-

mur. A. Vberius ista queso: hęc enim spinosiora prius

vt confitear me cogunt, quā vt assentiar. sed quæ sunt

ea, quæ dicis te maiora moliri? M. Vt doceam, si possim,

non modo malum non esse, sed bonum etiam esse mortē.

A. Nō postulo id, quidem aueo tamen audire, vt enim

non efficias quod vis, tamen, mors, vt, malum nō sit, ef-

ficies. sed nihil in te interpellabo, continentem oratio-

nem audire malo. M. Quid, si te rogauero aliquid nō ne

respondebis? A. Superbi id quidem esset; sed, nisi quid

necesse erit, malone roges. M. Geram tibi morē, & ea,

quæ vis, vt potero, explicabo; nec tamē quasi Pythius

Apollo, certa vt sint, & fixa quæ dixero; sed vt homin-

culus vnus ē multis probabilia coniectura sequens: vt

tra enim quō progrediar, quā vt verisimilia videā,

non habeo, certa dicent ij, qui & percipi ea posse dicūt,

& se sapientes esse profitentur. A. Tu, vt videtur, nos

ad audiendum parati sumus. M. Mors igitur ipsa, quæ

videtur notissima res esse, quid sit, primum est vidēdū.

sunt

sunt enim qui discessum animi a corpore putēt esse mortem. sunt qui nullum censeant fieri discessum, sed unā animum & corpus occidere, animumque cum corpore extinguī, qui discedere animum cēsent, alij statim dissipari, alij diu permanere, alij semper. quid sit porro ipse animus, aut ubi, aut vnde, magna disēssio est. alijs cor ipsum animus videtur: ex quo excordes, vecordes, concordēsque dicuntur: & Nasica ille prudens bis Consul Corculum, &

Egregie cordatus homo Catus Aeliu' Sextus.

Empedocles animum esse cēset cordi suffusum sanguinem. alij pars quādam cerebri visa est animi principatum tenere; alijs nec cor ipsum placet, nec cerebri quādam partem esse animum: sed alij in corde, alij in cerebro dixerunt animi esse sedem, & locum: animum autem alij animam, ut ferē nostri declarant, nominari: nā & agere animam, & efflare dicimus, & animosos, & bene animatos, & ex animi sententia: ipse autem animus ab anima dictus est. Zenoni Stoico animus ignis videtur. Sed hæc quidem, quæ dixi, cor, cerebrum, animam, ignē, vulgo: reliqua ferē singuli, ut multi ante veteres. proximē autē Aristoxenus musicus, idemque philosophus, intentionē ipsius corporis quandā; velut in cantu & fidibus, quæ harmonia dicitur, sic ex corporis totius natura, & figura varios motus cieri, tanquam in cantu sonos. hic ab artificio suo non recessit, & tamen dixit aliquid. quod ipsum quale esset, erat multo ante & dictum, & explanatū à Platone Xenocrates animi figurā, & quasi corpus negavit esse, verum numerum dixit esse, cuius vis, ut iā antea Pythagoræ visum

visum erat, in natura maxima esset. eius doctor Plato triplicem finxit animam: cuius principatū, idest, ratione, in capite, sicut in arce, posuit: & duas partes separare voluit, iram, & cupiditatē: quas locis disclusit; iram in pectore, cupiditatē subter præcordia locauit. Dicæarchus autē in eo sermone, quem Corinthi habitum tribus libris exponit doctorū hominum disputantiū, primo libro multos loquētes facit, duobus Phecreatem quendā Phthiotam senē, quem ait à Deuchalione ortum, differētem inducit, nihil esse omnino animum, & hoc esse nomen totum inane, frustra que animalia, & animantes appellari, neque in homine inesse animum, vel animam, nec in bestia, vimq; omnem eā, qua vel agamus quid, vel sentiamus, in omnibus corporibus viuīs æquabiliter esse fusam, nec separabilem à corpore esse, quippe quæ nulla sit, nec sit quidquā nisi corpus vnum, & simplex, ita figuratum, vt temperatione naturæ vigeat, & sentiat. Aristoteles lōgē omnibus (Platonem semper excipio) præstans & ingenio, & diligentia, cum quatuor illa genera principiorū esset cēplexus, è quibus omnia orerentur; quintā quandam naturā censet esse, è qua sit mēs: cogitare enim & providere, & discere, & docere, & inuenire aliquid, & tam multa alia, meminisse, amare, odisse; cupere, timere; angī, latari; hæc & similia eorum in horū quatuor generum nullo inesse putat. quintum genus adhibet vacans nomine, & sic ipsum animum ἐντελεχίαν appellant nouo nomine, quasi quandam continuatā motionem, & perennē. Nisi quæ me forte fugiūt, hæc sunt ferē omniū de animo sententiæ. Democritum enim ma-

gnum quidem illū virum, sed leuibus & rotundis corpusculis efficientem animum concursu quodam fortuito, omittamus : nihil est enim apud istos, quod nō atomorum turba conficiat. harum sententiarum quæ vera sit, deus aliquis viderit : quæ verisimillima, magna quæstio est. utrum igitur inter has sententias dyudicare malumus, an ad propositum redire ? A. Cuperem equidem, vtrunq; si posset : sed est difficile non cōfundere. quare si, vt ista non differamus, liberari mortis metu possumus ; id agamus. sin id non potest, nisi hac quæstione animorum explicata ; nunc, si videtur, hoc, illud alias. M. Quod malle te intelligo, id puto esse cōmodius : efficiet enim ratio, vt, quæcunq; vera sit earum sententiarum, quas exposui mors aut malum non sit, aut sit bonum potius. nam si cor aut sanguis, aut cerebrum est animus, certe, quoniam est corpus, interibit cū reliquo corpore : si anima est, fortasse dissipabitur : si ignis, extinguetur : si est Aristoxeni harmonia dissoluetur. quid de Dicaarco dicā, qui nihil omnino animum dicat esse ? his sententijs omnibus nihil post mortem pertinere ad quenquam potest : pariter enim cū vita sensus amittitur. non sentientis autem nihil est, vllā in partem quod intersit. reliquorū sententiæ spem afferunt si te forte hoc delectat, posse animos, cum ē corporibus excesserint, in cælum quasi in domicilium suū peruenire. A. Me vero delectat : idq; , primum ita esse, deinde etiam si non sit, mihi tamen persuaderi velim. M. Quid tibi ergo opera nostra opus est ? num eloquentia Platonē superare possumus ? euolue diligenter eius eum librum, qui est de animo ; amplius quod desideres, nihil

nihil erit. *A.* Feci mehercule, & quidem sæpius; sed nescio quo modo dum lego, assentior; cum posui librū, & mecum ipse de immortalitate animorum cæpi cogitare, assensio omnis illa elabitur. *M.* Quid hoc? das ne aut manere animos post mortem, aut morte ipsa interire? *A.* Do vero. *M.* Quid, si maneant? *A.* Beatos esse concedo. *M.* Si intereant. *A.* Non esse miseros, quoniam ne sint quidem iam istuc coacti à te paulo ante cōcessimus. *M.* Quomodo igitur, aut cur mortem malum tibi videri dicis, quæ aut beatos nos efficiet animis manentibus, aut non miseros sensu carentes? *A.* Expone igitur nisi molestum est, primum animos, si potes, remanere post mortem: tum si minus id obtinebis, (est enim arduum) docebis carere omni malo mortem: ego enim istuc ipsum vereor ne malum sit, non dico carere sensu, sed carendū esse. *M.* Auctoribus quidem ad istā sententiam, quam vis obtineri, uti optimis possumus: quod in omnibus causis & debet, & solet valere plurimum. & primum quidem omni antiquitate: quæ quo proprius aberat ab ortu, & diuina progenie, huic melius ea fortasse, quæ erant vera, cernebat. itaque vñ illud erat insitum priscis illis, quos Cascos appellat Ennius, esse in morte sensum, neq; excessu vitæ sic deleri hominem ut funditus interiret: idque cum multis alijs rebus, tum è pōtifício iure, & ceremonijs sepulcrorum intelligi licet: quas maximis ingenijs præditi nec tāta cura coluissent, nec violatas tā inexpressibili religione sanxissent; nisi hesisset in eorum mentibus, mortem non interitum esse omnia tollentem, atq; delentem, sed quandam quasi migrationem, commutationemque vitæ;

tæ, quæ in claris viris, & fæminis dux in cælū soleret
esse; in cæteris humi retineretur, & permaneret ta-
men. ex hoc & nostrorum opinione;

Romulus in cælo cum dijs agit æuū,
Vt famæ assentiens dixit Ennius: & apud Græcos in-
deque perlapsus ad nos, & usque ad Oceanum Hercules,
tantus, & tã præsens habetur Deus. hinc Liber Semele
natus. eademque famę celebritate Tyndaridæ fratres:
qui nō modo adiutores in prælijs victoriæ populi R. sed
etiam nuncij fuisse perhibetur. quid? Ino Cadmi filia
non ne Leucothea nominata à Grecis, Mutata habetur
à nostris? quid? totum propè cælum, ne plures perse-
quar, non ne humano genere cōpletum est? si vero scru-
tari vetera, & ex his ea, quæ scriptores Græciæ prodi-
derunt, eruere coner; ipsi illi maiorum gētium dij qui
habentur, hinc à nobis profecti in cælum reperientur.
quare, quorum demonstrantur sepulchra in Græcia. re-
miniscere, quoniam es iniciatus, quæ tradantur miste-
rijs: tum denique, quàm hoc late pateat, intelliges. sed
qui nondū ea, quæ multis post annis tractari cœpissent,
physica didicissent, tantum sibi persuaserant, quātum
natura admonēte cognouerant; rationes & causas re-
rum non tenebant, visis quibusdam sepe monebantur,
hisque maxime nocturnis, vt viderentur ij, qui vita
excesserant, viuere. vt porrò firmissimū hoc afferri vi-
detur, cur deos esse credamus, quod nulla gens tã fera,
nemo omnium tam sit immanis, cuius mente nō imbue-
rit deorū opinio. multi de dijs praua sentiunt; id enim
vitioso more effici solet: omnes tamen esse vim, & na-
turam diuinam arbitrantur. nec vero id collocutio ho-
mi-

minum, aut consensus efficit : non institutis opinio est
 confirmata, non legibus. non autem in re consensus om-
 nium gentium, lex naturæ putanda est. quis est igitur,
 qui suorum mortem primum non eo lugeat, quo deos or-
 batos vitæ commodis arbitretur? tolle hanc opinionem:
 luctum sustuleris : nemo enim mæret suo incommodo.
 dolent fortasse, & anguntur : sed illa lugubris lamen-
 tatio, fletusque mærens ex eo est, quod eum, quem di-
 lexi- mus, vitæ commodis priuatum arbitramur, idque
 sentire ; atque hæc ita sentimus natura duce, nulla ra-
 tione, nullaque doctrina. maximum vero argumētum
 est, naturam ipsam de immortalitate animorum tacitā
 iudicare, quod omnibus curæ sunt, & maxime quidē,
 quæ post mortem futura sint. serit arbores, quæ alteri
 seculo prosint, ut ait Statius in Sinephēbis ; quid spe-
 ctans nisi etiam postera secula ad se pertinere ? ergo ar-
 bores seret diligens agricola, quarum aspiciet baccam
 ipse nunquam : vir magnus leges, instituta, Remp. cō-
 seret. quid procreatio liberorum, quid propagatio no-
 minis, quid adoptiones filiorum, quid testamentorum
 diligentia, quid ipsa sepulcrorum monumenta, quid elo-
 gia significāt, nisi nos futura etiam cogitare ? quid il-
 lud ? num dubitas, quin specimē naturæ capi deerat ex
 optima quaq; natura ? quæ est igitur melior in homi-
 num genere natura, quam eorū, qui se natos ad homi-
 nes iuuandos, tutādos, conseruādos arbitrantur? abiit,
 ad deos Hercoles. nūquam abiisset, nisi, cum inter ho-
 mines esset, eam sibi viam muniuisset. vetera iam ista,
 & religione omnium consecrata. quid in hac Rep. tot,
 tantosq; viros ob Remp. interfectos cogitasse arbitra-
 mur ?

mir? iisdem ne ut finibus nomen suum, quibus vita, terminaretur? nemo unquā sine magna spe immortalitatis se pro patria offerret ad mortē. licuit esse otioso Themistocli, licuit Epaminōde, licuit, ne & vetera, & externa quæram, mihi: sed nescio quo modo in hæret in mentibus quasi seculorum quoddam augurium futurorum: idque in maximis ingenijs, altissimisq; animis & existit maxima, & apparet facillime. quo quidem dempto, quis tā esset amēs, qui semper in laboribus, & periculis viueret? loquor de principibus. quid poetæ? nonne post mortem nobilitari volunt? unde ergo illud?

Aspicite ò ciues senis Ennij imaginis formam:

Hic vestrum panxit maxima facta patrum.

mercedem gloriæ flagitat ab ijs, quorum patres assecerat gloria. idemque,

Nemo me lacrymis decoret, nec funera fletu

Faxit: cur? voluto viuus per ora virum.

sed quid poetas? opifices post mortē nobilitari volūt. quid enim Phidias sui similem speciem inclusit in clypeo Mineruæ, cum inscribere non liceret? quid nostri philosophi? nōne in his ipsis libris, quos scribunt de cōtemnenda gloria, sua nomina inscribunt? quod si omnium consensus, naturæ vox est; omnesque, qui ubiq; sunt, consentiūt esse aliquid, quod ad eos pertineat, qui è vita cesserunt: nobis quoq; idem existimandum est. & si, quorum aut ingenio, aut virtute animus excellit, eos arbitramur, quia natura optima sint, cernere naturæ vim maxime: verisimile est, cum optimus quisq; maxime posteritati seruiat, esse aliquid, cuius is post mortē sensum sit habiturus. sed ut deos esse natura opi-

namur ; qualesque sint, ratione cognoscimus ; sic permanere animos arbitramur consensu nationum omnium ; qua in sede maneant, qualesque sint, ratione discendum est. cuius ignoratio finxit inferos, easque formidines, quas tu contemnere non sine causa videbare : in terram enim cadentibus corporibus, hisque humo tectis, ex quo dictum est humari, sub terra censebant reliquam vitam agi mortuorum . quam eorum opinionem magni errores consecuti sunt . quos auxerunt poetae : frequens enim confessus theatri, in quo sunt mulierculæ, & pueri, mouetur audiens tam grande carmen :

*Adsum, atque aduenio Acheronte uix uia alta, atque ardua,
Per speluncas saxi structas asperis, pendentibus,
Maximis : ubi rigida constat crassa caligo inferum .
tantumque valuit error, qui mihi quidem iam sublatus
videtur, ut corpora cremata cum scirent, tamen ea fieri
apud inferos fingerent, quæ sine corporibus nec fieri
possent, nec intelligi : animos enim per se ipsos viuentes
non poterant mente cõplecti : formam aliquam, figuramque
quærebant . inde Homeri tota vexata inde ea quæ meus amicus Appius vexpomartia faciebat :
inde in uicinia nostra Auerni lacus :*

*Vnde animæ excitantur obscura umbra, aperto hostio
Alti Acherontis falso sanguine imagines mortuorum .
has tamen imagines loqui volunt : quod fieri nec sine
lingua, nec sine palato, nec sine faucium laterum, pulmonum vi,
& figura potest : nihil enim animo videre poterant :
ad oculos omnia referebant . magni autem est ingenij
reuocare mentem à sensibus, & cogitationem à consuetudine
abducere . itaque, credo equidem et alios*

tot seculis disputasse de animis, sed quod literis extet, Pherecides Syrus primum dixit animos hominum esse sempiternos. antiquus sanè: fuit enim meo regnante gentili. hanc opinionem discipulus eius Pythagoras maxime confirmavit: qui cum Superbo regnante in Italiam venisset, tenuit magnam illam Graciam cum honore, & disciplina, tum etiam auctoritate: multaq; secula postea sic viguit Pythagoreorum nomen, ut nulli alij docti viderentur. sed redeo ad antiquos. rationem illi sententiae suae non ferè reddebāt, nisi quid erat numeris, aut descriptionibus explicandum. Platonem ferunt ut Pythagoreos cognosceret, in Italiam venisse, & in ea cum aliis multis, tum Architam, Timeumq; cognouisse, & didicisse Pythagorea omnia: primumque de animorum aeternitate non solū sensisse idem, qđ Pythagoras, sed rationem etiam attulisse. quam, nisi quid dicis, prætermittamus, & hanc totam spem immortalitatis relinquamus. A. An tu, cum me in summam expectationem adduxeris, deseris? errare mehercule malo cum Platone, quem tu quāti facias scio, & quem ex tuo ore admiror, quam cum istis vera sentire. M. Maſte virtute: ego enim ipse cum eodem ipso non inuitus errauerim. num igitur dubitamus, an sicut pleaque, sic & hoc? quāquam hoc quidem minime. persuadent enim mathematici, terram in medio mundi sitam, ad vniuersi cæli complexum, quasi puncti instar obtinere, quod κέντρον illi vocant: eam porrò naturam esse quatuor omnia gignentium corporum, ut quasi partita habeant inter se, & diuisa momenta; terrena & humida suo pte nutu & suo pōdere ad pares angulos in

terram, & in mare ferantur; reliquæ duæ partes, vna ignea, altera animalis: vt illæ superiores in mediũ locum mundi grauitate ferantur, & pondere, sic hæ sursum rectis lineis in cœlestem locum subuolent, siue ipsa natura superiora appetente, siue quòd à grauioribus leuiora natura repellantur. quæ cum constant, perspicuũ debet esse, animos, cum è corpore exceßerint, siue illi sint animales; idest spirabiles, siue ignei, sublime ferri. si vero aut numerus quidam sit animus, quod subtiliter magis, quàm dilucide dicitur; aut quinta illa nõ nominata magis, quam non intellecta natura: multo etiam integriora ac puriora sunt, vt à terra longissime se efferant. horum igitur aliquid animus est, ne tã vegeta mens aut in corde, cerebrove, aut in Empedocleo sanguine demersa iaceat. Dicaarchum vero cum Aristoxeno æquali, & condiscipulo suo, doctos sanè homines, omittamus: quorum alter ne condoluisse quidem vnquam videtur, qui animum se habere non sentiat: alter ita delectatur suis cantibus, vt eos etiã ad hæc trãsfere conetur. Harmoniam autem ex internallis sonorum nosse possumus, quorũ varia compositio etiam harmonias efficit plures: membrorum vero situs, & figura corporis vacans animo quam possit harmoniã efficere, non video, sed hic quidem, quamuis eruditus sit, sicut est, hæc magistro concedat Aristoteli, canere ipse doceat: bene enim illo prouerbio Græcorum præcipitur;

Quam quisque norit artem, in hac se exerceat.
illam vero funditus eiiciamus indiuiduorum corporũ, leuium, & rotũdorum concursionem fortuitam: quam tamen Democritus concalescentiam, & spirabilem, idest
animalem

animale esse voluit. is autem animus, qui si est horum quatuor generum, ex quibus omnia constare dicuntur, ex inflammata anima constat, ut potissimum videri videri deo Panætio, superiora capeſſat neceſſe eſt: nihil enim habent hæc duo genera proni, & ſupera ſemper petunt. ita, ſiue diſſipantur procul a terris, id evenit; ſiue permanent, & cōſervant habitum ſuum, hoc etiam magis neceſſe eſt ferantur ad cælum, & ab his perrumpatur, & diuidatur craſſus hic & concretus aer, qui eſt terre proximus: calidior eſt enim vel potius ardentior animus, quàm eſt hic aer; quem modo dixi craſſum, atq; concretum, quod ex eo ſciri poteſt, quia corpora noſtra terreno principiorum genere confecta, ardore animi cōcaleſcunt. accedit, ut eo facilius animus euadat ex hoc aere, quem ſæpe iam appello craſſum, eumq; perrūpat, quòd nihil eſt animo velocius, nulla eſt celeritas, quæ poſſit cum animi celeritate cōtendere. qui ſi permanet incorruptus, ſuique ſimilis; neceſſe eſt ita feratur, ut penetret, & diuidat omne cælum hoc, in quo nubes, imbres, ventiq; coguntur, quod, & humidum, & caliginosum eſt propter exhalationes terræ. quam regionem cum ſuperavit animus, naturamq; ſui ſimile, contigit, & agnouit; iunctus ex anima tenui, & ex ardore ſolis temperato, ignibus inſiſtit, & finem altius ſe efferendi facit, cum enim ſui ſimilem & leuitatem, & calorē adeptus eſt, tanquam paribus examinatus pōderibus, nullam in partē mouetur, eaq; ei demum naturalis eſt ſedes, cum ad ſui ſimile penetrauit, in qua nulla re egēs aletur, & ſuſtentabitur iſdem rebus, quibus aſtra ſuſtentantur, & aluntur. cumq; corporis facibus inflam-

mari soleamus ad omnes ferè cupiditates, eoq; magis incendi, quòd ijs emulemur, qui ea habeant, quæ nos habere cupiamus: profectò beati erimus, cū, corporibus relictis, & cupiditatum, & æmulationū erimus expertes: quodq; nunc facimus, cū laxati curis sumus, ut spectare aliquid velimus, et viscere; id multo tū faciemus liberius, totosq; nos in cōtemplandis rebus, perspicie-disq; ponemus: propterea quòd & natura inest mentibus nostris insatiabilis quædam cupiditas veri vidēdi, & oræ ipsæ locorum illorum, quòd peruenerimus, quòd faciliore nobis cognitionem rerū cælestium, eo maiorem cognoscendi cupiditatem dabūt: hæc. n. pulchritudo ē in terris patritā illam, et auitam, ut ait Theophrastus, philosophiam cognitionis cupiditate incensam excitabit. præcipue vero fruentur ea qui tum etiam, cum has terras incolentes circumfusi erant caligine, tamen acie mentis dispicere cupiebant. etenim si nunc aliquid assepi se putant, qui ostiū Ponti viderunt, & eas angustias per quas penetrauit ea, quæ est nominata.

Argo, quia Argiui in ea delecti viri

*Vecti petebant pellem inauratam arietis,
aut ij, qui Oceani freta illa viderunt,*

*Europam Libiamq; rapax ubi diuidit vnda:
quod tandem spectaculum fore putamus, cum totam terram tueri licebit, eiusq; cum situm, formā, circumscriptionem, tum & habitabiles regiones, & rursum omni cultu propter vim frigoris, aut caloris vacātes? nos enim ne nunc quidem oculis cernimus ea, quæ videmus. neq; enim est ullus sensus in corpore, sed, ut non solum phisici docent, verum etiam medici, qui ista aper-*

ta & patefacta viderunt, via quasi quædā sunt ad oculos, ad aures, ad nares a sede animi perforatæ. itaq; sæpe aut cogitatione, aut aliqua vi morbi impediti, apertis atq; integris & oculis, & auribus, nec videmus, nec audimus: vt facile intelligi possit, animum & videre & audire, non eas partes, quæ quasi fenestræ sunt animi; quibus tamē sētere nihil queat mēs, nisi id agat & adsit. quid, quòd eadem mente res dissimillimas comprehendimus, vt colorem, saporem, calorem, odorem, sonum? quæ nunquam quinq; nuncijs animus cognosceret, nisi ad eum omnia referrentur, vt idem omnium iudex solus esset. atque ea profectò tum multo puriora, & dilucidiora cernētur, cū, quò natura fert, liber animus peruenerit, nam nunc quidem, quanquam foramina illa, quæ patent ad animum a corpore, calidissimo artificio natura fabricata est, tamen terrenis, cōcretisq; corporibus sunt intersepta quodam modo. cum autem nihil erit præter animum, nulla res obiecta impediet, quo minus percipiat, quale quidq; sit. quamuis copiose hæc diceremus, si res postularet, quam multa, quæ uaria spectacula animus in locis cælestibus esset habiturus. quæ quidem cogitans, soleo sæpe mirari nonnullorum insolentiam philosophorum, qui naturę cognitionem admirantur, eiusq; inuentori, & principi gratias exultantes agunt, eumq; venerantur vt Deum: liberatos enim se per eum dicunt grauissimis dominis, terrore sempiterno, & diurno ac nocturno metu: quo terrore? quo metu? quæ est anus tam delira, quæ timeat ista, quæ vos uidelicet, si physica non didicissetis, timeretis?

*Acherontia templa, alta orci, pallida
 Leti, obnubila, obsita tenebris loca,*
 non pudet philosophum in eo gloriari, quòd hæc non ti-
 meat, & quòd falsa esse cognouerit? ex quo intelligi po-
 test, quam acuti natura sint, qui hæc sine doctrina cre-
 dituri fuerint. præclarum autè nescio quid adepti sunt,
 qui didicerunt, se, cum tempus mortis venisset, totos es-
 se perituros. quod ut ita sit, (nihil enim pugno) quid ha-
 bet ista res, aut lætabile, aut gloriosum? nec tamen mi-
 hi sanè quidquam occurrit, cur non Pythagoræ sit &
 Platonis vera sententia. ut enim rationem Plato nul-
 lam afferret, (vide quid homini tribuam) ipsa auctori-
 tate me frangeret. tot autem rationes attulit, ut velle
 ceteris, sibi certe persuasisse videatur: sed plurimi con-
 tra nituntur, animosq; quasi capite damnatos morte
 mulctat: neq; aliud est quidquam, cur incredibilis his
 animorum videatur eternitas, nisi quòd nequeunt, qua-
 lis animus sit vacans corpore intelligere, & cogitatio-
 ne comprehendere. quasi vero intelligent, qualis sit in ip-
 so corpore, quæ cõformatio, quæ magnitudo, qui locus:
 ut, si iam possent in homine vno cerni omnia, quæ nunc
 tecta sunt, casurus ne in conspectum videatur animus,
 an tanta sit eius tenuitas, ut fugiat aciem, hæc repu-
 tent isti, qui negant animum sine corpore se intelligere
 posse: videbunt, quem in ipso corpore intelligent. mihi
 quidem naturam omnino intuenti, multò difficilior oc-
 currit cogitatio, multoq; obscurior, qualis animus in
 corpore sit tanquam alienæ domui, quàm qualis, cum
 exierit, & in liberum cælum quasi in domum suam ve-
 nerit, si enim quod nūquam vidimus, id quale sit intel-
 ligere

ligere non possumus: certe & Deum ipsum, & diuinum
animum corpore liberatum, cognitione complecti non
possumus. Dicearcus quidē, & Aristoxenus, quia dif-
ficilis erat animi, quid aut qualis esset, intelligentia,
nullum omnino animum esse dixerunt. est illud quidem
vel maximum, animo ipso animum videre: & nimirū
hanc habet vim præceptum Apollinis, quo monet, ut se
quisque noscat. non enim credo, id præcipit, ut membra
nostra, aut staturā figuramve noscamus: neq; nos cor-
pora sumus: neq; ego tibi dicens, hoc, corpori tuo dico.
cum igitur, nosce te, dicit, hoc dicit, nosce animum tuū:
nam corpus quidem quasi vas est, aut aliquod animi
receptaculum: ab animo tuo quidquid agitur, id agi-
tur a te. hunc igitur nosce, nisi diuinum esset, non esset
hoc acrioris cuiusdam animi præceptum, sic, ut tribu-
tū Deo sit. hoc est se ipsum posse cognoscere. sed si, qua-
lis sit animus, ipse animus nesciat, dic queso, ne esse qdē
se sciet? ne moueri quidem se? ex quo illa ratio nata est
Platonis, quæ a Socrate est in Phædro explicata, a me
autem posita est in sexto libro de Repu. Quod semper
mouetur, id æternum est. quod autem motū affert ali-
cui, quodque ipsum agitur aliunde; quando finem ha-
bet motus, viuendi quoq; finem habeat necesse est. so-
lum igitur, quod se ipsum mouet, quia nunquam dese-
ritur a se, nunquam ne moueri quidem desinit. quin
etiam cæteris, quæ mouentur, hic fons, hoc principium
est mouendi. principij autem nulla est origo: nam ex
principio oriuntur omnia: ipsum autem nulla ex re alia
nasci potest; nec enim esset id principium, quod gigne-
retur aliunde. quod si nunquam oritur, ne occidit, qui-
dem

dem unquam ; nam principium extinctum nec ipsum
 ab alio renascetur, nec a se aliud creabit ; si quidem
 necesse est a principio oriri omnia . ita sit , ut motus
 principium ex eo sit, quod ipsum a se mouetur . id au-
 tem nec nasci potest, nec mori . vel concidat omne ca-
 lum, omnisq; natura consistat necesse est, nec vim ul-
 lam nanciscatur , qua primo impulsu moueatur . Cum
 pateat igitur æternum id esse, quod se ipsum moueat :
 quis est , qui hanc naturam animis esse tributam ne-
 get ? inanium est enim omne, quod pulsu agitur ex-
 terno . quod autem est animatum, id motu cietur inte-
 riore, & suo: nam hæc est propria natura animi, atque
 vis ; quæ si est una ex omnibus quæ se ipsam semper mo-
 ueat, neq; nata certe est, & æterna est . licet cōcurrant
 plebeij omnes philosophi (sic enim ij, qui à Platone, &
 Socrate, & ab illa familia dissident, appellandi viden-
 tur) non modo nihil vnquam tam eleganter explebūt,
 sed ne hoc quidem ipsum quam subtiliter cōclusum sit
 intelligent . sentit igitur animus se moueri , quod dum
 sentit, illud vnà sentit se vi sua, non aliena moueri, nec
 accidere posse, ut ipse vnquā à se dejeratur . ex quo ef-
 ficitur eternitas . nisi quid habes ad hæc . A. Ego vero
 facile sum passus ne in mentē quidem mihi aliquid con-
 tra venire ; ita isti faueo sententiæ . M. Quid illa tan-
 dem ? num leuiora censes ? quæ declarāt inesse in animis
 hoīum diuina quædam ; quæ si cernerem quemadmodū
 nasci posset, etiam quemadmodum interirēt, viderem .
 nam sanguinem, bilem, pituitam, ossa, nervos, venas,
 omnem denique membrorum & totius corporis figu-
 ram videor posse dicere, unde cōcreta, & quo modo fa-

Et a sint. per animū ipsum, si nihil esset in eo, nisi id, ut per eum uiueremus, tam natura putarem hominis vitam sustentari, quā vitis, quā arboris; hæc enim ēē dicimus uiuere. item si nihil haberet animus hominis, nisi ut appeteret, aut refugeret, id quoque esset ei commune cum bestiis. habet primum memoriā, & eam infinitam rerum innumerabilium. quā quidem Plato recordationem esse uult superioris uitę. nam in illo libro, qui inscribitur Menon, pusionem quendam Socrates interrogat quędam geometrica de dimēsiōe quadrati. ad ea sic ille respondit, ut puer: & tamen ita faciles interrogationes sunt, ut gradatim respondens eō perueniat, quasi geometrica didicisset. ex quo effici uult Socrates, ut discere nihil aliud sit, quā recordari. quem locum multo etiam accuratius explicat in eo sermone, quē habuit eo ipso die, quo excessit ē vita: docet enim quem vis, qui omnium rerum rudis esse uideatur, bene interroganti respondentem; declarare, se non tum illa discere, sed reminiscēdo recognoscere: nec uero fieri ullo modo posse, ut à pueris tot rerum, atque tantarum insitas, & quasi consignatas in animis notiones, quas εἰδώλες uocant, haberemus, nisi animus, antequam corpus intrasset, in rerū cognitione uiguisset. cumq; nihil esset, ut omnibus locis à Platone describitur, (nihil enim ille putat esse, quod oriatur & intereat. idque solum esse, quod semper tale sit, qualem ideam appellat ille, nos speciem) non potuit animus hæc in corpore inclusus cognoscere, cognita attulit. ex quo tam multarum rerum cognitionis admiratio tollitur. neq; ea planē uidet animus, cum tā repēte in tam in-
soli-

solitum, tamq̃; perturbatum domicilium immigrauit;
sed cum se collegit, atque recreauit, tum agnoscit ea re-
miniscēdo. ita nihil aliud est discere, nisi recordari. ego
autem maiore etiam quodam modo memoriā admiror:
quid est enim illud, quo meminimus? aut quam habet
vim? aut vnde naturam? nō quæro, quanta memoria
Simonides fuisse dicatur, quanta Theodectes, quanta
is, qui à Pyrrho legatus ad Senatū est missus, Cyneas,
quanta nuper Carneades, quanta, qui modo fuit, Sce-
ptius Metrodorus, quanta noster Hortensius: de com-
muni hominum memoria loquor, & eorū maxime, qui
in aliquo maiore studio, & arte versantur: quorū quan-
ta mens sit, difficile est existimare: ita multa memine-
runt. quorsum igitur hæc spectat oratio? quæ sit illa
vis, & vnde sit, intelligendum puto. non est certe nec
cordis, nec sanguinis, nec cerebri, nec atomorū. anima
sit animus, ignisve nescio: nec me pudet, ut istos, fate-
ri nescire quod nesciam; illud si vlla alia de re obscura
affirmare possem, siue anima, siue ignis sit animus, eū
iurare esse diuinū. quid enim, obsecro te, terra ne tibi,
aut hoc nebuloso, & caliginoso, cælo, aut sata, aut con-
creta videtur tanta vis memoriæ? si, quid sit hoc, non
vides: at, quale sit, vides. si ne id quidem: at, quātum
sit, profecto vides. quid igitur? vtrum capacitatē ali-
quam in animo putamus esse quò tanquam in aliquod
vas ea, quæ meminimus, infundantur? absurdum id
quidē, qui enim fundus, aut quæ talis animi figura in-
telligi potest? aut quæ tanta omnino capacitas? an im-
primi quasi cæram animum putamus, & memoriā esse
signatarum rerum in mente vestigia? quæ possunt ver-
borum,

bonū, quæ rerum ipsarum esse vestigia? quæ porro tam
immensa magnitudo, quæ illa tam multa possit effinge-
re? quid illa vis, quæ tandē est, inuestigat occulta, quæ
inuentio, atque excogitatio dicitur? ex hac ne tibi ter-
rena, mortaliq; natura, & caduca, cōcreta ea videtur?
aut qui primus, quod summæ sapientiæ Pithagoræ vi-
sum est omnibus rebus imposuit nomina? aut quid dis-
sipatos homines congregauit, & ad societatem vitæ cō-
uocauit? aut qui sonos vocis, q̄ infiniti videbātur, pau-
cis literarum notis terminauit? aut qui errantium stel-
larum cursus, progressiones, institutiones notauit? om-
nes magni; superiores, qui fruges, qui vestitū, qui te-
cta, qui cultum vitæ, qui præsidia contra feras inue-
nerunt; à quibus mansuefacti, & exculi, à necessa-
rijs artificis ad elegantiora defluximus; nam & auri-
bus oblectatio magna ex parte est inuenta, & tempe-
rata varietate, & natura sonorum: & astra suspexi-
mus, tum ea, quæ sunt infixa certis locis, tum illa non
re, sed vocabulo errantia, quorum conuersiones, om-
neisq; motus qui animo vidit, is docuit similem ani-
mum suum eius esse, qui ea fabricatus in cælo esset. nā
cum Archimedes lunæ, solis, quinque errantium mo-
tus in spheram illigauit, effecit idem, quod ille, qui in
Timæo mundum edificauit Platonis deus, ut tardita-
te, & celeritate dissimillimos motus vna regeret con-
uersio. quod si in hoc mundo fieri sine Deo non potest,
ne in sphaera quidem eosdem motus Archimedes sine
diuino ingenio potuisset imitari. mihi vero ne hæc qui-
dem notiora, & illustriora carere vi diuina videntur,
ut ego aut poetam graue plenumq; carmen sine cæ-
lesti

lesti aliquo mentis instinctu putem fundere, aut eloquentiam sine maiore quadam vi fluere, abundantem sonantibus verbis, vberibusq; sententijs. Philosophia vero omnium mater artium quid est aliud, nisi, ut Plato ait, donum, ut ego, inuentum deorum? hæc nos primum ad illorum cultum, deinde ad ius hominum, quod situm est in generis humani societate, tum ad modestiã, magnitudinemque animi erudiuit: eademq; ab animo, tanquam ab oculis, caliginem dispulit, ut omnia superiora, infera, prima, ultima, media videremus. prorsus hæc diuina mihi videtur vis, quæ tot res efficit, & tantas. quid est enim memoria rerum, & verborum? quid porro, inuentio? profectò id, quo nec in Deo quidquam maius intelligi potest: non enim ambrosia deos, aut necare, aut Iuuetute pocula ministrante lætari arbitror: nec Homerum audio, qui Ganimedem à dijs raptum ait propter formam, ut Ioui pocula ministraret. non iusta causa, cur Laomedonti tanta fieret iniuria. fingeat hæc Homerus, & humana ad deos trāsfererat, diuina mallem ad nos: quæ autem diuina? vigere, sapere, inuenire, meminisse. ergo agimus, qui, ut ego dico, diuinus, ut Euripides aut dicere, Deus est. & quidem si Deus aut anima aut ignis est, idem est animus hominis. nam ut illa natura cælestis & terra uacat, & humore: sic utriusque harum rerum humanus animus est expers. sin autem est quinta quædam naturam, ab Aristotele inducta primum: hæc & deorum est, & animorū hanc nos sententiam secuti, his ipsis verbis in consolatione hæc expressimus. [Animorū nulla in terris origo inueniri potest; nihil enim est in animis mixtum, atque

concretum, aut quod ex terra natum, atq; fictum esse videatur; nihil ne aut humidum, quidem, aut flabile, aut igneum; his enim in naturis nihil inest, quod vim memoriae, mentis, cogitationis habeat, quod & praeterita teneat, & futura provideat, & cōplecti possit praesentia; quæ sola diuina sunt. nec inuenietur unquam, unde ad hominem venire possint, nisi a Deo. singularis est igitur quædam natura, atq; vis animi, seiuncta ab his vsitatis, notisq; naturis.] Ita quidquid est illud, quod sentit, quod sapit, quod vult, quod viget, cæleste & diuinum est, ob eamq; rem æternum sit necesse est. nec vero Deus ipse, qui intelligitur a nobis, alio modo intelligi potest, nisi mens soluta quædam, & libera, segregata ab omni concretionem mortali, omnia sentiens, & mouens, ipsaq; prædita motu sempiterno. hoc è genere atq; eadē è natura est humana mens. ubi igitur, aut qualis est ista mens? ubi tua, aut qualis? potes ne dicere? an, si omnia ad intelligendum non habeo, quæ habere vellem: ne ijs quidem, quæ habeo mihi per te uti licebit? non valet tantum animus, ut, sese ipse videat; at, ut oculus, sic animus sese non videns alia cernit. non videt autem, quòd minimum est formam suam sortasse; quanquam id quoq;, sed relinquamus; vim certe sagacitatem, memoriam, motum, celeritatum uidet. hæc magna, hæc diuina, hæc sempiterna sunt. qua facie quidem sit, aut ubi habitet, ne quærendum quidem est. ut, cum uidemus; speciē primū, candoremq; cæli, deinde conuersionis celeritatem tātā, quantam cogitare nō possumus; tum uicissitudines dierum, atq; noctium, cōmutationesq; temporum quadripartitas, ad maturita-

tem frugum, & ad tēperationem corporum aptas, eorumq; omnium moderatorem et ducem Solem, Lunāq; accretione, et diminutione luminis quasi fastorū notantem, & significantem dies; tum in eodem orbe in XII. partes distributo, quinq; stellas ferri, eosdem cursus constantissime seruantes, disparibus inter se motibus, nocturnamq; celi formam undiq; sideribus ornatā; tū globum terræ eminentem è mari, fixum in medio mundi vniuersi loco, duabus oris distantibus habitabilem, & cultum; quarū altera, quam nos incolimus, sub axe posita ad stellas septem, vnde.

Horriſer Aquilonis ſtridor gelidas molitur niues;
altera auſtralis, ignota nobis, quam vocant Græci ἀν-
ταρξονα; ceteras partes incultas, quòd aut frigore ri-
geant, aut vrantur calore; hic autem, ubi habitamus,
non intermitti, ſuo tempore.

Cælum niteſcere, arbores frondeſcere,

Vites latificas, pampinis pubeſcere,

Ramos baccarum vbertate incurueſcere,

Segetes largiri fruges, florere omnia,

Fòntes ſcatere, herbis prata conueſtirier.

tum multitudinē pecudum partim ad veſcendum, par-
tim ad cultus agrorum, partim ad uehendū, partim ad
corpora veſtienda; hominemq; ipſum quaſi cōtempla-
torem cali ac deorum, ipſorumq; cultorem, atq; homi-
nis vtilitati, agros omnes & maria parentia; hæc igitur,
& alia innumerabilia cum cernimus, poſſumus ne
dubitare, quin his præſit aliquis vel effector, ſi hæc na-
ta ſunt, vt Platoni videtur; vel ſi ſemper fuerint, vt
Ariſtoteli placet, moderator tãti operis, & muneris?

ſic

sic mētem hominis, quamuis eam non videas, ut Deū non vides, tamen, ut Deum agnoscis ex operibus eius, sic ex memoria rerum, & inuentione, & celeritate motus, omniq; pulchritudine virtutis vim diuinam mētis agnoscito. in quo igitur loco est? credo equidem in capite; & cur credam, asserre possum: sed de hoc aliās: nunc ubi ubi sit animus, certe quidem in te est. quæ est ei natura? propria puto, & sua. sed fac igneā, fac spirabilem: nihil ad id, de quo agimus. illud modo videto, ut Deum noris, etsi eius ignores & locum, & faciem, sic animum tibi tuum notum esse oportere, etiam si eius ignores & locū, & formam. in animi autem cognitione dubitare non possumus, nisi planē in physicis plumbei sumus, quin nihil sit animis admixtum, nihil concretum, nihil copulatum, nihil coagmētatum, nihil duplex. quod cum ita sit, certe nec secerni, nec diuidi, nec discerpi, nec distrahi potest: nec interire igitur: est. n. interitus quasi discessus, & secretio, ac direptus carū partium, quæ ante interitum iunctione aliqua tenebantur. his, & talibus adductus Socrates, nec patronū quæsiuit ad iudicium capitis; nec iudicibus supplex fuit; adhibuitq; liberam contumaciā a magnitudine animi ductā, non a superbia; & supremo vitæ die de hoc ipso multa differuit; & paucis ante diebus, cum facile posset educi e custōdia, noluit; & cū penē in manu iā mortiferū illud teneret poculū, locutus ita est, ut nō ad mortem trudi, verum in cælum videretur, ascendere. ita. n. cēsebat; itaq; differuit: duas esse vias, duplicesq; cursus animorum e corpore excedentium: nā qui se humanis vitijs cōtaminafsēt, & se totos libidinibus deditis-

C sent,

sent, quib. cæcati vel in domesticis vitijs, atq; flagitijs se inquinassent, vel in Rep. violanda fraudes inexpiables concepissent, ijs deũ quoddam iter esse, seclusũ a concilio deorum: qui autem se integros: castosq; seruauissēt, quibusq; fuisset minima cum corporibus contagio, seseq; ab his semper seuocassent, essentq; in corporibus humanis vitā imitati deorum, his ad illos, à quibus essent profecti, reditum facilem patere: itaque commemorat, vt cygni, qui non sine causa Apollini dicati sunt, sed quod ab eo diuinationem habere videantur, qua prouidentes quid in morte boni sit, cum cantu & voluptate moriātur; sic oĩbus & bonis, & doctis esse faciendum. nec vero de hoc quisquam dubitare posset, nisi idem nobis accideret diligenter de animo cogitantibus, quod ijs sæpe vsu venit, qui acriter oculis deficientem solem intuerentur, vt aspectum omnino omitterent: sic mentis acies se ipsam intuens, nonnunquam habescit: ob eamq; causam contemplandi diligentia amittimus. itaq; dubitans, circumspectans, hæsitans, [Multa aduersa reuertens, tanquam ratis in mari immenso, nostra vehitur oratio.] sed hæc & vetera, & a Græcis. Cato autem sic abiit è vita, vt causam moriendi natum se esse gauderet. vetat. n. dominans ille in nobis Deus iniussu hinc nos suo demigrare. cum vero causam iustam Deus ipse dederit, vt tunc Socrati, nunc Catoni, sæpe multis: nã ille mediusfidius vir sapiens lætus ex his tenebris in lucem illam excesserit: nec tamen illa vincula carceris ruperit: leges enim vetant; sed tanquam a magistratu, aut ab aliqua potestate legitima, sic a Deo euocatus, atque emissus exierit; to-

ta enim philosophorum vita, ut ait idem, commentatio mortis est. nam quid aliud agimus, cum à voluptate, id est à corpore, cum à re familiari, quæ est mini-stra & famula corporis, cū à Rep. cum à negotio omni seuocamus animum? quid inquantū agimus, nisi animum ad se ipsum adiucamus, secū esse cogimus, maximeq; à corpore abducimus? se cernere autē à corpore animum, ne quidquā aliud est, quā emori discere. quare hoc cōmentemur, mihi crede; disiungamusq; nos à corporibus, id est conuescamus mori. hoc & dum erimus in terris, erit illi cælesti vitæ simile: & cum illuc ex his vinculis emissi feremur, minus tardabitur cursus animorū. nam qui in compedibus corporis semper fuerunt, etiam cum soluti sunt, tardius ingrediuntur, ut ij, qui ferro vincti multos annos fuerunt. quò cum venerimus, tum deniq; viuemus. nam hæc quidem vita, mors est: quam lamentari possem, si liberet. A. Satis tu quidem in consolatione es lamentatus: quam cū lego, nihil malo, quā has re relinquere; his vero auditis, multo magis. M. Veniet tēpus, & quidem celeriter, & siue retardabis, siue properabis: volat enim ætas. tantū autem abest ab eo, ut malum mors sit, quòd tibi dudum videbatur; ut verear, ut homini nihil sit non malū aliud certe, sed nihil bonum aliud potius; si quidem vel dij ipsi, vel cum dijs futuri sumus. A. quid refert? ad sunt enim, qui hæc non probent. M. Ego autē nunquam ita te in hoc sermone dimittam vlla vti ratione, ut mors tibi videri malum possit. A. Qui potest, cum ista cognouerim? M. Qui possit, rogas? cateruq; veniunt contradicentium, non solum Epicureorum, quos

equidem non despicio, sed nescio quomodo doctissimus quisque contemnit. acerrime autem, deliciae meae, Dicaearchus contra hanc immortalitatem differuit: is enim tres libros scripsit, qui Lesbiaci vocantur, quod Mitylenis sermo habetur; in quibus vult efficere, animos esse mortales. Stoici autem usuram nobis largiuntur tanquam cornicibus: diu mansuros aiunt animos, semper negant. nūvis igitur audire; cur etiā si ita sit, mors tamen nō sit in malis? A. ut videtur: sed me nemo de immortalitate depellet. M. Laudo id quidem: etsi nihil nimis oportet confidere: mouemur enim saepe aliquo acute concluso: labamus, mutamusq; sententiam clariorib. etiam in rebus: in his est enim aliqua obscuritas. id igitur si acciderit, simus armati. A. Sane quidem: sed, ne accidat, providebo. M. Num quid igitur est causae, quin amicos nostros Stoicos dimittamus, eos dico, qui aiunt animos manere, è corpore cum excefferint, sed nō semper? istos vero, qui, quod tota in hac causa difficillimum est, suscipiant, posse animū manere corpore vacantem: illud autē, quod non modo facile ad credendum est, sed eo concesso, quod volunt, consequens, id certe non dant, ut cum diu permanserit, ne intereat. A. Bene reprehendis: & se isto modo res habet. M. Credamus igitur Panætio, à Platone suo dissentienti: quem enim omnibus locis diuinum, quem sapientissimum, quem sanctissimū, quem Homerum philosophorum appellat, huius hanc vnam sententiam de immortalitate animorum nō probat: vult enim quod nemo negat, quidquid natum sit, interire; nasci autē animos, quod declarat eorum similitudo, qui procreantur:

quæ

quæ etiam in ingenijs, non solum corporibus appareat. alteram autem affert rationem: nihil esse, quod doleat, quin id ægrum esse quoque possit; quod autem in morbum cadat, id etiam interiturum: dolere autem animos; ergo etiam interire. hæc refelli possunt: sunt enim ignorantis, cum de eternitate animorum dicatur, de mente dici, quæ omni turbido motu semper vacet; non de partibus ijs, in quibus ægritudines, iræ, libidinesque versentur; quas is, contra, quem hæc dicantur, semotas à mente, & disclusas putat. nam similitudo magis apparet in bestiis; quarum animi sunt rationis expertes. hominibus autem similitudo in corporum figura magis extat; & ipsi animi magni refert quali in corpore locati sint; multa enim è corpore existunt, quæ acuant mentem; multa, quæ obtundant. Aristoteles quidem ait, omnes ingeniosos melancholicos esse: ut ego me tardiores esse non moleste feram. enumerat multos; idque quasi constet, rationem, cur ita fiat, affert. quod si tanta vis est ad habitum mentis in ijs, quæ gignuntur in corpore; ea sunt autem, quæcunque sunt, quæ similitudinem faciant: nihil necessitatis affert, cur nascatur animi similitudo. omitto similitudines. Vellè adesse posset Panæus. vixit cum Africano. quererem ex eo, cuius suorum similis fuisset Africani fratris nepos; facie, vel patris, vita omnium perditorum ita similis, ut esset facile deterrimus. cuius etiam similis P. Crassi, & sapientis, & eloquentis hominis nepos multorumque; aliorum clarorum virorum, quos nihil attinet nominare, nepotes & filij. sed quid agimus? obliti nunc sumus, hoc nunc nobis esse propositum; cum satis de eternitate dixissemus, ne si interirèt qui-

dem animi, quidquam mali esse in morte? *A.* Ego vero memineram: sed te aeternitate dicentem aberrare à proposito facile patiebar. *M.* Video te alta spectare, & velle in cælum migrare. *A.* Spero fore ut contingat id nobis: sed fac, ut isti volunt, animos nō remanere post mortem: video nos, si ita sit, priuari spe beatioris vitæ. *M.* Mali vero quid affert ista sententia? fac animū sic interire ut corpus: nū igitur aliquis dolor, aut omnino post mortem sensus in corpore est? nemo id quidē dicit: etsi Democritum insimulat Epicurus; Democritici negāt. ne in animo quidē igitur sensus remanet; ipse enim nusquā est. ubi igitur malum est, quoniam nihil tertium? an, quoniam ipse animi discessus à corpore non fit sine dolore? ut credam ita esse, quam est id exiguum? & falsum esse arbitror; & fit plerunq; sine sensu, nonnunquam etiam cū voluptate: totumque hoc leue est, qualecunque est: fit enim ad punctum temporis. illud angit, vel potius excruciat; discessus ab omnibus ijs, quæ sunt bona in vita. vide, ne à malis dici verius possit. quid ego nunc lugeam vitam hominum? vere & iure possum, sed quid necesse est, cū id agā, ne post mortē miseros nos putemus fore, vitā etiā efficere deplorando miseriorē? fecimus hoc in eo libro, in quo nosmetipsos, quantū potuimus consolati sumus. à malis igitur mors abducit, non à bonis, verum si querimus. hoc quidē à Cyrenaico Hegesia sic copiose disputatur, ut is à Rege Ptolemæo prohibitus esse dicatur illa in scholis dicere, quòd multi, his auditis, mortem sibi ipsi consciscerent. Callimachi quidem epigramma in Ambraciotam Cleombrotum est: quem ait cum ni-

hil

hil ei accidisset aduersi, è muro se in mare abiēcisse le-
cto Platonis libro. eius autem, què dixi, Hegesiæ liber
est ἀποκατεργών; quòd à vita quidam per inediā disce-
dens, reuocatur ab amicis; quibus respōdens, vitæ hu-
manæ enumerat incommoda. possem id facere, et si mi-
nus, quàm ille, qui omnino viuere expedire nemini pu-
tat, omitto alios. etiā ne nobis expedit, qui & domesti-
cis, & forensibus solatijs, ornamentisq; priuati, certe,
si ante occidisset, mors nos à malis, non à bonis ab-
straxisset? sit igitur aliquis, qui nihil mali habeat, nul-
lum à fortuna vulnus acceperit. Metellus ille honora-
tus quatuor filijs: at quinquaginta Priamus; è quibus
decem, & septem iuxta uxore natis: in utroq; eandē
habuit fortuna potestatem, sed vsa in altero est: Me-
tellum enim multi filij, filiae, nepotes, neptes in rogam
imposuerunt. Priamum autem tanta progenie orbatū,
cum in aram confugisset, hostilis manus interemit. hic
si uiuis filijs, incolumi regno occidisset;

Astante ope barbarico,

Tectis calatis, laqueatis;

utrum tādē à bonis, an à malis discessisset? tum pro-
fecto videretur à bonis. at certe ei melius euenisset,
nec tam flebiliter illa canerentur,

Hæc omnia vidi inflammari,

Priamo vi vitam euitari,

Iouis aram sanguinem turpari.

quasi uero ista uel quidquam tū potuerit ei melius ac-
cidere. quòd si ante occidisset, tamen euentum omnino
amisset, hoc autem tempore sensum malorum amisit.
Pompeio nostro familiari, cū grauitè ægrotarer Nea-

reas; etiam si sentias te non habere. hoc premendū etiā atq; etiam est argumentum, confirmato illo, de quo, si mortales animi sunt, dubitare non possumus, quin tantus interitus in morte sit, ut ne minima quidem suspicio sensus relinquatur. hoc igitur probe stabilito, & fixo, illud excutiendum est, ut sciatur quid sit carere, ne relinquatur aliquid erroris in verbo. carere igitur hoc significat, egere eo, quod habere velis: inest enim velle in carendo, nisi cū sic tāquam in feбри dicitur, alia quadam notione verbi. dicitur enim alio modo etiam carere, cum aliquid non habeas, & non habere te sentias, etiam si id facile patiare: carere. n. malo, id nō dicitur; non enim esset dolendum; dicitur illud, bono carere quod est malum. sed ne viuis quidem bono caret, si eo non indiget: sed in viuo intelligi tamen potest. regno carere, dici hoc in te satis subtiliter non potest: posset in Tarquinio, cum regno esset expulsus, at in mortuo ne intellige quidem potest: carere enim sentientis est, nec sensus in mortuo est, ne carere quidē igitur in mortuo est. quanquam quid opus est in hoc philosophari, cū re non magnopere egere philosophia videamus? quoties non modo ductores nostri, sed vniuersi etiam exercitus ad non dubiam mortem concurrerunt? quæ quidem si timeretur, non L. Brutus arcens cum reditu tyrannum, quem ipse expulerat, in prælio concidisset: non cum Latinis decertans pater Decius, cum Hetruscis filius: etiā cum Pyrrho nepos, se hostium telis obiecißent, nō vno bello pro patria cadentes Scipiones Hispania vidißet, Paulum Aemilium Cannæ, Venusia Marcellū, Latini Albinum, Lucani Gracchum. num quis horum miser bodie?

hodie? ne tum quidē post spiritum extremum: nec.n.
 potest esse miser quisquam sensu perempto. at id ipsum
 odiosum est, sine sensu esse. odiosum, si id esset carere.
 cum vero perspicuum sit, nihil posse in eo esse, qui ipse
 nō sit, quid potest esse in eo odiosum, qui nec careat, nec
 sentiat? quāquam hoc quidem nimis saepe, sed eo quod
 in hoc inest omnis animi contractio ex metu mortis.
 qui enim satis viderit, id quod est luce clarius, animo,
 & corpore consumpto, totoq; animāte deletō, & factō
 interitu vniuerso, illud animal, quod fuerit, factum es-
 se nihil; is plane perspiciet, inter Hippocentaurum, qui
 nunquam fuerit, & Regem Agamemnonem nihil in-
 teresse; nec pluris nunc facere M. Camillum hoc ciuile
 bellum, quam illo viuo ego fecerim Romā captam. cur
 igitur & Camillus doleret, si hæc post trecētos et quin-
 quaginta ferē annos euentura putaret: & ego doleam,
 si ad decem millia annorum gentem aliquam urbem
 nostram potituram putem? quia tanta charitas patriæ
 est, ut eam nō sensu nostro, sed salute ipsius metiamur.
 itaq; non deterret sapientem mors, quæ propter incer-
 tos casus quotidie imminet, propter breuitatem vitæ
 nunquam longe potest abesse, quo minus in omne tem-
 pus Reip. suisq; consulat, & posteritatem ipsam, cuius
 sensum habiturus non sit, ad se putet pertinere. quare
 licet et mortalem esse animum iudicantem, æterna mo-
 liri, non gloriæ cupiditate, quam sensurus non sit; sed
 virtutis, quā necessario gloria, etiā si tu id nō agas,
 consequatur. natura vero se sic habet, ut quomodo ini-
 tium nobis rerum oīum ortus noster afferat, sic exitum
 mors. quæ ut nihil pertinuit ad nos ante ortum, sic ni-
 hil

hil post mortem pertinebit. in quo quid potest esse mali, cū mors nec ad viuos pertineat, nec ad mortuos? alteri nulli sunt, alteros non attingit. quā qui leuiorē faciūt, somni simillimam volunt esse. quasi vero quisquā ita nonaginta annos velit viuere, ut cū sexaginta confecerit, reliquos dormiat. ne sues quidem id velint, non modo ipse. Endymio vero, si fabulas audire volumus, nescio quando in Latmo obdormiuit, qui est mons Cariae, nōdum opinor experrectus. num igitur eum curare censes, cum Luna laboret, à quā consopitus putatur, ut eum dormientem oscularetur? quid curet autem, qui ne sentit quidem? habes somnum imaginem mortis; eamque quotidie induis: & dubitas, quin sensus in morte nullus sit, cum in eius simulacro videas esse nullum sensum? pellantur ergo istae ineptiae penē aniles, ante tempus mori miserū esse. quod tandem tēpus? naturae ne? at ea quidē dedit vsuram vitae, tanquā pecuniae, nulla praestituta die. quid est igitur quod querere, si repetit cum vult? ea enim conditione acceperas. ijdem, si puer paruus occidit equo animo ferendum putant: si vero in cunis, ne querēdum quidē. atqui ab hoc acerbius exegit naturā, quod dederat. nondū gustauerat, inquiunt, vitae suauitatem: hic autem iā sperabat magna, quibus frui cæperat. at id quidē ipsum in ceteris rebus melius putatur, aliquā partem, quam nullā attingere: cur in vita secus: quanquam non male ait Callimachus multo saepius lacrymasse Priamū, quam Troilum. eorum autem, qui exacta etate moriuntur, fortuna laudatur: cur? nam, reor, non illis, si vita longior daretur, posset esse iucundior: nihil est enim profecto

quum sic è poculo eiecit, ut id resonaret, quo sonitu red-
dito, ridens, propino, inquit, hoc pulchro Critiæ, qui in
eum fuerat teterrimus. Græci enim in conuiuijs solent
nominare, cui poculū tradituri sint. Iusit uir egregius
extremo spiritu, cum iam præcordijs conceptā mortem
contineret, uereq; ei, qui uenenum præbuerat, mortem
est eam auguratus, quæ breui consecuta est. quis hanc
animi maximi æquitatē in ipsa morte laudaret, si mor-
tē malū iudicaret? vadit in eūdem carcerem, atque in
eundē paucis post annis scyphū Socrates, eodē scelere
iudicum, quo tyrannorū Theramenes: quæ est igitur
eius oratio, qua facit eum Plato usum apud iudices iā
morte mulctatū? [Magna me, inquit, spes tenet iudi-
ces bene mihi euenire, qđ mittar ad mortē. necesse est
enim sit alterum de duobus, ut aut sensus omnino mors
oēs auferat, aut in alium quendam locum ex his locis
morte migretur. quamobrem, siue sensus extinguitur,
morsque ei somno similis est, qui nonnunquā, etiā sine
visis somniorū, placatissimam quietem affert; dij boni,
quid lucri est emori? aut quā multi dies reperiri pos-
sunt, qui tali nocti anteponantur, cui similis futura est
perpetuitas omnis consequentis tēporis? quis me bea-
tior? sin vera sunt quæ dicuntur, migrationē esse mor-
tem in eas oras, quas, qui è uita excefferunt, incolūt:
id multo iā beatius est, te, cum ab ijs, qui se iudicū nu-
mero haberi uolūt, euaseris ad eos venire, qui uere iu-
dices appellantur, Minoem, Rhadamantū, Aëacū, Tri-
ptoleum: conuenireq; eos, qui iuste & cum fide vi-
xerint. hæc peregrinatio mediocris uobis uideri potest?
ut uero colloqui cū Orpheo, Musæo, Homero, Hesiodo
liceat,

damnatus ab Ephoris, & esset vultu hilari, atq; læto, dixissetq; ei qdā inimicus, contemnis ne leges Licurgi? responderit, Ego vero illi maximā gratiā habeo, qui me ea pēna mulctauerit, q̄ sine mutuatione, & sine versura, posse dissoluere. ò virū Sparta dignū: vt mihi qdē, qui tā magno animo fuerit, innocēs dānatus esse videatur. tales innumerabiles nostra ciuitas tulit. sed quid duces et principes nominē, cum legiones scribat Cato sepe alacres in eum locū profectas, vnde redituras se nō arbitrarentur? pari animo Lacedæmonij in Thermopylis occiderunt. in quos Symonides,

Dic hospes Sparta, nos te hic vidisse iacentes,

Dum sanctis patriæ legibus obsequimur.

Quid ille dux Leonidas dicit? pergite aīo forti Lacedæmonij: hodie apud inferos fortasse cœnabimus. fuit hæc gēs fortis, dum Lycurgi leges vigebāt. ē quibus vnus, cū Perses hostis in colloquio dixisset glorians, solē præiaculorū multitudine & sagittarū nō videbitis: in umbra igitur, inquit, pugnabimus. viros cōmemoro. qualis tādē Lacæna? quæ cū filium in præliū misisset, et interfectum audisset, iccirco, inquit, genuerā, vt esset q̄ pro patria mortem non dubitaret occumbere. eslo fortes, & duri Spartiata: magnā habet vim Reip. disciplina. quid? Cyrenęū Theodorum philosophorū nō ignobile, nō ne miramur? cui cū Lysimachus Rex crucem minaretur, istis quęso, inquit, ista horribilia minitare purpuratis tuis: Theodori quidem nihil interest, humine, an sublime putrescat. cuius hoc dicto admoneor, vt aliquid etiā de humatione, & sepultura dicendū existimem: rem nō difficilem, ijs præsertim cognitis, qdē ni-

hil

hil sentiēdo paulo ante dicta sunt. de qua Socrates quē
 quid sēserit, apparet in eo libro, in quo moritur: de quo
 iā tā multa diximus. cum. n. de immortalitate animo-
 rū disputauisset, & iam moriendi tēpus urgeret, roga-
 tus a Critone quemadmodum sepeliri vellet, [Multam
 vero, inquit, operam amici frustra consumpsi: Critoni
 enim nostro nō persuasi, me hinc auolaturū, neq; quid-
 quā mei relicturum. verūtamē Crito, si me assequi po-
 tueris, aut sicubi nactus eris; ut tibi videbitur, sepeli-
 to. sed mihi crede, nemo me vēstrum, cum hinc excessē-
 ro, cōsequetur.] Pręclare id quidē, q & amico permise-
 rit, & se ostēderit de hoc toto genere nihil laborare. du-
 rior Diogenes, & id quidē sentiēs, sed, ut Cynicus, aspe-
 rius, projici se iussit inhumatū. tum amici, volucris
 ne & feris? minime vero, inquit: sed bacillū propē me,
 quo abigam, ponitote. qui poteris, illi? non enim senties.
 quid igitur mihi ferarum laniatus oberit nihil sentien-
 ti? pręclare Anaxoras: qui cū Lampsaci moreretur,
 quęrentibus amicis vellet ne Clazomenas in patriam,
 si quid accidisset, afferri, nihil necesse est, inquit: vn-
 dique enim ad inferos tantundem vię est. tota que de ra-
 tione humationis vnum tenendum est; ad corpus illam
 pertinere, siue occiderit animus, siue vigeat. in corpo-
 re autem perspicuum est, vel extincto animo, vel ela-
 pso, nullum residere sensum, sed plena errorum sunt
 omnia. trahit Hęctořem ad currum religatum Achil-
 les: lacerari eum, & sentire credo putat. ergo hic vlci-
 scitur, ut, quidem sibi videtur. at illa sicut acerbissi-
 mam rem mœret.

Vidi, videre quod me passa egerrime,

Curru

Curru Heclorem quadrijugo raptarier .

quem Heclorem? aut quandiu ille erit Heclo? melius
Aetius, & aliquando sapiens Achilles.

Immo. n. vero corpus Priamo reddidi, Heclorem abstuli.
nō igit Hecloa traxisti, sed corp⁹ qđ fuerat Heclois.
ecce alius exoritur ē terra, q matrē dormire nō sinat.

Mater, te appello, quæ curā somno suspensam lenas;

Neque te mei miseret: surge, & sepeli natum.

hæc cum pressis & flebilibus modis, qui totis theatris
mæstitiam inferant, concinuntur, difficile est non eos
qui inhumati sunt, miseros iudicare.

- prius quàm feræ,

volucresque -

metuit, ne laceratis membris minus bene vtatur: ne
combustis, non extimescit.

Heu reliquias semiaffi Regis denudatis ossibus

Per terram sanie delibutam sæde diuexarier.

non intelligo, quid metuat, cum tam bonos septenarios
fundat ad tibiam. tenendum est igitur, nihil curan-
dum esse post mortem, cum multi inimicos etiam mor-
tuos puniatur. execratur luculētis sanē versibus apud
Ennium Thyestes, primū vt naufragio pereat Atreus.
durum hoc sanē: talis enim interitus non est sine gra-
ui sensu: illa inania,

Ipse summis saxis fixus asperis,

Euisceratus latere pendens, saxa spargens tabo,

Sanie, & sanguine atro.

nō ipsa saxa magis sensu oī vacabunt, quā ille latere pē-
dēs, cui se hic cruciatū censet optare. quàm essent dura,
si sentiret? nulla sine sensu. illud vero per quam inane:

Neque sepulcrū quo recipiat habeat portū corporis ;
 Vbi remissa humana vita corpus requiescat à malis ,
 Vides, quanto hæc in errore versentur. portum esse cor-
 poris, & requiescere in sepulcro putat mortuū. magna
 culpa Pelopis , qui non erudierit filium , nec docuerit
 quatenus esset quidq; curandum. sed quid singulorum
 opiniones animaduertam, nationū varios errores per-
 spicere cū liceat ? Condiunt Aegyptij mortuos, & eos
 domi seruant : Persę etiam cara circumlitos condiunt,
 vt quam maxime permaneant diuturna corpora. Ma-
 gorū mos est nō humare corpora suorū, nisi à feris sint
 antea laniata . in Hyrcania plebs publicos alit canes :
 optimates domesticos. nobile autē genus canū illud sci-
 mus esse. sed pro sua quisq; facultate parat, à quibus la-
 nietur : eamq; optimā illi esse censent sepulturam. per
 multa alia colligit Chrysippus, vt est in omni hīstoria
 curiosus. sed ita terra sunt quādā, vt ea fugiat, & re-
 formidet oratio. totus igitur hic locus est contēnendus
 in nobis, non negligendus in nostris, ita tamē, vt mor-
 tuorū corpora nihil sentire sentiamus. quantum autem
 consuetudini, famæq; dandū sit, id eurent viui, sed ita,
 vt intelligant nihil ad mortuos pertinere. sed profecto
 mors tū æquissimo animo oppetitur, cum suis se laudi-
 bus vita occidens consolari potest. nemo parum diu vi-
 xit, qui virtutis perfectę perfectō functus est munere.
 multa mihi ipsi ad mortem tēpestiua fuerunt: quæ vti
 nam potuissē obire : nihil enim iam acquirebatur: cu-
 mulata erant officia vitę : cū fortuna bella restabant .
 quare si ipsa ratio minus perficiet, vt mortē negligere
 possimus: at vita acta perficiat, vt satis superq; vixis-
 se

se videamur. quanquā enim sensus abierit, tamen sum-
 mis, & proprijs bonis & laudis, & gloria, quamuis nō
 sentiant, mortui nō carent. etsi enim nihil in se habeat
 gloria, cur expetatur: tamē virtutē tanquam umbra
 sequitur. verū multitudinis iudicium de bonis, si quā-
 do est, magis laudandū est, quā illi ob eam rē beati. non
 possum aut dicere quoquo modo hoc accipiatur, Lycur-
 gum, Solonem legum & publicę disciplinæ carere glo-
 ria, Themistoclē Epaminondam bellicę virtutis: ante
 enim Salaminā ipsam Neptunus obruet, quā Salami-
 nij trophęi memoriam: priusq; Bæotia Leuctra tollen-
 tur, quam pugnæ Leuctricę gloria. multo etiā tardius
 fama deferet Curium, Fabriciū, Calatinum, duos Sci-
 piones, duos Africanos, Maximū, Marcellum, Paulū,
 Catonem, Lælium, innumerabiles alios. quorū simili-
 tudinem aliquā qui arripuerit, non eam fama popula-
 ri, sed vera bonorum laude metiens, fidenti animo, si
 ita res feret, gradietur ad mortem: in qua aut summū
 bonum, aut nullum malum esse cognouimus: secundis
 vero suis rebus volet etiam mori: non enim tam cumu-
 lus bonorum incūdus esse potest, quā molesta deces-
 sio. hāc sententiā significare videtur Laconis illa vox,
 qui, cū Rhodius Diagoras, Olympionices nobilis, vno
 die duos suos filios victores Olympiæ vidisset, accessit
 ad senē, et gratulatus, morere Diagora, inquit: nō enim
 in calum ascensurus es. magna hac, & nimīū fortasse
 Græci putant, vel tum potius putabant: isque, qui hoc
 Diagoræ dixit, permagnū existimans treis Olympioni-
 cas vna ex domo prodire, cunctari illū diutius in vita
 fortunæ obiectum, inutile putabat ipsi. ego autem tibi

quidē quod satis esset, paucis verbis, ut mihi videbar, responderam; concesseras enim nullo in malo mortuos esse: sed ob eā causam cōtendi, ut plura dicerem, quod in desiderio, & luctu hęc est cōsolatio maxima: nostrū enim & nostra causa susceptum dolorem modice ferre debemus, ne & nosmetipsos amare videamur. illa suspicio intolerabili dolore cruciat, si opinamur eos, quibus orbatī sumus, esse cū aliquo sensu in ijs malis, quibus vulgo opinantur, hanc excutere opinionē mihimet radicitus volui, eoq; fui fortasse lōgior. *A.* Tu lōgior? non mihi quidem. prior enim pars orationis tuę faciebat, ut mori cuperem; posterior, ut modo non nollē, modo non laborarem; omni autem ratione illud certe perfectum est, ut mortem non ducerem in malis. *M.* Num igitur etiam rethorū epilogū desideramus, an iam hęc artem planē relinquimus? *A.* Tu vero istam ne reliqueris quā semper ornasti: & quidem iure: illa enim te, si vere loqui volumus, ornauerat. sed qui nā est iste epilogus? aueo enim audire quidquid est. *M.* Deorum immortalīū iudicia solēt in scholis proferre de morte, nec vero ea fingere ipsi, sed Herodoto auctore, alijsq; pluribus. Primum Argiæ sacerdotis Cleobis & Biton filij prædicantur. nota fabula est. cum enim illam ad solemne, & statum sacrificiū curru vehi ius esset, satis longe ab oppido ad fanum, morarēturq; iumenta: tūc iuuenes ij, quos modo nominaui, veste posita, corpora oleo perunxerunt, ad iugum accesserunt. ita sacerdos aduectā in fanum, cum currus esset ductus à filijs, precata à deā dicitur, ut illis præmium daret pro pietate, quod maximum homini dari posset à Deo: post epulatos

ros cum matre adolescentes, somno se dedisse, mane inuentos esse mortuos. Simili precatione Trophonius & Agamedes vsi dicuntur: qui, cum Apollini Delphis templum exadificassent, venerantes Deum petierunt mercedē non paruam quidem operis, & laboris sui, nil certi, sed quod esset optimū homini. quibus Apollo se id daturum ostendit post eius diei diem tertium: qui ut illuxit, mortui sunt reperti. iudicauisse Deū dicunt, & cum quidem Deum, cui reliqui dij concessissent, ut præter ceteros diuinaret, mortem esse optimum homini. fertur etiam de Sileno fabella quædam: qui cum à Mida captus esset, hoc ei muneris pro sua missione dedisse scribitur: docuisse Regem, non nasci homini lōge optimum esse; proximum autem, quam primum mori. qua est sententia in Cresponte vsus Euripides.

Nam nos decebat cætus celebrantes domum,

Lugere, ubi esset aliquis in lucem editus,

Humanæ vitæ varia reputantes mala:

At, qui labores morte finisset graueis,

Omnes amicos laude, & lætitia exequi.

simile quiddam est in consolatione Crantoris: ait enim Terinæum quendam Elisium cum grauitè filij mortē mærerent, venisse in Psycomantium, quærentem quæ fuisset tātæ calamitatis causa: huic in tabellis treis huiusmodi versiculos datos:

Ignaris homines in vita mentibus errant.

Euthymus potitur fatorum numere lato.

Sic fuit vtilius finiri ipsique, tibi que.

His & talibus auctoribus vsi, confirmant causam rebus à dijs immortalibus indicatam. Alcidas quidā

rethor antiquus in primis nobilis scripsit etiam laudationem mortis, quæ cōstat ex enumeratione malorum humanorum. cui rationes eæ, quæ exquisitius à philosophis colliguntur, defuerunt, ubertas orationis non defuit. claræ vero mortes pro patria appetitæ, non solū gloriose rethoribus, sed etiam beata videri solent. repetunt ab Erichtheo: cuius etiam filiæ cupide mortem expetiuerunt pro vita ciuium: Codrū, qui se in medios immisit hosteis famulari veste, nec posset agnosci. si esset ornatu regio: quod oraculū erat datū, si Rex interfectus esset, victrices Athenas fore. Menæceus vero nō prætermittitur, qui oraculo edito largitus est patriæ suum sanguinem. Iphigenia Aulide duci se immolandā iubet, ut hostium sanguis eliciatur suo, veniūt inde ad propiora. Harmodius in ore, et Aristogiton: Lacedæmonius Leonidas, Thebanus Epaminōdas vigent. nostros non norunt: quos enumerare magnum est, ita sunt multi quibus videmus optabiles fuisse mortes cum gloria. quæ cum ita sint, magna tamen eloquētia est vtendū, atque ita velut superiore è loco concionandum, ut homines mortem vel optare incipiant, vel certe timere desistant. nam si supremus ille dies non extinctionem, sed cōmutationem affert loci: quid optabilius? sin aut perimit, ac delet omnino: quid melius, quàm in medijs vite laboribus obdormiscere, & ita conniuentem somno consopiri sempiterno? quod si fiat, melior Ennij, quàm Solonis oratio: hic enim noster,

Nemo me lacrymis decoret (inquit) nec funera fletu Faxit. at vero sapiens ille,

Mors mea ne careat lachrymis, linquamus amicis

Mæro-

Mærorem, ut celebrent funera cum gemitu. nos vero si quid tale acciderit, ut à Deo denunciatum videatur ut exeamus è vita, lati & agentes gratias pareamus, emittiq; nos è custodia, & leuari vinculis arbitremur, ut aut in æternam, & planè in nostrā domum remigremus, aut omni sensu, molestiaque careamus; sin autem nihil denunciabitur, eo tamen simus animo ut horribilem illum diem alijs, nobis faustū putemus; nihil in malis ducamus, quod sit vel à dijs immortalibus, vel à natura parente omnium cōstitutum. non enim temere: nec fortuito sati, & creati sumus: sed profecto fuit quædam vis, quæ generi cōsuleret humano; nec id gigneret, aut aleret, quod, cum exanthlauisset omnes labores, tum incideret in mortis malū sempiternum: portum potius paratum nobis, & perfugium putemus. quo utinam velis passis peruehi liceat. si enim reflantibus uentis reijciemur, tamen eodē paulo tardius referamur necesse est. quod autem omnibus necesse est, id ne miserum esse uni potest? habes epilogum, ne quid prætermisum, aut relictum putes. A. Ego uero, & quidem fecit etiam iste me epilogus firmiorem. M. Optime, inquam, sed nunc quidem ualeitudini tribuamus aliquid: cras autem & quot dies erimus in Tusculano, agamus hæc, & ea potissimum, quæ leuationem habeant ægritudinum, formidinum, cupiditatum: qui omni è philosophia est fructus uberimus.

M. TULLII
CICERONIS
TVSCVLANARVM
QVÆSTIONVM
AD MARCVM BRVTVM.

Liber Secundus.

De tolerando dolore.

NEOPTOLEMVS quidem apud Ennium
philosophari sibi ait necesse esse, sed pau-
cis: nam omnino baud placere. ego autē
Brute necesse quidem mihi esse arbitror
philosophari: nam quid possum, præsertim nihil agēs,
agere melius ē sed non paucis, ut ille: difficile est enim
philosophia pauca esse ei nota, cui non sint, aut plera-
que, aut oīa: nā nec pauca, nisi ē multis eligi possunt;
nec qui pauca percepit, non idem reliqua eodem studio
persequatur, sed in vita tamen occupata, atque, ut
Neoptolemi tam erat, militari pauca ipsa multū sæpe
proficiunt, & ferunt fructus: si nō tantos, quāti ex uni-
uersa philosophia percipi possunt; tamen eos, quibus
aliqua ex parte interdum aut cupiditate, aut agritu-
dine, aut metu liberemur: velut ex ea disputatione,
quæ mihi nuper habita est in Tusculano, magna vide-
batur mortis effecta contemptio: quæ non minimum
valet ad eummetu liberandum: nam qui id, quod
vitari

vitari non potest, metuit, is viuere aīo quieto nullo modo potest: sed qui, non modo quia neceſſe eſt mori, verū etiā quia nihil habet mors quod ſit horrendum, mortē non timet, magnum is ſibi preſidium ad beatā vitā cōparat. quanquam non ſumus ignari, multos ſtudioſe cōtra eſſe dicturos. quod vitare nullo modo potuimus, niſi nihil omnino ſcriberemus. etenim ſi orationes, quas nos multitudinis iudicio probari volebamus (popularis eſt. n. illa facultas. & effectus eloquentiæ eſt audiētium approbatio) ſed ſi reperiabantur nonnulli, qui nihil laudarent, niſi quod ſe imitari poſſe cōſiderēt; quæque ſperandi ſibi, eundem & bene dicendi finem proponerent; & cum obruerentur copia ſententiārū atque verborum, ieiunitatem, et ſamem ſe malle, quā ſubertatem, & copiam dicerent, vnde erat exortum genus Atticorum, iſs ipsis, qui id ſequi ſe profitebantur, ignotū, qui iam conticuere penē ab ipſo foro irriſi: quid futurū putamus, cum adiutore populo, quo utebamur antea, nunc minime nos vti poſſe videamus? eſt enim philoſophia paucis contenta iudicibus, multitudinem conſulto ipſa fugiens, eiūque ipſi & ſuſpecta, & inuiſa: ut vel, ſi quis vniuerſam velit vituperare, ſecundo id populo facere poſſit; vel, ſi in eam, quam nos maxime ſequimur, conetur inuadere, magna habere poſſit auxilia reliquorū philoſophorum diſciplinis. nos autem vniuerſæ philoſophiæ vituperatoribus reſpōdimus in Hortenſio. pro Academia autē quæ dicenda erant, ſatis accurate in Academicis quatuor libris explicata arbitramur. ſed tamen tantum abeſt ut ſcribi cōtra nos nolumus, ut id etiā maxime optemus: in ipſa. n. Græcia philoſo-

philosophia tanto in honore nunquam fuisset, nisi doctissi-
 morum contentionibus dissensionibusq; viguisset. qua
 mobrem hortor omnes, qui facere id possunt, ut huius
 quoque generis laudē iā languenti Græcis eripiant, &
 perferant in hanc urbem, sicut reliquas omnes, quæ q-
 dē erant expetendę, studio atque industria sua maiores
 nostri transtulerunt atq; oratorum quidē laus ita du-
 cta ab humili venit ad summū, ut iā quod natura fert
 in omnibus ferē rebus, senescat, breuiq; tēpore ad nihī-
 lum ventura videatur. philosophia nascatur latinis q-
 dem litteris ex his tēporibus; eamque nos adiuuemus,
 nosque ipsos redargui, refelli que patiamur. quod ij fe-
 runt animo iniquo, qui certis quibusdam, destinatisq;
 sentētijis quasi addicti, & consecrati sunt, ea que neces-
 sitate constricti, ut, et quæ nō probare soleant, ea cogā-
 tur constantiæ causa defendere. nos, qui sequimur pro-
 babilia, nec ultra id, qđ verisimile occurrerit progredi
 possumus, & refellere sine pertinacia, & refelli sine
 iracundia parati sumus: quod si hæc studia traducta
 erunt ad nostros, ne bibliothecis quidē Græcis egebi-
 mus, in quibus multitudo infinita librorū propter eorū
 est multitudinem, qui scripserunt: eadem enim dicuntur
 a multis: ex quo libris omnia referferunt. quod accidet
 et nostris, si ad hæc studia plures confluxerint. sed eos
 si possumus, excitemus, q̄ liberaliter eruditi, adhibita
 etiam disserendi elegantia, ratione, & via philosophan-
 tur. est enim quoddā genus eorū, qui se philosophos ap-
 pellari volunt, quorum dicuntur esse Latini sanē multi
 libri; quos non contemno equidē, quippe quos nunquā
 legerim: sed quia profitentur ipsi illi, qui eos scribunt,

se neque distincte, neque distribute, neq; eleganter, neq;
ornate scribere, lectionem sine ulla delectatione negli-
go; quid enim dicant, & quid sentiant ij, qui sunt ab ea
disciplina, nemo mediocriter quidē doctus ignorat. qua
mobrem, quoniam, quemadmodum dicant, ipsi non labo-
rant; cur legēdi sint, nisi ipsi inter se, q idē sentiunt, nō
intelligo. nam ut Platonem; reliquosque Socraticos, &
deinceps eos, qui ab his profecti sunt, legūt omnes ēt,
qui illa aut non approbant, aut non studiosissime conse-
ctantur; Epicurum autem, & Metrodorum non fere
præter suos quisquam in manus sumit: sic hos Latinos ij
soli legunt, qui illa recte dici putant. nobis autem uide-
tur, quidquid literis mandetur, id commendari oīum
eruditorum lectione decere. nec, si ipsi minus consequi
possumus, iccirco minus id ita faciendum esse sentimus.
itaque mihi semper Peripateticorum, Academiaq; cō-
suetudo, de omnibus rebus in contrarias partes differē-
di, nō ob eam causam solum placuit, quod aliter nō pos-
set, quid in quaque re verisimile esset inueniri, sed etiā
quod esset ea maxima dicēdi exercitatio. qua princeps
usus est Aristoteles, deinde eum qui secuti sunt. nostra
autem memoria Philo, quē nos frequēter audiuius,
instituit alio tempore rhetorum præcepta tradere, alio
philosophorum. ad quā nos consuetudinem a familiari-
bus nostris adducti, in Tusculano, quod datum est tēpo-
ris nobis, in eo consumpsimus. itaque cum ante meridiē
dictioni operā dedissemus, sicut pridie feceramus; post
meridiem in Academiā descendimus. in qua disputa-
tionem habitam nō quasi narrantes exponimus, sed eis-
dē ferē verbis, ut actū, disputatumq; est. est igitur am-
buan-

bulantibus ad hunc modum sermo ille nobis institutus,
 & a tali quoddā inductus exordio. A. Dicit nō potest,
 quā sim hesternā disputatione tua delectatus, vel po-
 tius adiutus; & si enim mihi conscius sum, nunquā me
 nimis cupidum fuisse vitę; tamen obijciebatur interdū
 animo metus quidam, et dolor, cogitanti fore aliquādo
 finem huius lucis, & amissionem omnium vitę cōmo-
 dorum. hoc genere molestiæ sic, mihi crede, sum libera-
 tus, ut nihil minus curandum putē. M. Minime mirum
 id quidē; nam efficit hoc philosophia: medetur animis:
 inanes sollicitudines detrahit: cupiditatibus liberat:
 pellit timores. sed hæc eius vis non idem potest apud
 omnes: tum valet multum, cum est idoneam complexa
 naturam: fortes enim non modo fortuna adiuvat ut est
 in veteri proverbio, sed multo magis ratio, q̄ quibusdā
 quasi præceptis confirmat vim fortitudinis. te natura
 excelsum quēdam videlicet, & altum, & humana de-
 spiciente genuit: itaq; facile in animo forti contra mor-
 tem habita insedit oratio, sed hæc eadē num cēses apud
 eos ipsos valere: nisi admodum paucos, a quibus inuen-
 ta, disputata conscripta sunt? quotus enim quisque phi-
 losophorum inuenitur, qui sit ita moratus, ita animo,
 ac vita constitutus, ut ratio postulat; qui disciplinam
 suā non ostentationē scientiæ, sed legem vitę putet, qui
 obtemperet ipse sibi, & decretis suis pareat? videre li-
 cet alios tanta lenitate, & iactatione, ijs, ut fuerit non
 didicisse melius; alios pecuniæ cupidos, gloriæ nonnul-
 los; multos libidinum seruos: ut cum eorum vita mira-
 biliter pugnet oratio. quod quidem mihi videtur esse
 turpissimum. ut. n. si grāmaticum se professus quispiā,
 bar-

barbare loquatur; aut si absurde canat is, qui se haberi velit musicum, hoc turpior sit, quod in eo ipso peccet; cuius profitetur scientiam; sic philosophus in ratione vitæ peccās, hoc turpior est, quod in officio, cuius magister esse vult, labitur; artemque vitæ professus, delinquit in vita. *A.* Non ne verendum igitur, si est ita, ut dicis, ne philosophiā falsā gloria exornes? quod est enim maius argumētum, nihil eam prodesse, quam quosdam perfectos philosophos turpiter vivere? *M.* Nullum vero id quidem argumentum est: nam ut agri non omnes frugiferi sunt, qui coluntur, falsumque illud, ac improbe,

Et si in segetem sunt deteriorem datæ

Fruges, tamen ipse suapte natura enitent.

sic animi non omnes culti fructum ferunt. atque ut in eodem simili verfer, ut ager, quamvis fertilis, sine cultura fructuosus esse nō potest, sic sine doctrina animus. ita est utraq; res una sine altera debilis. cultura autē animi philosophia est; quæ extrahit vitia radicitus, & præparat animos ad satus accipiendos; eaq; mādāt his, & ut ita dicam, serit, quæ adulta fructus uberrimos ferant. agamus igitur, ut cæpimus. dic, si vis, de quo disputari velit. *A.* Dolorem existimo maximum malorū omnium. *M.* Etiā ne maius, quā dedecus? *A.* Nō audeo id dicere quidem, & me pudet tā cito de sententia esse deiectum. *M.* Magis esse pudendum, si in sententia permaneres: quid. n. minus est dignū, quā tibi quidquam peius videri dedecore, flagitio, turpitudine? quæ ut effugias, quis est non modo non recusandus, sed vltro appetendus, subeundus, excipiendus dolor? *A.* Ita
pror-

prorsus existimo. quare ne sit sanè summum malum do-
 lor: malum est certe. *M.* Vides ne igitur, quantum, bre-
 uiter admonitus, de doloris terrore deieceris? *A.* Vi-
 deo planè: sed plus desidero. *M.* Experiar equidem: sed
 magna res est, animoque mihi opus est nō repugnante.
A. Habebis id quidem: ut. n. heri feci, si nunc rationē,
 quò ea me cunque ducet, sequar. *M.* Primum igitur de
 imbecillitate multorum, & de varijs disciplinis philo-
 sophorum loquar. quorum princeps & auctoritate, &
 antiquitate Socraticus Aristippus nō dubitauit sum-
 mum malum dolorem dicere. de hinc ad hāc eneruatā,
 muliebremque sententiā satis docilem se Epicurus prę-
 buit. hūc post Rhodius Hieronymus dolore vacare sum-
 mum bonū dixit: tantum in dolore duxit mali ceteri,
 præter Zenonem, Aristonē, Pyrrhonem, idem ferè, qđ
 modo tu; malum illud quidē, sed alia peiora. ergo id, qđ
 natura ipsa, et quēdā generosa virtus statim respuit ne
 dolorem summum malū diceres, oppositoque dedecore
 sententia depellere, in eo magistra vitæ tot secula per-
 manet philosophia. quod huic officiū, quæ laus, quod de-
 cus erit tanti, quod adipisci cum dolore corporis velit,
 qui dolorem summum malum sibi esse persuaferit? quā
 porrò quis ignominiam, quam turpitudinem non pertu-
 lerit, ut effugiat dolorem, si id summum malum esse de-
 creuerit? quis autem non miser non modo tunc, cum
 præmetur summis doloribus, si in his est summum ma-
 lum; sed etiam cum sciet id sibi posse euenire? & quis
 est cui non possit? ita fit ut omnino nemo possit esse bea-
 tus. Metrodorus quidem eum perfectē putat beatum,
 cui corpus bene constitutum sit, & exploratum ita sem-
 per

per fore. quis autem est iste, cui id exploratū possit esse? Epicurus vero ea dicit, ut mihi quidem risus capere videatur. affirmat enim quodam loco, si vratur sapiens, si crucietur: expectas fortasse, dum dicat, patietur, perferet, non succubet: magna mehercule laus, & eo ipso, per quem iuravi, Hercule digna: sed Epicuro homini aspero, & duro non est hoc satis: in Phalaridis tauro si erit, dicet, quā suaue est hoc, quā hoc non curo. suaue etiam? an parum est si non amarum? at id quidē illi ipsi, qui dolorem malū esse negant, non solent dicere cuiquam suaue esse cruciari: asperum, difficile, odiosum, cōtra naturā dicunt, nec tamen malū. hic, qui solum hoc malum dicit, & malorū omnium extremū, sapientem censet id suaue dicturū. ego à te non postulo, ut dolorem eisdem verbis afficias, quibus Epicurus voluptatē, homo, ut scis, voluptarius. ille dixerit sanè idē in Phalaridis tauro, quod si esset in lectulo. ego tātā vim non tribuo sapienti cōtra dolorē: si fortis in perferendo, officio satis est: ut latetur etiam, non postulo: tristis enim res est. sine dubio, aspera, amara, inimica naturæ, ad patiendum, tolerandumq; difficilis. aspice Philoctetam: cui concedendū est gemēti: ipsum enim Herculem viderat in Oeta magnitudine dolorū eiulantem. nihil igitur hunc virum sagittæ, quas ab Hercule acceperat, tum consōlabantur: cum è viperino morſu venæ viscerum Veneno imbutæ tetros cruciatus cierent. itaq; exclamat auxilium expetens, mori cupiēs,
Hæu quis falsis fluctibus mandet
Me ex sublimi uertice saxi.
Iam iam absumor: conficit animam

rethor antiquus in primis nobilis scripsit etiam laudationem mortis, quæ cōstat ex enumeratione malorum humanorum. cui rationes eæ, quæ exquisitiùs à philosophis colliguntur, defuerunt, vbertas orationis non defuit. claræ vero mortes pro patria appetitæ, non solū gloriosæ rethoribus, sed etiam beatæ videri solent. repetunt ab Erichtheo: cuius etiam filiæ cupide mortem expetiuerunt pro vita ciuium: Codrū, qui se in medios immisit hosteis famulari veste, nec posset agnosci, si esset ornatus regio: quod oraculū erat datū, si Rex interfectus esset, victrices Athenas fore. Menæceus vero nō prætermittitur, qui oraculo edito largitus est patriæ suum sanguinem. Iphigenia Aulide duci se immolandā iubet, vt hostium sanguis eliciatur suo, veniūt inde ad propiora. Harmodius in ore, et Aristogiton: Lacedæmonius Leonidas, Thebanus Epaminōdas vigent. nostros non norunt: quos enumerare magnum est, ita sunt multi quibus videmus optabiles fuisse mortes cum gloria. quæ cum ita sint, magna tamen eloquētia est vtendū, atque ita velut superiore è loco concionandum, vt homines mortem vel optare incipiant, vel certe timere desistant. nam si supremus ille dies non extinctionem, sed cōmutationem affert loci: quid optabilius? sin aut perimit, ac delet omnino: quid melius, quàm in medijs vite laboribus obdormiscere, & ita conniuentem somno consopiri sempiterno? quod si fiat, melior Ennij, quàm Solonis oratio: hic enim noster,

Nemo me lacrymis decoret (inquit) nec funera fletu Faxit. . . . at vero sapiens ille,

Mors mea ne careat lachrymis, linquamus amicis

Macro-

Mœrorem, ut celebrent funera cum gemitu. nos vero si quid tale acciderit, ut à Deo denunciatum videatur ut exeamus è vita, lati & agentes gratias pareamus, emittiq; nos è custodia, & leuari vinculis arbitremur, ut aut in æternam, & planè in nostrā domum remigremus, aut omni sensu, molestiaque careamus; sin autem nihil denunciabitur, eo tamen simus animo ut horribilem illum diem alijs, nobis faustū putemus; nihil in malis ducamus, quod sit vel à dijs immortalibus, vel à natura parente omnium cōstitutum. non enim temere: nec fortuito sati, & creati sumus: sed profecto fuit quædam vis, quæ generi cōsuleret humano; nec id gigneret, aut aleret, quod, cum exanthlauisset omnes labores, tum incideret in mortis malū sempiternum: portum potius paratum nobis, & perfugium putemus. quo utinam velis passis peruehi liceat. si enim reflantibus uentis reijciemur, tamen eodē paulo tardius referamur necesse est. quod autem omnibus necesse est, id ne miserum esse uni potest? habes epilogum, ne quid prætermisum, aut relictum putes. A. Ego uero, & quidem fecit etiam iste me epilogus firmiorem. M. Optime, inquam, sed nunc quidem ualitudini tribuamus aliquid: cras autem & quot dies erimus in Tusculano, agamus hæc, & ea potissimum, quæ leuationem habeant egritudinum, formidinum, cupiditatum: qui omni è philosophia est fructus uberimus.

CICERONIS

TVSCVLANARVM

QVÆSTIONVM

AD MARCV M BRVTVM.

*Liber Secundus.**De tolerando dolore.*

NEOPTOLEMVS quidem apud Ennium philosophari sibi ait necesse esse, sed paucis: nam omnino haud placere. ego autē Brute necesse quidem mihi esse arbitror philosophari: nam quid possum, præsertim nihil agēs, agere melius? sed non paucis, ut ille: difficile est enim philosophia pauca esse ei nota, cui non sint, aut pleraque, aut oīa: nā nec pauca, nisi ē multis eligi possunt; nec qui pauca percepit, non idem reliqua eodem studio persequetur, sed in vita tamen occupata, atque, ut Neoptolemi tum erat, militari pauca ipsa multū saepe prosunt, & ferunt fructus: si nō tantos, quāti ex vniuersa philosophia percipi possunt; tamen eos, quibus aliqua ex parte interdum aut cupiditate, aut egritudine, aut metu liberemur: velut ex ea disputatione, quæ mihi nuper habita est in Tusculanō, magna videbatur mortis effecta contemptio: quæ non minimum valet ad animum metu liberandum: nam qui id, quod

vitari

vitari non potest, metuit, is viuere aīo quieto nullo modo potest: sed qui, non modo quia necesse est mori, verū etiā quia nihil habet mors quod sit horrendum, mortē non timet, magnum is sibi presidium ad beatā vitā cōparat. quanquam non sumus ignari, multos studiose cōtra esse dicturos. quod vitare nullo modo potuimus, nisi nihil omnino scriberemus. etenim si orationes, quas nos multitudinis iudicio probari volebamus (popularis est. n. illa facultas, & effectus eloquentiæ est audiētium approbatio) sed si reperiēbantur nonnulli, qui nihil laudarent, nisi quod se imitari posse cōsiderēt; quēque sperandi sibi, eundem & bene dicendi finem proponerent; & cum obruerentur copia sententiarū atque verborum, ieiunitatem, et famem se malle, quā vbertatem, & copiam dicerent, vnde erat exortum genus Atticorum, ijs ipsis, qui id sequi se profitebantur, ignotū, qui iam conticuere penē ab ipso foro irrisi: quid futurū putamus, cum adiutore populo, quo vtebamur antea, nunc minime nos uti posse videamus? est enim philosophia paucis contenta iudicibus, multitudinem consulto ipsa fugiens, ei que ipsi & suspecta, & inuisa: vt vel, si quis vniuersam velit vituperare, secundo id populo facere possit; vel, si in eam, quam nos maxime sequimur, conetur inuadere, magna habere possit auxilia reliquorū philosophorum disciplinis. nos autem vniuersæ philosophiæ vituperatoribus respōdimus in Hortensio. pro Academia aut quæ dicenda erant, satis accurate in Academicis quatuor libris explicata arbitramur. sed tamen tantum abest vt. scribi cōtra nos nolumus, vt id etiā maxime optemus: in ipsa. n. Græcia philosopho-

losophia tanto in honore nunquam fuisset, nisi doctissi-
 morum contentionibus dissensionibusq; vighisset. qua
 mobrem hortor omnes, qui facere id possunt, vt huius
 quoque generis laudē iā languenti Gracis eripiant, &
 perferant in hanc urbem, sicut reliquas omnes, quę q-
 dē erant expetendę, studio atque industria sua maiores
 nostri transtulerunt atq; oratorum quidē laus ita du-
 cta ab humili venit ad summū, vt iā quod natura fert
 in omnibus ferē rebus, senescat, breuiq; tēpore ad nihi-
 lum ventura videatur. philosophia nascatur latinis q-
 dem litteris ex his tēporibus; eamq; nos adiuvemus,
 nosq; ipsos redargui, refelliq; patiamur. quod ij se-
 runt animo iniquo, qui certis quibusdam, destinatisq;
 sentētijis quasi addicti, & consecrati sunt, eaq; neces-
 sitate constricti, vt, et quę nō probare soleant, ea cogā-
 tur constantiā causa defendere. nos, qui sequimur pro-
 babilia, nec ultra id, qđ verisimile occurrerit progredi
 possumus, & refellere sine pertinacia, & refelli sine
 iracundia parati sumus: quod si hęc studia traducta
 erunt ad nostros, ne bibliothecis quidē Gracis egebi-
 mus, in quibus multitudo infinita librorū propter eorū
 est multitudinem, qui scripserunt: eadem enim dicuntur
 a multis: ex quo libris omnia referferunt. quod accidet
 et nostris, si ad hęc studia plures confluxerint. sed eos
 si possumus, excitemus, q liberaliter eruditi, adhibita
 etiam discernendi elegantia, ratione, & via philosophan-
 tur. est enim quoddā genus eorū, qui se philosophos ap-
 pellari volunt, quorum dicuntur esse Latini sanē multi
 libri; quos non contemno equidē, quippe quos nunquā
 legerim: sed quia profitentur ipsi illi, qui eos scribunt,

se neque distincte, neque distribute, neq; eleganter, neq;
ornate scribere, lectionem sine ulla delectatione negli-
go; quid enim dicant, & quid sentiant ij, qui sunt ab ea
disciplina, nemo mediocriter quidē doctus ignorat. qua
mobrem, quoniam, quemadmodum dicant, ipsi non labo-
rant; cur legēdi sint, nisi ipsi inter se, q idē sentiunt, nō
intelligo. nam ut Platonem; reliquosque Socraticos, &
deinceps eos, qui ab his profecti sunt, legūt omnes ēt,
qui illa aut non approbant, aut non studiosissime conse-
ctantur; Epicurum autem, & Metrodorum non fere
præter suos quisquam in manus sumit: sic hos Latinos ij
soli legunt, qui illa recte dici putant. nobis autem uide-
tur, quidquid literis mandetur, id commendari oīum
eruditorum lectione decere. nec, si ipsi minus consequi
possumus, iccirco minus id ita faciendum esse sentimus.
itaque mihi semper Peripateticorum, Academiaq; cō-
suetudo, de omnibus rebus in contrarias partes differē-
di, nō ob eam causam solum placuit, quod aliter nō pos-
set, quid in quaque re verisimile esset inueniri, sed etiā
quod esset ea maxima dicēdi exercitatio. qua princeps
usus est Aristoteles, deinde eum qui secuti sunt. nostra
autem memoria Philo, quē nos frequēter audiuius,
instituit alio tempore rhetorum præcepta tradere, alio
philosophorum. ad quā nos consuetudinem a familiari-
bus nostris adducti, in Tusculano, quod datum est tēpo-
ris nobis, in eo consumpsimus. itaque cum ante meridiē
dictioni operā dedissemus, sicut pridie feceramus; post
meridiem in Academiā descendimus. in qua disputa-
tionem habitam nō quasi narrantes exponimus, sed eis-
dē ferē verbis, ut actū, disputatumq; est. est igitur am-
bulan-

bulantibus ad hunc modum sermo ille nobis institutus,
 & a tali quoddā inductus exordio. A. Dici nō potest,
 quā sim hesternā disputatione tua delectatus, vel po-
 tius adiutus; & si enim mihi conscius sum, nunquā me
 nimis cupidum fuisse vitę; tamen obijciebatur interdū
 animo metus quidam, et dolor, cogitanti fore aliquādo
 finem huius lucis, & amissionem omnium vitę cōmo-
 dorum. hoc genere molestiæ sic, mihi crede, sum libera-
 tus, ut nihil minus curandum putē. M. Minime mirum
 id quidē; nam efficit hoc philosophia: medetur animis:
 inanes sollicitudines detrahit: cupiditatibus liberat:
 pellit timores. sed hæc eius vis non idem potest apud
 omnes: tum valet multum, cum est idoneam complexa
 naturam: fortes enim non modo fortuna adiuvat ut est
 in vetere prouerbio, sed multo magis ratio, q̄ quibusdā
 quasi præceptis confirmat vim fortitudinis. te natura
 excelsum quēdam videlicet, & altum, & humana de-
 spiciente genuit: itaq; facile in animo forti contra mor-
 tem habita insedit oratio, sed hæc eadē num cēses apud
 eos ipsos valere: nisi admodum paucos, a quibus inuen-
 ta, disputata conscripta sunt? quotus enim quisque phi-
 losophorum inuenitur, qui sit ita moratus, ita animo,
 ac vita constitutus, ut ratio postulat; qui disciplinam
 suā non ostentationē scientię, sed legem vitę putet, qui
 obtemperet ipse sibi, & decretis suis pareat? videre li-
 cet alios tanta lenitate, & iactatione, ijs, ut fuerit non
 didicisse melius; alios pecuniæ cupidos, gloriæ nonnul-
 los; multos libidinum seruos: ut cum eorum vita mira-
 biliter pugnet oratio. quod quidem mihi videtur esse
 turpissimum. ut. n. si grāmaticum se professus quispiā,
 bar-

barbare loquatur; aut si absurde canat is, qui se haberi velit musicum, hoc turpior sit, quod in eo ipso peccet; cuius profitetur scientiam; sic philosophus in ratione vitæ peccās, hoc turpior est, quod in officio, cuius magister esse vult, labitur; artemque vitæ professus, delinquit in vita. *A.* Non ne verendum igitur, si est ita, ut dicis, ne philosophiā falsa gloria exornes? quod est enim maius argumētum, nihil eam prodesse, quam quosdam perfectos philosophos turpiter vivere? *M.* Nullum vero id quidem argumentum est: nam ut agri non omnes frugiferi sunt, qui coluntur, falsumque illud, ac improbe,

Et si in segetem sunt deteriores datæ

Fruges, tamen ipse suapte natura enitent.

sic animi non omnes culti fructum ferunt. atque ut in eodem simili verser, ut ager, quamvis fertilis, sine cultura fructuosus esse nō potest, sic sine doctrina animus. ita est utraq; res una sine altera debilis. cultura autē animi philosophia est; quæ extrahit vitia radicitus, & preparat animos ad satus accipiendos; eaq; mādāt his, & ut ita dicam, serit, quæ adulta fructus uberrimos ferant. agamus igitur, ut cœpimus. dic, si vis, de quo disputari velit. *A.* Dolorem existimo maximum malorū omnium. *M.* Etiā ne maius, quā dedecus? *A.* Nō audeo id dicere quidem, & me pudet tā cito de sententia esse deiectum. *M.* Magis esse pudendum, si in sententia permaneres: quid. n. minus est dignū, quā tibi quidquam peius videri dedecore, flagitio, turpitudine? quæ ut effugias, quis est non modo non recusandus, sed vltro appetendus, subeundus, excipiendus dolor? *A.* Ita pror-

prorsus existimo. quare ne sit sanè summum malum do-
 lor: malum est certe. *M.* Vides ne igitur, quantum, bre-
 uiter admonitus, de doloris terrore deieceris? *A.* Vi-
 deo planè: sed plus desidero. *M.* Experiar equidem: sed
 magna res est, animoque mihi opus est nō repugnante.
A. Habebis id quidem: ut. n. heri feci, si nunc rationē,
 quò ea me cunque ducet, sequar. *M.* Primum igitur de
 imbecillitate multorum, & de varijs disciplinis philo-
 sophorum loquar. quorum princeps & auctoritate, &
 antiquitate Socraticus Aristippus nō dubitauit sum-
 mum malum dolorem dicere. de hinc ad hāc enervatā,
 muliebremque sententiā satis docilem se Epicurus præ-
 buit. hūc post Rhodius Hieronymus dolore vacare sum-
 mum bonū dixit: tantum in dolore duxit mali ceteri,
 præter Zenonem, Aristonē, Pyrrhonem, idem ferè, qđ
 modo tu; malum illud quidē, sed alia peiora. ergo id, qđ
 natura ipsa, et quēdā generosa virtus statim respuit ne
 dolorem summum malū diceret, oppositoque dedecore
 sententia depellere, in eo magistra vitæ tot secula per-
 manet philosophia. quod huic officiū, quæ laus, quod de-
 cus erit tanti, quod adipisci cum dolore corporis velit,
 qui dolorem summum malum sibi esse persuaferit? quā-
 porrò quis ignominiam, quam turpitudinem non pertu-
 lerit, ut effugiat dolorem, si id summum malum esse de-
 creuerit? quis autem non miser non modo tunc, cum
 præmetur summis doloribus, si in his est summum ma-
 lum; sed etiam cum sciet id sibi posse euenire? & quis
 est cui non possit? ita fit ut omnino nemo possit esse bea-
 tus. Metrodorus quidem eum perfectè putat beatum,
 cui corpus bene constitutum sit, & exploratum ita sem-
 per

per fore. quis autem est iste, cui id exploratū possit esse? Epicurus vero ea dicit, ut mihi quidem risus capere videatur. affirmat enim quodam loco, si uratur sapiens, si crucietur: expectas fortasse, dum dicat, patietur, perferet, non succubet: magna mehercule laus, & eo ipso, per quem iuravi, Hercule digna: sed Epicuro homini aspero, & duro non est hoc satis: in Phalaridis tauro si erit, dicet, quā suaue est hoc, quā hoc non curo. suaue etiam? an parum est si non amarum? at id quidē illi ipsi, qui dolorem malū esse negant, non solent dicere cuiquam suaue esse cruciari: asperum, difficile, odiosum, cōtranaturā dicunt, nec tamen malū. hic, qui solum hoc malum dicit, & malorū omnium extremū, sapientem censet id suaue dicturū. ego à te non postulo, ut dolorem eisdem verbis afficias, quibus Epicurus voluptatē, homo, ut scis, voluptarius. ille dixerit sanē idē in Phalaridis tauro, quod si esset in lectulo. ego tātā vim non tribuo sapienti cōtra dolorē: si fortis in perferendo, officio satis est: ut letetur etiam, non postulo: tristis enim res est sine dubio, aspera, amara, inimica naturæ, ad patiendum, tolerandumq; difficilis. aspice Philoctetam: cui concedendū est gemēti: ipsum enim Herculem viderat in Oeta magnitudine dolorū eiulantem. nihil igitur hunc virum sagittæ, quas ab Hercule acceperat, tum consōlabantur: cum ē viperino mor/ū venæ viscerum Veneno imbutæ tetros cruciatus cierent. itaq; exclamat auxilium expetens, mori cupiēs,

Hæu quis falsis fluctibus mandet

Me ex sublimi uertice saxi.

Iam iam absumor: conficit animam

Vis

Vis uulneris, ulcers æstus.

difficile dictu uidetur, eum nō in malo esse, & magno quidem, qui ita clamare cogatur. Sed uideamus Herculem ipsum; qui tum dolore frangebatur, cum immortalitatem ipsa morte querebat. quas hic voces apud Sophoclem in Trachinijs edit? cui cum Deianira sanguine Centauri tinctam tunicam induisset, inhassetque ea uisceribus, ait ille.

O multa dictu graua, perpe ssu aspera,

Quæ corpore exanchlato, atque animo pertuli.

Nec mihi Iunonis terror implacabilis,

Nec tantum inuexit tristis Eurysthens mali,

Quantum una necors Oenci partu edita.

Hec me irretiuit ueste furiali inscium,

Quæ lateri inhaerens morsu lacerat uiscera,

Virgensq; grauitè pulmonum haurit spiritus:

Iam decolorem sanguinem omnem exorruit:

Sic corpus clade horribili absumptum extabuit.

Ipsè illigatus peste interimor textili.

Hos non hostilis dextra, non terra edita

Moles gigantum, non biformato impetu

Centaurus ictus corpori infixit meo;

Non Graia uis, non barbara ulla immanitas,

Non sæua terris gens relegata ultimis;

Quas peragrās, undiq; omnē hinc feritatē expuli:

Sed fæminea uir, fæminea interimor manu.

O nate, uerè hoc nomen usurpa patri,

Nè me occidentem matris superet charitas.

Huc arripe ad me manibus abstractam pijs.

Iam cernam, me nē, an illam potiorē putes.

Perge,

Perge, aude nate, illacryma patris pestibus :
 Miserere. gentes nostras flebunt miseras .
 Heu virginalem me ore ploratum edere ,
 Quem vidit nemo ulli ingemiscentem malo .
 Sic fœminata virtus afflicta occidit .
 Accede nate, assiste, miserandum aspice
 Evisceratum corpus lacerati patris .
 Videte cuncti : tuque cœlestium sator
 Iace obsecro in me vim coruscant fulminis .
 Nunc nunc dolorem anxiferi torquent vertex :
 Nunc serpit ardor. ò ante victrices manus ,
 O pectora, ò terga, ò lacertorum thori ,
 Vestro ne pressu quondam Nemeus Leo
 Frendens efflauit grauiter extremum halitum ?
 Hæc dextra Lernam terram maculata excetra
 Placauit : hæc bicorpore afflixit manum :
 Erimanthiam hæc vastificam abiecit beluam :
 Hæc à Tartarea tenebrica abstractam plaga
 Tricipitem eduxit Hydra generatum canem :
 Hæc interemit tortu multiplicabili
 Draconem, auriferam obtutu obseruantem arboré .
 Multa alia victrix nostra lustrauit manus,
 Nec quisquam è nostris spolia cepit laudibus .

possumus ne nos contemnere dolorem, cum ipsum Her-
 culem tam intoleranter dolere videamus ? Veniat Ae-
 schilus nō poeta solum, sed etiā Pythagoreus : sic enim
 accepimus. quo modo fert apud eum Prometheus dolo-
 rem, quē excipit ob furtum Lemnium, Vnde ignis lucet
 mortalibus, clā diuisus ? cū Prometheus doctus clepsis-
 se dolo penasq; Ioui fato expendisse supremo. has igitur

tur pœnas pendens, affixus ad Caucasum hæc dicit :

Titanum soboles socia nostri sanguinis

Generata cælo, aspiciate religatum asperis

Vinctumq; saxis, nauem ut horrissono freto

Noctem pauentes timidi adnectunt navitæ .

Saturnius me sic infixit Iupiter ,

Iouisque numen multæbri adsciuit manu .

Hos ille cuneos fabrica crudeli inserens,

Perrupit artus : qua miser solertia

Transuerberatus, castrum hoc furiarum incolo .

Iam tertio me quoque funesto die,

Tristi aduolatu, aduncis lacerans unguibus

Iouis satelles pastu dilaniat fero .

Tum iecore opimo farta, & satiata affatim

Clangorem fundit vastum, & sublime aduolans

Pinnata cauda nostrum adulat sanguinem .

Cum vero adesum inflatu renouatum est iecur,

Tum rursus tetros auida se ad pastus refert .

Sic hunc custodem mæsti cruciatus ælo :

Qui me perenni vinum sedat miseria .

Nanque, ut videtis, vinclis constrictus Iouis,

Arcere nequeo diram voluorem à pectore .

Sic me ipse viduus pestes excipio anxias ,

Amore mortis terminum inquirens mali .

Sed longe à leto numine aspellor Iouis .

Atque hæc vetusta seclis glomerata horridis ,

Luctifica clades nostro infixæ est corpori :

Ex quo liquatæ solis ardore excidunt

Guttæ, quæ saxa assidue instillant Caucaſi .

vix igitur posse videmur ita affectum non miserum de

cere

cere: & si hunc miserum, certe dolorē malum. A. Tu quidem adhuc meam causam agis. sed hoc mox videro. interea vnde isti versus? non enim agnosco. M. Dicam Hercule: etenim recte requiris vides ne abundare me otio? A. Quid tum? M. Fuiſti ſæpe credo, cum Athenis eſſes, in ſcholis philoſophorum. A. Vero, ac libet et quidem. M. Animaduertebas igitur, etſi tū nemo erat admodū copioſus, veruntamen verſus ab his admiſceri orationi. A. Ac multos quidē à Dionyſio Stoico. M. Probe dicis. ſed is quaſi dictata nullo delectu, nulla elegantia. Philo & propriū numerū, & electa poemata, & loco adiungebat. itaq; poſtquā adamaui hanc quaſi ſenilem declamationē, ſtudioſe equidem vtor noſtris poetis: ſed ſicubi illi defecerūt, verti ipſe multa de græcis, ne quo ornamento in hoc genere diſputationis careret latina oratio, ſed vides ne, poetę quid mali afferāt? lamentantes inducunt fortiffimos viros: molliunt animos noſtros: ita ſunt deinde dulces, vt non legantur modo, ſed etiam ediscantur. ſic ad malam domeſticam diſciplinam, vtamq; vmbrailem, & delicatam cum acceſſerūt etiam poetæ, neruos omneis uirtutis elidūt. recte igitur à Platone educuntur ex ea ciuitate, quam finxit ille, cum mores optimos Reipub. ſtatum exquireret. at vero nos docti ſcilicet à Græcia, hæc & à pueritia legimus, & didicimus, hanc eruditionem liberalem, et doctrinam putamus. ſed quid poetis irascimur? virtutis magiſtri philoſophi inuenti ſunt, qui ſummū malum dolorem dicerent. at tu adoleſcens, cum id tibi paulo ante dixiſſes videri, rogatus à me, etiā ne mains quā dedecus, verbo de ſententia deſtituiſti. roga hoc

idem Epicurum maius dicet esse malum mediocrē dolorem, quam maximum dedecus : in ipso enim dedecore mali nihil esse, nisi sequatur dolores. quis igitur Epicurum sequitur dolor, cum hoc ipsum dicit, summum malum esse dolorem, quo dedecus maius à philosopho nullum expecto ? quare satis mihi dediisti cum respondi, maius tibi videri malum dedecus, quàm dolorē : hoc ipsum enim si tenebis. intelligens quā sit obsistendum dolori. nec tam quarendum cēt, dolor, malum ne sit ; quàm firmandus animus ad dolorem ferendum. concludunt ratiunculis Stoici, cur nō sit malum: quasi de verbo, non de re laboretur. quid me decipis Zeno ? nam cum id, quod mihi horribile videtur, tu omnino malum esse negas, capior, & scire cupio quo modo id, quod ego miserrimum existimem, ne malum quidē sit. nihil est, inquit, nisi quod turpe, & vitiosū est. A. Ad ineptias redis : illud enim quod me angebat, non eximis. scio dolorem non esse nequitiam. desine id me docere : hoc doce, doleam, necne doleam, nihil interesse. M. Nunquam quidquam, inquit, ad beatę quidem viuendum, quod est in una virtute positū, sed tamen est reiiciendum. cur ? asperum est, contra naturā difficile perpeßu, triste, durum. hæc copia verborum est ; quod omnes uno verbo malum appellamus, id tot modis posse dicere. definis tu mihi non tollis dolorem, cū dicis asperum, contra naturam, vix quod ferri, tolerariq; possit : nec mentiris : sed re succumbere non oportebat, verbis gloriantem, dum nihil bonum nisi quod honestum, nihil malum nisi quod turpe. optare hoc quidem est nō docere. illud & melius, & verius ; omnia, quæ natura asper-

aspersatur, in malis esse; quæ asciscit, in bonis. hoc posito, & verborum concertatione sublata, tantum tamē excellēt illud, quod recte amplexantur isti, quod honestum, quod rectū, quod decorum appellamus, quod idē interdū virtutis nomine amplectimur; ut omnia preterea, quæ bona corporis, & fortunæ putantur, perexigua, & minuta videantur, nec malum quidem ullum, nec, si unum in locū collata omnia sunt, cū turpitudinis malo comparanda. quare, si, ut initio concessisti, turpitudine peius est, quā dolor, nihil est planē dolor. nam dū tibi turpe, nec dignum viro videbitur gemere, eiulare, lamentari, frangi, debilitari, dolere, tum dignitas, tum decus aderit, tuque in ea intueberis, te continebis: cedit profecto virtuti dolor, & animi inductione læguescet: aut enim nulla virtus est, aut contemnendus est omnis dolor. prudentiam ne vis esse, sine qua ne intelligi quidem vlla virtus potest? quid ergo? ea patietur ne te quidquam facere nihil proficientem, & laborantem? an temperantia sine te immoderate facere quidquam? an coli iustitia poterit ab homine propter vim doloris enunciante commissā, pro dente consciōs, multa officia relinquentē? quid, fortitudini, comitibusque eius, magnitudini animi, gravitati patientiæ, rerū humanarum despicientiæ quo modo respondebis? afflictus ne, & iacens, & lamentabili voce deplorans, audies, o virum fortem? te verō ita affectum ne virum quidem dixerit quisquam. amittenda igitur fortitudo est, aut sepeliendus dolor. ecquid scis igitur, si quid de Corinthijs tuis amiseris, posse habere te reliquam suppellectilem saluam; virtutem autē si vnam amiseris,

idem Epicurum maius dicet esse malum mediocrē dolorem, quam maximum dedecus : in ipso enim dedecore mali nihil esse, nisi sequatur dolores. quis igitur Epicurum sequitur dolor, cum hoc ipsum dicit, summum malum esse dolorem, quo dedecus maius à philosopho nullum expecto ? quare satis mihi dediisti cum respondi, maius tibi videri malum dedecus, quam dolorē : hoc ipsum enim si tenebis. intelligens quā sit obsistendum dolori. nec tam querendum est, dolor, malum ne sit ; quā firmandus animus ad dolorem ferendum. concludunt ratiunculis Stoici, cur nō sit malum : quasi de verbo, non de re laboretur. quid me decipis Zeno ? nam cum id, quod mihi horribile videtur, tu omnino malum esse negas, capior, & scire cupio quo modo id, quod ego miserrimum existimem, ne malum quidē sit. nihil est, inquit, nisi quod turpe, & vitiosū est. A. Ad ineptias redis : illud enim quod me angebat, non eximis. scio dolorem non esse nequitiam. desine id me docere : hoc doce, doleam, necne doleam, nihil interesse. M. Nunquam quidquam, inquit, ad beatę quidem viuendum, quod est in una virtute positū, sed tamen est reiiciendum. cur ? asperum est, contra naturā difficile perpeßu, triste, durum. hæc copia verborum est ; quod omnes uno verbo malum appellamus, id tot modis posse dicere. desinis tu mihi non tollis dolorem, cū dicis asperum, contra naturam, vix quod ferri, tolerariq; possit : nec mentiris : sed re succumbere non oportebat, verbis gloriantem, dum nihil bonum nisi quod honestum, nihil malum nisi quod turpe. optare hoc quidem est nō docere. illud & melius, & verius ; omnia, quæ natura asper-

aspernatur, in malis esse; quæ asciscit, in bonis. hoc posito, & verborum concertatione sublata, tantum tamē excellet illud, quod recte amplexantur isti, quod honestum, quod rectū, quod decorum appellamus, quod idē interdū virtutis nomine amplectimur; ut omnia preterea, quæ bona corporis, & fortunæ putantur, perexigua, & minuta videantur, nec malum quidem ullum, nec, si unum in locū collata omnia sunt, cū turpitudinis malo comparanda. quare, si, ut initio concessisti, turpitudine peius est, quā dolor, nihil est planè dolor. nam dū tibi turpe, nec dignum viro videbitur gemere, eiulare, lamentari, frangi, debilitari, dolere, tum dignitas, tum decus aderit, tuque in ea intueberis, te continebis: cedit profecto virtuti dolor, & animi inductione læguescet: aut enim nulla virtus est, aut contemnendus est omnis dolor. prudentiam ne vis esse, sine qua ne intelligi quidem vlla virtus potest? quid ergo? ea patietur ne te quidquam facere nihil proficientem, & laborantem? an temperantia sine te immoderate facere quidquam? an coli iustitia poterit ab homine propter vim doloris enunciante commissa, pro dente consciōs, multa officia relinquentē? quid, fortitudini, cōmitibusque eius, magnitudini animi, grauitati patientiæ, rerū humanarum despicientiæ quo modo respondebis? afflictus ne, & iacens, & lamentabili voce deplorans, audies, o virum fortem? te verō ita affectum ne virum quidem dixerit quisquam. amittenda igitur fortitudo est, aut sepeliendus dolor. ecquid scis igitur, si quid de Corinthijs tuis amiseris, posse habere te reliquam suppellectilem saluam; virtutem autē si vnam amiseris,

et si amitti nō potest virtus, sed si unā confessus fueris te non habere, nullam te esse habiturū? num igitur fortem virum, num magno animo, nū patientem, nū grauem, nū humana contemnentem potes dicere aut Philoſoſteta illum, (quā te enim malo dicere: sed ille certe non fortis) qui iacet in lectulo humido, qui

Euulatu, queſtu, gemitu, fremitibus

Reſonando, multum flebiles voces reſert, non ego dolorem, dolorem eſſe nego; cur enim fortitudo deſideraretur? ſed eum opprimi dico patiētia, ſi modo eſt aliqua patientia: ſi nulla eſt, quid exornamus philoſophiam? aut quid eius nomine glorioſi ſumus? pungit dolor, vel fodiat ſanē. ſi nudus es, da iugulū: ſi tectus Vulcanij armis, ideſt fortitudine, reſiſte; hæc enim te, niſi ita facies, cuſtos dignitatis relinquet, & deſeret. Cretum quidē leges, quas ſine Iuppiter, ſiue Minos ſanxit de Iouis quidē ſentētia, vt poetæ ferunt; itemq; Lycurgi; laboribus erudiunt iuuentutem, venando, currendo, eſuriendo, ſitiendo, algendo, æſtuando. Spartæ rorō pueri ad aram ſic verberibus accipiuntur, vt multus ē viſceribus ſanguis exeat, non nunquam ēt, vt, cū ibi eſſem, audiebam, ad necem: quorū nō modo nemo exclamauit vnquam, ſed ne ingemuit quidem. quid ergo? hoc pueri poſſunt, viri non poterunt? & quod mos valet, ratio non ualebit? intereſt aliud inter laborem, & dolorē. ſunt finitima omnino, ſed tamen differunt aliquid. labor eſt functio quædam vel animi vel corporis grauioris operis, & muneris: dolor aut motus aſper in corpore a ſenſibus alienus. hæc duo Græci illi, quorum copioſior eſt lingua, quā noſtra, vno nomine appellāt.

itaque

itaque industrios homines, illi studiosos: vel potius amantes doloris appellant; nos commodius laboriosos: aliud est enim laborare, aliud dolere. ò verborum inops interdum, quibus abundare te semper putas, Græcia. aliud, inquā, est dolere, aliud laborare. cum varices secabantur C. Mario, dolebat: cū æstu magno ducebat agmen, laborabat. est inter hæc quædā tamen similitudo: cōsuetudo enim laborum perpeffionem dolorum efficiet faciliorem. itaq; illi, qui Græciæ formam Rerum publicarum dederunt, corpora iuuenum firmari labore voluerunt. quod Spartiata etiam in scæminas transtulerunt, quæ cæteris in urbibus mollissimo cultu parietū umbris occuluntur. illi autem voluerunt nihil horum simile esse apud Lacænas virgines; quibus magis palæstra, Eurotas, sol, pulvis, labor, militia in studio est, quam fertilitas barbara. ergo his laboriosis exercitationibus, & dolor intercurrit nonnunquam. impelluntur, feriuntur, abijciuntur, cadunt; & ipse labor quasi callum quoddam obducit dolori. militiam vero nostrā dico non Spartiatarum, quorum procedit ad modum, ad tibiā, nec adhibetur ulla sine anapestis pedibus hortatio. nostri exercitus primū unde nomen habeant, vides: deinde qui labor, quantus agminis: ferre plus dimidiati mēsis cibaria; ferre, si quid ad vsum velint: ferre vallum. nam scutum, gladium, galeam in onere nostri milites nō plus numerāt, quā humeros, laceratos, manus; arma. n. mēbra militis esse dicūt. quæ quidem ita geruntur apte, vt, si vsum foret, abiectis oneribus, expeditis armis, vt membris pugnare possint. quid exercitatio legionum? quid ille cursus, clamor, quanti

laboris est? ex hoc ille animus in prælijs paratus ad
vulnera. adhuc pari animo in exercitatum militem:
mulier videbitur. cur? tantum interest inter nouum,
& veterem exercitum, quantum experti sumus. atas
tyronum plerunq; melior: sed ferre laborem, contēne-
re vulnus, consuetudo docet quin etiā videmus ex acie
efferrī saepe saucios, & quidem rudem illum, & in exer-
citatum, quamuis leui ictu, ploratus turpissimos edere.
at vero ille exercitatus, & vetus, ob eamq; rem for-
tior, medicum modo requirens a quo obligetur,
O Patrocles, inquit, ad vos adueniens auxilium, &
vestras manus peto,

Priusquā oppeto malā pestem mandatam hostili manu.
Neq; sanguis ullo potis est pacto profluens consistere,
Si quā sapientia magis vestra deuitari mors potest.
Nanque Aesclepij liberorum saucij opplent porticus:
Non potest accedi.
Certe Euripilus hic quidem est. hominem exercitatū:
vbi tantum luctus continuatus? vide, quam non flebi-
liter respondeat; rationem etiam afferat, cur a quo ani-
mo sibi ferendum sit.

- Qui alteri exitium parat,

Eū scire oportet sibi paratā pestē ut participet parē.
abducet Patrocles credo, ut collocet in cubili, ut vul-
nus obliget, si quidem homo esset. sed nihil vidi minus:
querit enim, quid actum sit.

Eloquere, res Argium prælio ut se sustinet.
non potest effari tantum dictis, quantum factis suppe-
tit laboris. Quiesce igitur, & vultus alliga, etiam se
Euripilus posset, non posset Aesopus.

-ubi fortuna Hectoris.

Nostram aciem inclinatam :-

& cætera explicat in dolore, sic est enim intemperans militaris in forti viro gloria. ergo hæc veteranus miles facere poterit, doctus vir, sapiensq; non poterit? ille vero melius, ac non paulo quidem. sed de consuetudine adhuc exercitationis loquor, non dum de ratione, & sapientia. aniculæ sæpe in ediam biduum, aut triduum ferunt. subduc cibum vnum diem athletæ: Iouem Olympium eum ipsum, cui se exercebit, implorabit: ferre non posse clamabit: consuetudinis magna vis est: pernoctant venatores in niue, in montibus tri se patiuntur. inde pugiles cestibus contusi, ne ingemiscunt quidem. sed quid hos, quibus Olympiorum victoria Consulatus ille antiquus videtur? gladiatores, aut perditii homines, aut barbari quas plagas perferunt? quo modo illi qui bene instituti sunt, accipere plagam maluit, quàm turpiter vitare? quàm sæpe apparet nihil eos malle, quàm vel domino satisfacere, uel populo? mittunt etiã vulneribus confecti ad dominos, qui quærant quid velint: si satisfactũ ijs sit, se velle decubere. quis medio-cris gladiator ingemuit? quis vultũ mutauit vnquam? qui non modo stetit, verum etiam decubuit turpiter? quis cum decubisset, ferrum recipere iussus collum cõtraxit? tantum exercitatio, meditatio, consuetudo valet. ergo hoc poterit.

Samnis spurcus homo, vita illa dignus, locoque: vir natus ad gloriã ullã partẽ animi tam mollem habebit, quam non meditatione, & ratione corroboret? crudele gladiatorum spectaculum, & inhumanum nõnullis

nullis videri solet: & haud scio an ita sit, ut nunc sit.
 cum vero fontes ferro depugnabant, auribus fortasse
 multæ, oculis quidem nulla poterat esse fortior contra
 dolorem, & mortem disciplina. de exercitatione, &
 consuetudine, & commentatione dixi. agesis, nunc de
 ratione videamus: nisi quid vis ad hæc. A. Ego ne ut
 interpellem? ne hoc quidem vellem: ita me ad creden-
 dum tua ducit oratio. M. Sit ne igitur malum dolor,
 nec ne, Stoici viderint, qui contortulis quibusdam, ac
 minutis conclusiunculis, nec ad sensus permanantibus,
 effici volunt non esse malum dolorem: ego illud, quid-
 quid sit, tantum esse, quantum videatur, non puto: fal-
 saq; eius visione, & specie moueri homines dico vehe-
 mentius, doloremq; eius omnem esse tolerabilem. vnde
 igitur ordiar? an eadem breuiter attingam, quæ modo
 dixi, quo facilius oratio progredi possit longius? Inter
 omnes igitur hoc constat, nec doctos homines solum, sed
 etiam indoctos; uirorum esse fortium, & magnanimo-
 rum, & patientium, & humana vincentium, toleran-
 ter dolorem pati. nec vero quisquam fuit, qui eum, qui
 ita pateretur, non laudandum putaret. quod ergo et po-
 stulatur a fortibus, & laudatur, cum sit; id aut ex-
 timescere veniens, aut non ferre præsens, non ne turpe
 est? atqui vide, ne, cum omnes recte animi affectio-
 nes virtutes appellentur, non sit hoc proprium nomen
 omnium, sed ab ea una, quæ ceteris excellat, omnes no-
 minatæ sint: appellata est enim a viro virtus: viri au-
 tem propria maxime est fortitudo: cuius munera duo
 maxima sunt, mortis, dolorisq; contemptio. vtendum
 est igitur his, si virtutis compotes, uel potius si uiri vo-
 lumus

lumus esse, quoniam a uiris uirtus nomen est mutuata. queres fortasse, quomodo, & recte: tale enim medicinā philosophia prouidet. venit Epicurus, homo minime malus, vel potius uir optimus; tantum monet, quantum intelligit: negligē, inquit, dolorem. quis hoc dicit? idē, qui dolorem summum malum, uix satis constanter, audiamus; si summus dolor est, inquit, breuem esse necesse est. A. Itera dum eadem ista mihi; non enim intelligo, quid summum dicas esse, quid breue. M. Summum, quo nihil sit superius: breue, quo nihil breuius. contemno magnitudinem doloris, a qua me breuitas temporis vindicabit ante penē, quam uenerit. sed si est tantus dolor, quantus Philoctetæ; benē planē magnus mihi quidem uidetur, sed tamen non summus: nihil. n. dolet, nisi pes: possunt oculi; potest caput, latera, pulmones: possunt omnia. longe igitur abest a summo dolore. ergo, inquit, dolor diuturnus habet lætitiæ plus, quā molestiæ, nunc ego non possum tantum hominē nihil sapere dicere, sed nos ab eo derideri puto. ego summum dolorē (summum autē dico, etiā si decem atomis est maior alius) non cōtinuo dico esse breuem, multosq; possum bonos uiros nominare, qui complures annos doloribus podagræ crucientur maximis. sed homo cautus nunquam terminat nec magnitudinis, nec diuturnitatis modum, ut sciam quid summum dicat in dolore, quid breue in tempore. omittamus igitur hunc nihil prorsus dicentem; cogamusq; confiteri non esse ab eo doloris remedia querenda, qui dolorem malorum omnium maximum dixerit. quamuis idem forficulum se in torminibus, & in stranguria sua præbeat. aliūde igitur est querēda medicina;

& maxime quidem, si, quid maxime cōsentaneum sit,
 quarimus ab ijs, quibus, quod honestum sit, summum
 bonum; quod turpe, summum videtur malum. his tu
 præsentibus gemere, & te iactare non audebis pro-
 fecto. loquetur enim eorum voce virtus ipsa tecum. tu
 ne, cum pueros Lacedæmone, adolescētes Olympiæ, bar-
 baros in arena videris excipiētes grauissimas plagas,
 & ferentes silentio; si te forte dolor aliquis peruelle-
 rit, exclamabis vt mulier? non constanter, & sedate
 feres? ferri nō potest; natura nō patitur: audio. pueri
 ferunt gloria ducti, ferunt pudore alij, multi metu: &
 tamē veremur, vt hoc, quod à tam multis, & quod tot
 locis perferatur, natura patiatur? illa vero non modo
 patitur, verum etiam postulat: nihil enim habet pre-
 stātius: nihil, quod magis expetat, quàm honestatem,
 quàm laudem, quàm dignitatē, quàm decus. hisce ego
 pluribus nominibus vnā rem declarari volo, sed rtor,
 vt quàm maxime significem, pluribus. volo autem di-
 cere illud homini longe optimum esse, quod ipsum sit
 optandum per se, à virtute profectum, vel in ipsa vir-
 tute situm, sua sponte laudabile: quod quidem citius
 dixerim solum, quàm summum bonum. atque ut hæc
 de honesto, sic de turpi contraria. nihil tam tetrum, ni-
 hil tam aspernādum, nihil homine indignus. quod si ti-
 bi persuasum est; principio enim dixisti plus in dēde-
 core mali tibi uideri, quàm in dolore: reliquum est, ut
 tute tibi imperes, quanquam hoc nescio quo modo dica-
 tur, quasi duo simus, ut alter imperet, alter pareat: nō
 inscite tamen dicitur: est enim animus in partes distri-
 butus duas, quarū altera rationis est particeps, alte-

ra expers. cum igitur præcipitur, ut nobismetipsis imperemus, hoc præcipitur, ut ratio coerceat temeritatē. est in animis oīum ferē natura molle quiddā, demissū, humile, eneruatū quodā modo, & languidū. si nihil esset aliud, nihil esset homine deformius: sed præsto est domina omniū, & regina ratio, quæ connixa per se, & progressa longius, sit perfectā virtus. hæc ut imperet illi parti animi, quæ obedire debet, id videndum est viro. quo nam modo, inquires? velut seruo dominus, velut Imperator militi, velut parens filio. si turpissime se illa pars animi geret, quam dixi esse mollem: si se lamentis muliebriter, lacrymisque dedet, vinciat, & constringatur amicorum, propinquorumque custodijs: sæpe enim videmus fractos pudore, qui ratione nulla vincerentur. ergo hos quidem, ut famulos, vinclis, ac custodia arceamus. qui autem erunt firmiores, nec tamen robustissimi, hos admonitu simili oportebit, ut bonos milites, reuocatos dignitatem tueri. nō nimis in Niptris ille sapientissimus Græciæ saucius lamentatur, vel modice potius: Pedetentim (inquit) ite, & sedato nisu, ne successu arripiat maior dolor.

Pacuvius hoc melius, quàm Sophocles. apud illum. n. perquam flebiliter Vlyxes lamentatur in vulnere: tamen huic leuiter gementi illi ipsi, qui ferūt fauciū, personę grauitatē intuēs non dubitarūt dicere,
-Tu quoque Vlyxes,

Quanquam grauitè cernimus ictum,

Nimis es penè animo molli, qui

Consuetus in armis æuū agere,

intelligit poeta prudēs ferendi doloris consuetudinem

esse non contemnendam magistram. atque ille non immoderate magno in dolore,

Retinete, tenete, opprimate, vlcus

Nudate. heu, miserum me, excrucior.
incipit labi: deinde illico desinit.

Operite, abscedite, iam iam

Dimittiete: nam attactu & quassu

Sæuum amplificatis dolorem.

Vides ne, ut obmutuerit non sedatus corporis, sed castigatus animi dolor? itaq; in extremis Niptris alios quoque obiurgat, idque moriens,

Conqueri fortunam aduersam, non lamētari decet.

Id viri est officiū. fletus muliebri ingenio additus. huius animi pars illa mollior rationi sic paruit, ut seue ro Imperatori miles prudens. in quo viro erit perfecta sapientia (quem adhuc nos quidem videmus neminē: sed philosophorum sententijs, qualis futurus sit, si modo aliquādo fuerit, exponitur) is igitur, si ea ratio, que erit in eo perfecta, atque absoluta, sic illi parti imperabit inferiori, ut iustus parens probis filijs: nutu, quod volet, cōficiet, nullo labore, nulla molestia: eriget ipse se, suscitabit, instruet, armabit, ut tanquam hosti, sic obsistat dolori. quæ sunt ista arma? contentio, confirmatio, sermoque intimus, cum ipse secum, caue turpe quidquam, languidum, non virile. obuersentur species honestæ animo: Zeno proponatur Eleates; qui perpejsus est omnia potius, quàm conscios delendæ tyrannidis indicaret. de Anaxarcho Democrito cogitetur; qui cum in manu Cyprij Nicocreōtis Regis incidisset, nullum genus supplicij deprecatus est, neque recusauit.

Cala-

*Calanus Indus, indoctus, ac barbarus, in radicibus
Caucasi natus, sua voluntate uiuus combustus est. nos,
si pes condoluit, si dens, sed fac totū dolere corpus, fer-
re non possumus: opinio est enim quædam effæmina-
ta, ac leuis, nec in dolore magis, quàm eadem in volu-
ptate; qua cum liquescimus, fluimusque mollitia, apis
aculeum sine clamore ferre non possumus. at vero C.
Marius rusticanus vir, sed planè vir, cum se caretur,
ut supra dixi, principio vetuit se alligari: nec quisquā
ante Marium solutus dicitur esse sectus. cur ergo po-
stea alij? valuit auctoritas. vides ne igitur opinionis
esse nō naturæ malum? & tamen fuisse acrem morsum
doloris, idem Marius ostendit: crus enim alterum non
præbuit. ita & tulit dolorem ut vir, & ut homo, ma-
iorem ferre sine causa necessariæ noluit. totum igitur
in eo est, ut tibi imperes. ostendi autem, quod esset im-
perandi genus. atque hæc cogitatio, quid patientia, quid
fortitudine, quid magnitudine animi dignum sit, non
solum animum comprimit, sed ipsum etiā dolorem ne-
scio quo pacto mitiorem facit. ut enim sit in prælio, ut
ignauus miles, ac timidus, simul ac uiderit hostē, abie-
cto scuto fugiat, quantum possit, ob eamque causam pe-
reat nonnunquam, etiam integro corpore; cum ei, qui
steterit, nihil tale euenerit: sic qui doloris speciē ferre
non possunt, abijciunt se, atque ita afflictī, & examina-
ti iacent; qui autem resisterunt, discedunt sæpissime
superiores: sunt enim quædam animi similitudines cū
corpore. ut onera contentis corporibus facilius ferun-
tur, remissis opprimunt: simillime animus intentione
sua depellit pressum omnem ponderum; remissione au-
tem*

tem sic vrgetur, vt se nequeat extollere. et si verū querimus, in omnibus officijs persequendis animi est adhibēda cōtentio, ea est sola officij tanquā custodia. sed hoc quidē in dolore maxime est prouidendum, ne quid abiectē, ne quid timide, ne quid ignaue, ne quid seruiliter, muliebriter ve faciamus, in primisq; refutetur, ac reijciatur Philocteteus ille clamor. ingemiscere nonnūquā viro cōcessum est, idq; raro; eiulatus ne mulieri qdē. et hic nimirum est fletus, quē duodecim tabulę in funeribus adhiberi vetuerunt. nec vero vnquā ne ingemiscit. qdē vir fortis, ac sapiēs, nisi forte vt se intēdat ad firmitatē, vt in stadio cursores exclamant quā maxime possunt. faciunt idē, cū exercētur, athlete. pugiles vero, et cū feriunt aduersariū in iactādīs cestibus ingemiscunt; nō quòd doleāt animo ve succūbant; sed quia in profundenda voce oē corpus intēditur, venitq; plaga vehementior. quid? qui volūt exclamare maius, num satis hēnt latera, fauces, linguā intendere, ē quibus elici vocē, & fundi videmus? toto corpore, atq; oībus vngulis, vt dicitur, cōtentioni vocis afferuiunt. genu mehercule M. Antoniū vidi, cū cōtēte ipse pro se lege varia diceret, terrā tangere. vt. n. balistę lapidū, & reliqua tormēta telorū eo grauiores emissiones habēt, quo sunt cōtēta, atq; adducta vehementius: sic vox, sic cursus, sic plaga hoc grauior, quo est missa cōtentius. cuius contētionis cum tāta vis sit; si gemitus in dolore ad confirmandum animū valebit, utemur; sin erit ille gemitus lamētabilis, si imbecillus, si abiectus, si flebilis; ei qui se dederit, vix eū virū dixerim. qui qdē gemitus si leuationis aliquid afferret, tamē videremus quid esset fortis, & ani-

mosi

*mōsi viri. cū vero nihil imminuat doloris, cur frustra
 turpes esse volumus? qd est. n. fletu muliebri uiro tur-
 pius? atq; hoc præceptū, quod de dolore datur, patet la-
 tius. oībus. n. rebus, nō solū dolori, simili cōtentione ani-
 mi resistendū est. ira exardescit: libido concitatur. in
 eandē arcē confugiendū est: eadē sunt arma sumenda.
 sed quoniā de dolore loquimur, illa omittamus. ad ferē-
 dū igitur dolorē placide, & sedate, plurimū proficit to-
 tō pectore, vt dicitur, cogitare, quā id honestum sit. su-
 mus. n. natura, vt ante dixi, (dicēdum est. n. sepius) stu-
 diosissimi, appetentissimiq; honestatis. cuius si quasi lu-
 men aliqd aspexerimus, nihil est, quod, vt eo potiamur;
 nō parati simus & ferre, & perpeti. ex hoc cursu, atq;
 impetu animorū ad verā laudē, atq; honestatē illa pe-
 ricula adeuntur in prelijs nō sentiūt viri fortes in acie
 uulnera, uel sentiunt, sed mori malunt, quā tantillum
 modo de dignitatis gradu dimoueri. fulgentes gladios
 hostium uidebant Decij, cum in acie eorū irruebāt. his
 leuabat omnē uulnerū metum nobilitas mortis, & glo-
 ria. num tum ingemuisset Epaminondam putas, cū vnā
 cū sanguine vitā effluere sentiret? imperātē. n. patriā
 Lacedæmonijs relinquebat, quam acceperat seruientē.
 hæc sunt solatia, hæc fomenta summorum dolorū. dices,
 quid in pace? quid domi? qd in lectulo? ad Philosophos
 meruocas, qui in acie nō saepe prodeūt. è quibus homo
 sanè leuis Heracleotes Dionysius, cū a Zenone fortis es-
 se didicisset, a dolore deuictus est. nā cū ex renibus labo-
 raret, ipso in eiulatu clamat, falsa esse illa, q̄ antea
 de dolore ipse sensiſſet. quem cum Cleanthes condisci-
 pulus rogaret, quānam ratio eum de sn̄a deduxisset;*

respōdit, quia, cū tātū operæ Philosophiæ dedisſe, dolo-
rē tamē ferre nō poſſem, ſatis eſſet argumēti, malū eſſe
dolorē. plurimos aut annos in philoſophia cōſumpſi, nec
ferre poſſum: malū eſt igitur dolor. tū Cleanthē, cū pe-
de terrā percūſſiſſet, uerſum ex Epigonis ferūt dixiſſe,

Audis ne hæc Amphiaræ ſub terram abdite?

Zenonē ſignificabat: à quo illū degenerare dolebat. at
non noſter Poſſidonius: quē & ſæpe ipſe uidi, et id dicā
quod ſolebat narrare Pōpeius: ſe, cū Rhodum ueniſſet
decedens ex Syria, audire uoluſſe Poſſidonium; ſed cū
audiuiſſet eū grauiter eſſe ægrū, quòd uehementer eius
artus laborarent, uoluſſe tamē nobiliſſimū philoſophū
uiſere: quem ut uidiſſet, & ſalutauſſet, honorificiſq;
uerbiſ proſecutus eſſet, moleſteq; ſe dixiſſet ferre, q
eū nō poſſet audire; at ille, tu uero, inquit, potes; nec cō-
mittā ut dolor corporis efficiat, ut fruſtra tātus uir ad
me uenerit. itaq; narrabat eū grauiter, & copioſe de
hoc ipſo, nihil eſſe bonū, niſi quod honeſtū eſſet, cuban-
tē diſputaſſe: cumq; quaſi faces ei doloris admoueren-
tur, ſæpe dixiſſe, nihil agis dolor, quāuis ſis moleſtus;
nūquā te eſſe cōfitebor malū. omninoq; omnes clari, et
nobilitati labores contemnēdo fiunt et tolerabiles. ui-
demus ne, apud quos eorū ludorū, qui gymnici nominā-
tur, magnus honos ſit, nullū ab ijs, q in id certamen de-
ſcendant, deuitari dolorē? apud quos aut uenandi, &
equitādi laus uiget, qui hanc peteſſunt, nullum fugiūt
dolorē. quid de noſtris ambitionibus, quid de cupidita-
te bonorū loquar? q flāma eſt, per quā non cucurrerint
ij, qui hæc olim punētis ſingulis colligebant? itaq; ſem-
per *Africanus Socraticū Xenophontem in manibus ha-*
bebat.

bebat. cuius in primis laudabat illud quod diceret, eosdem labores non esse æque graueis Imperatori, & militi, quod ipse honos laborē leuiorē faceret Imperatorū. sed tamē hoc euenit, ut in vulgus, insipientiū opinio valeat honestatis, cū ipsā videre non possint. itaque fama & multitudinis iudicio mouentur, ut id honestū putet, quod a plerisque laudetur. te autē, si in oculis sis multitudinis, tamē eius iudicio stare nolim, nec, quod illa putet, idē te putare pulcherrimū. tuo tibi iudicio est utēdū. tibi si recte probāti placebis, tū non modo tu te viceris, quod paulo ante præcipiebā; sed omnes, & omnia. hoc igitur tibi propone, amplitudinem, & quasi quādā exaggerationē quā altissimā animi, quæ maxima eminet cōtemnendis, & despiciendis doloribus, unā esse omnium re pulcherrimā, eoq; pulchriorē, si vacet populo, neque plausum captās se tantū ipsa delectet. quin ēt mihi quidē laudabiliora videntur omnia, quæ sine venditatione, & sine populo teste fiunt: non quo fugiendus sit (omnia. n. benefacta in luce se collocari volunt) sed tamē nullū theatrū virtuti conscientia maius est, atq; in primis meditemur illud, ut hæc patientia dolorū, quā sæpe iam animi intētionē dixi esse firmandā, in omni genere se æquabilē præbeat: sæpe. n. multi, qui aut propter victoriæ cupiditatem, aut propter gloriæ, aut ēt ut ius suum, et libertatē tenerēt, vulnera exceperūt, fortiter, & tulerūt, idē omīssa cōtentione dolorē morbi ferre non possunt. neq; .n. illum, quē facile tulerāt, ratione aut sapientiā tulerāt, sed studio potius, & gloria. itaque barbari quidam, & immanes ferro decertare acerrime possunt, ægrotare viriliter non queunt. Græci autē homines non satis animosi, sed

prudentes, ut est captus hominum, satis hostē aspicere nō possunt; sed ijdem morbos toleranter, atq; humane ferunt. at Cymbri, & Celtiberi in praelio exultant, læmētantur in morbo: nihil. n. potest esse æquabile, quod nō a certa ratione profisciscatur. sed cū videas, eos, qui aut studio, aut opinione ducātur, in eo persequēdo, atq; adipiscēdo, dolore non frangi: debes existimare aut nō esse malū dolorē, aut, ēt si quidquid asperum, alienūq; a natura sit, id appellari placeat malum, tātulum tamē esse, ut a virtute ita obruatur, ut nusquā appareat. q̄ meditare quēso dies, & noctes; latius. n. manabit hęc ratio, & aliquāto maiorē locum, quā de vno dolore, occupabit. nā si omnia fugiendę turpitudinis, adipiscēdaq; honestatis causa faciemus, nō modo stimulos doloris, sed etiā fulmina fortunę contemnamus licebit, præsertim cū paratū sit illud ex hesternā disputatione perfugiū: ut, n. si cui nauiganti, quē prædones insequātur, Deus quis dixerit, ejce te de naui, præsto est qui excipiat, vel delphinus, ut Arionem, Methymnæum; vel equi Pelopis illi Neptuni, qui per undas currus suspēsos rapuisse dicūtūr, excipiet te, et, quò velis, perferēt, omnē omittat timorē: sic vrgentibus asperis et odiosis doloribus, si tātī non sint, ut ferēdi sint; quò sit confugiēdum, vides. Hęc ferē hoc tēpore putavi esse dicēda. sed tu fortasse in sententia permanes. A. Minime uero; meq; biduo duarum rerum, quas maxime timebā, spero liberatum metu. M. Cras ergo ad clepsydrā: sic. n. duximus. sed tibi hoc video non posse deberi. A. Ita prorsus. & illud quidē ante meridiem, hoc eodem tēpore. M. Sic faciemus, tuisq; optimis studijs obsequemur.

CICERONIS


TVSCVLANARVM

QVÆSTIONVM

AD MARCVM BRVTVM.

Liber Tertius.

De ægritudine leniēda.



VIDNAM esse Brute causæ putem, cur
cum constemus ex animo, & corpore, cor-
poris curandi, tuendiq; causa quæ sita sit
ars eius, atque vtilitas, deorum immor-
talium inuentione consecrata; animi autem medicina
nec tam desiderata sit ante quàm inuenta, nec tam cul-
ta posteaquam cognita est, nec tã multis grata, & pro-
bata, pluribus etiam suspecta & inuisa? an quòd cor-
poris grauitatem, & dolorem animo iudicamus, animi
morbum corpore non sentimus? ita fit, vt animus de
se ipse tum iudicet, cum id ipsum, quo iudicat, ægrotet.
quòd si tales nos natura genuisset, vt eam ipsam intue-
ri, & perspicere, eademque optima duce cursum vitæ
conficere possemus: haud erat sanè, quod quisquam ra-
tionem ac doctrinam requireret. nunc paruulos nobis
dedit igniculos, quos celeriter malis moribus, opinio-
nibusque deprauatis, sic restringimus, vt nusquā na-
turæ lumen appareat: sunt enim ingenijs nostris semi-

na innata virtutum: quæ si adolescere liceret, ipsa nos ad beatam vitam natura perduceret. nunc autem, simul atque editi in lucem, & suscepti sumus, in omni continuo prauitate, & in summa opinionum peruersitate versamur: ut penè cum lacte nutricis errorem suxisse videamur. cum vero parentibus redditi, id est magistris traditi sumus, tum ita varijs imbuimur erroribus, ut vanitati veritas, & opinioni confirmata natura ipsa cedat. accedunt etiam poetæ. qui cum magnam speciem doctrinæ, sapientiæque præse tulerunt, audiuntur, leguntur, ediscuntur, & in hærescunt penitus in mentibus. cum vero accedit eodem, quasi maximus quidam magister, populus, atque omnis undique ad vitia consentiens multitudo, tum planè inficimur opinionum prauitate, à naturaque ipsa desciscimus: ut nobis optimam naturam inuidisse videantur, qui nihil melius homini, nihil magis expetendum, nihil præstātius honoribus, imperijs, populari gloria iudicauerunt. ad quam fertur optimus quisque; veramque illam honestatem expetens, quam unam naturam maximè inquit, in summa inanitate versatur; consecraturque nullam eminentem effigiem virtutis, sed adumbratam imaginem gloriæ: est enim gloria, solida quædam res, & expressa, non adumbrata. ea est consentiens laus bonorum, incorrupta vox bene iudicantium de eccellente virtute. ea virtuti resonat tanquam imago gloriæ. quæ quia recte factorum plerunque comes est, non est à bonis viris repudianda. illa autem, quæ se eius imitricem esse vult, temeraria, atque incōsiderata, & plerunque peccatorum vitiorumque laudatrix, fama popularis

pularis, simulatione honestatis formam eius, pulchritudinemq; corrumpit. qua cecitate homines, cū quædam præclara etiam cuperēt, eaque nescirent, nec ubi, nec qualia essent, funditus alij euerterunt suas ciuitates, alij ipsi occiderunt. atque hi quidem optima petētes, non tam voluntate, quàm cursus errore falluntur. quid? qui pecuniæ cupiditate, qui voluptatum libidine feruntur, quorum ita perturbantur animi, ut non multum absint ab insania. quod insipiētibus omnibus contingit: his nulla ne est adhibenda curatio? utrum quod minus noceant animi agrotationes, quàm corporis, an quòd corpora curari possint, animorum nulla medicina sit? at & morbi perniciosiores, pluresq; sunt animi, quàm corporis: hi enim ipsi odiosi sunt, quòd ad animū pertinent, eumq; sollicitant, animusq; ager, ut ait Ennius, semper errat, neq; pati, neq; perpeti pōt, cupere nūquam desinit. quibus duobus morbis, (ut omit tam alios) ægritudine, & cupiditate, qui tandem possunt in corpore esse grauiores? qui vero probari potest, ut sibi mederi animus non possit, cum ipse medicinam corporis animus inuenerit, cumq; ad corporum sanationem multum ipsa corpora, & natura valeant: nec omnes, qui se curari passi sunt, continuo etiam conualescant, animi autem, qui se sanari voluerint, præceptisque sapientium paruerint, sine ulla dubitationes sanentur? est profecto animi medicina philosophia: cuius auxilium non, ut in corporis morbis, petendum est foris; omnibusque opibus, viribusque ut nosmetipsi nobis mederi possimus elaborandū est. quanquam de vniuersa philosophia, quantopere & expetenda, & co-

tenda esset, satis, ut arbitror, dictum est in Hortensio de maximis autem rebus nihil ferè intermisimus postea nec disputare, nec scribere. his autem libris exposita sunt ea, quæ à nobis cū familiaribus nostris in Tusculano erant disputata. sed quoniam duobus superioribus de morte, & de dolore dictum est: tertius dies disputationis hoc tertium volumen efficiet. ut enim in Academiam nostram descendimus, inclinato iā in post meridianum tempus die, poposci eorum aliquem, qui aderant, causa disserendi. tum res acta sic est. *A.* Videtur mihi cadere in sapientē egritudo. *M.* Num reliquæ quoque perturbationes animi, formidines, libidines, iracundiæ? hæc enim ferè sunt eiusmodi: quæ Græci *πᾶσι* appellant, ego poteram morbos, & id verbum esset è verbo, sed in consuetudinem nostram non caderet. nam misereri, invidere, gestire, letari, hæc omnia morbos Græci appellant, motus animi rationi non obtēperantes: nos autem hos eosdem motus concitati animi rectē, ut opinor, perturbationes dixerimus, morbos autem non satis vsitate: nisi quid aliud tibi videtur. *A.* Mihi vero isto modo. *M.* Hæcine igitur cadere in sapientem putas? *A.* prorsus existimo. *M.* Næ ista gloriosa sapientia non magno æstimanda est, si quidem nō multum differt ab insania. *A.* Quid? tibi omnis ne animi commotio videtur insania? *M.* Non mihi quidem soli: sed id, quod admirari sæpe soleo, maioribus quoque nostris hoc ita visum intelligo multis seculis ante Socratem: à quo hæc omnis, quæ est de vita, & moribus, philosophia manauit. *A.* Quonam tandem modo? *M.* Quia nomen insanix significat mentis ægrotationem,

& morbum, id est insanitatem, & ægritudinem animi, quam appellarunt insaniam. omnes autem perturbationes animi, morbos Philosophi appellant, negantq; stultum quemquam his morbis vacare, qui autem in morbo sunt, sani non sunt : & omnium insipientium animi in morbo sunt, omnes insipientes igitur insaniunt : sanitatem enim animorum, positam in tranquillitate quadam, constantiaque censebant. his rebus mentem vacuam appellarunt insaniam ; propterea quod in perturbato animo, sicut in corpore, sanitas esse non possit. nec minus illud acute, quod animi affectionem lumine mentis carentem nominauerunt amentiam, eademque dementiam. ex quo intelligendum est, eos, qui hac rebus nomina posuerunt, sensisse hoc idem quod à Socrate acceptum diligenter Stoici retinuerunt, omnes insipientes esse non sanos : qui enim animus est in aliquo morbo, (morbos autem hos perturbatos motus, ut modo dixi, philosophi appellant) non magis est sanus, quàm id corpus, quod in morbo est. ita fit ut sapientia sanitas sit animi, insipientia autem quasi insanitas quedam, quæ est insania, eademq; dementia, multoq; melius hæc notata sunt verbis Latinis, quàm Græcis. quod alijs quoque multis locis reperiétur. sed id alias. nunc, quod instat. Totum igitur id, quod querimus, quid & quale sit, verbis vis ipsa declarat : eos enim sanos intelligi necesse est, quorum mens motu, quasi morbo, perturbata nullo sit. qui contra affectu sunt, hos insanos appellari necesse est. itaq; nihil melius, quam quod est in consuetudine sermonis Latini, cum exisse è potestate dicimus eos, qui effrenati feruntur aut libidine, aut iracun-

*racundia: quanquā ipsa iracundia libidinis est pars: sic enim diffinitur iracundia, vlciscendi libido. qui igitur exisse ex potestate dicuntur, iccirco dicuntur, quia non sunt in potestate mentis, cui regnum totius animi à natura tributum est. Græci autem *μαρίαν* vnde appellent, non facile dixerim. eam tamen ipsam distinguimus nos melius, quam illi. hanc enim insaniam, quæ iuncta stultitiæ patet latius, à furore disiungimus. Græci uolunt illi quidem, sed parum ualent verbo: quem nos furorem, *μελανχολίαν* illi uocant; quasi uero atrabili solum mens, ac non sæpe uel iracundia grauiore, uel timore, uel dolore moueatur. quo genere *Athamātem*, *Alcmaeonem*, *Aiacem*, *Orestē* furere dicimus. qui ita sit affectus, eum dominum esse rerum suarum uetant duodecim tabulæ. itaque non est scriptum, si insanus, sed si furiosus esse incipit: stultitiam enim censuerūt, id est inconstantiam sanitate uacantem, posse tamen tueri mediocritatem officiorum, & uitæ cōmunem cultū, atque vsitatum: furorem autem esse rati sunt mentis ad omnia cecitatem. quod cū maius esse videatur, quā insania: tamen eiusmodi est, ut furor in sapientem cadere possit, non possit insania. sed hæc alia quæstio est. nos ad propositum reuertamur. Cadere opinor in sapientem ægritudinem tibi dixisti videri. A. Ego uero ita existimo. M. Humanum id quidem quod ita existimas: non enim silice nati sumus, sed est naturale in animis tenerum quiddam, atq; molle, quod ægritudine, quasi tempestate quatiatur. nec absurde Crantor ille, qui in nostra Academia, vel in primis fuit nobilis. [Minime, inquit, assentior ijs, qui istam nescio quā indolentiam]*

tiam

tiam magnopere laudant : quæ nec potest vlla esse, nec debet. ne ægrotus sim, inquit : sed, si fuerim, sensus adsit, siue secetur quid, siue auellatur à corpore, nam istuc nihil dolere, non sine magna mercede contingit, immanitatis in animo, stuporis in corpore.] Sed videamus, ne hæc oratio sit hominum assentantiu nostræ imbecillitati, & indulgentium mollitudini. nos autem audeamus non solum ramos amputare miseriarum, sed omnes radicū fibras euellere. tamen aliquid relinquatur fortasse : ita sunt stirpes altæ stultitiæ. sed relinquatur id solum, quod est necessarium. illud quidem sic habeto, nisi sanatus animus sit, quod sine philosophia fieri non potest, finem miseriarū nullum fore. quamobrem ; quoniam cæpimus tradamus nos ei curandos. sanabimur, si volumus. & progrediar quidem longius : non enim de ægritudine solum, quanquam id quidē primum, sed de omni animi, ut ego posui, perturbatione ; morbo, ut Græci volunt, explicabo. & primo si placet, Stoicorum more agamus ; qui breuiter astringere solent argumenta : deinde nostro instituto vagabimur. Qui fortis est, idem est fidens : quoniam confidens mala consuetudine loquendi in vitio ponitur, ductum verbum à confidendo, quod laudis est. qui autem est fidens, is profecto non extimescit : discrepat enim à timendo, confidere. atque in quem cadit ægritudo, in eūdem timor : quarum enim rerum præsentia sumus in ægritudine, easdem impendentes, & venientes timemus. ita sit, ut fortitudini ægritudo repugnet. verisimile est igitur, in quem cadit ægritudo, in eundem cadere timorem, & in fractionem quandam animi, & demissionem. in quemq;

quemq; ea cadunt, in eundem cadit ut seruiat, ut videtur
 etum quandoque se esse fateatur. quæ qui recipit, recipiat
 idem necesse est. timiditatem, & ignauiam. non cadunt
 autem hæc in virum fortem: igitur ne ægritudo quidem.
 at nemo sapiens, nisi fortis; non cadet ergo in sapientem
 ægritudo: præterea necesse est, qui fortis sit, eundem esse
 magni animi; qui magni animi, inuictum; qui inuictus, eum
 humanas res despiciere, atque infra se positas arbitrari.
 despiciere autem nemo potest eas res, propter quas ægritudine
 affici potest. ex quo efficitur, fortem virum ægritudine
 nunquam affici. omnes autem sapientes fortes: non cadit
 igitur in sapientem ægritudo. & quemadmodum oculus
 conturbatus non est probe affectus ad suum munus
 fungendum; & reliquæ partes, totumve corpus, à statu
 cum est motum deest officio suo, & muneri: sic conturbatus
 animus non est aptus ad exequendum munus suum. munus
 autem animi est, ratione bene uti: & sapientis animus
 ita semper affectus est, ut ratione optime utatur: nunquam
 est igitur perturbatus, at ægritudo perturbatio est animi:
 semper igitur ea sapiens vacabit. verisimile etiā illud
 est, qui sit temperans, quem Græci σωφρονεα appellant,
 eamq; virtutem σωφροσύνη vocant, quam solco equidem
 tum temperantiam, tum moderationem appellare, nonnunquam
 etiam modestiam: sed haud scio, an recte ea virtus
 frugalitas appellari possit. quod angustius apud Græcos
 ualet: qui frugi homines ἡσυχίους appellant, id est
 tantummodo viles. at illud latius est enim omnis
 abstinentia, omnis innocentia, quæ apud Græcos
 vsitatum nomen nullum habet, sed habere potest

est ἀβλάβειαν: nam est innocentia affectio talis animi,
 quæ noceat nemini. reliquas etiam virtutes frugali-
 tas continet. quæ nisi tanta esset, & si ijs angustijs,
 quibus pleriq; putant, teneretur, nunquã esset Pisonis
 cognomen tantopere laudatũ. sed quia nec qui propter
 metum præsidium reliquit, quod est ignavia; nec qui
 propter auaritiam clam depositum non reddidit, quod
 est iniustitia; nec qui propter temeritatem male rem
 gessit, quod est stultitia; frugi appellari solet; eo tres
 virtutes, fortitudinem, iustitiam, prudentiam, fruga-
 litas complexa est. etsi hoc quidem commune est vir-
 tutum: omnes enim inter senexa, & coniugata sunt.
 reliqua igitur, & quarta virtus ut sit ipsa frugalitas,
 necesse est: eius enim videtur esse proprium motus ani-
 mi appetentis regere, & sedare; semperq; aduersantẽ
 libidini, moderatam in omni re seruare constantiam, cui
 contrarium vitiũ nequitia dicitur. frugalitas, ut opi-
 nor, à fruge: qua nihil melius è terra oritur. nequitia
 ab eo (etsi hoc erit fortasse durius: sed tentemus, &
 luxisse putemur, si nil sit) ab eo, quod ne quidquam est
 in tali homine: ex quo idem nihili dicitur. qui sit frugi
 igitur, vel, si mauis, moderatus, & temperas, eum ne-
 cesse est esse constantem; qui autem cõstans, quietum;
 qui quietus, perturbatione omni vacuum; ergo etiam
 ægritudine. & sunt illa sapientis: aberit igitur à sa-
 piẽte ægritudo. itaq; nõ inscite Heracleotes Dionysius
 ad ea disputat, quæ apud Homerum Achilles quæri-
 tur, hoc, ut opinor, modo,

Corq; meum penitus turgescit tristibus iris,

Cum decore, atq; omni me orbatũ laude recordor.

num manus affecta recte est, cum in tumore est? aut nū aliquod quoppiam membrum tumidū, ac turgidū non vitiose se habet? sic igitur inflatus, & tumens animus in vitio est. sapientis autem animus semper vacat vitio, numquam turgescit, nunquam tumet. at iratus animus eiusmodi est: nunquam igitur sapiens irascitur: nam si irascitur, etiam concupiscit: proprium est enim irati, cupere, a quo læsus videatur, ei quam maximum dolorem inurere. qui autem id concupierit, eum necesse est, si id consecutus sit, magnopere latari. ex quo fit, ut alieno malo gaudeat. quod quoniam non cadit in sapientem, ne ut irascatur quidē cadit. si autem caderet in sapientem ægritudo, caderet etiam iracundia. qua quoniam vacat, ægritudine etiam vacabit. etenim si sapiens in ægritudinem incidere posset, posset etiam in misericordiam, posset in invidentiam: non dixi in invidiam, quæ tum est, cum invidetur: ab invidendo autem invidentia recte dici potest, ut effugiamus ambiguum nomen invidiæ: quod verbum ductum est à nimis intuendo fortunam alterius, ut est in Menalippo,

Florem quisnam liberum invidit meum?
male Latine videtur. sed præclare Aëtius: ut. n. videre, sic invidere florē rectius, quàm flori dicitur. nos consuetudine prohibemur: poeta ius suum tenuit, & dixit audacius. Cadit igitur in eundem, & misereri & invidere. nā qui dolet rebus alicuius aduersis, idē alicuius etiam secundis dolet: ut Theophrastus interitum deplorans Callisthenis sodalis sui, rebus Alexātri prosperis angitur: itaque dicit Callisthenem incidisse in hominē
sum-

summa potentia, summaq; fortuna, sed ignarū quem-
admodum rebus secundis vti conueniret. atqui quem-
admodum misericordia ægritudo est ex alterius rebus
aduersis, sic inuidentia ægritudo est ex alterius rebus
secundis, in quem igitur cadit misereri, in eundem etiā
inuidere. non cadit autem inuidere in sapientem: ergo
ne misereri quidem. quòd si hoc ægre ferre sapiens so-
leret, misereri etiam soleret. abest ergo a sapiente ægri-
tudo. hæc sic dicuntur a Stoicis, concludunturque con-
tortius. sed latius aliquando dicenda sunt, & diffusius.
sententijs tamen vtendum est eorum potissimum, qui
maxime forti, & vt ita dicam virili vtuntur ratione,
atque sententia. nam Peripatetici familiares nostri,
quibus nihil est vberius, nihil eruditus, nihil grauius,
mediocritatem vel perturbationum, vel morborum
animi mihi non sanè probant: omne enim malum, etiā
mediocre, magnum est: nos autem id agimus, vt id in sa-
piente nullum sit omnino. nam ut corpus, etiam si me-
diocriter ægrum est, sanum non est: sic, si in animo est
istà mediocritas, caret sanitate. itaq; præclare nostri,
vt alia multa, molestiā, solitudinē angorē propter si-
militudinem corporum ægrorum ægritudinem nomina-
uerunt. hoc propemodum verbo Græci omnem animi
perturbationem appellant: vocant enim πᾶτος, id est
morbum, quicumque est motus in animo turbidus. nos
melius: ægris. n. corporibus simillima est animi ægri-
tudo. at non similis egrotationis est libido, non immodera-
ta letitia, quæ est uoluptas animi elata, & gestiēs. ipse
etiam metus non est morbi admodum similis, quan-
quam ægritudini est finitimus: sed propriè, ut egrota-

tio in corpore, sic egritudo in animo nomen habet non
 seiunctum a dolore. doloris igitur huius origo nobis ex-
 plicanda est, id est causa efficiens egritudinem in animo,
 tanquam egrotationem in corpore. nam ut medici, causa
 morbi inuenta curationem esse inuentam putat: sic nos,
 causa egritudinis reperta, medendi facultatem repe-
 riemus. est igitur causa omnis in opinione, nec uero egritu-
 dinis solum, sed etiam reliquarum omnium perturba-
 tionum: quæ sunt genere quatuor, partibus plures. nam
 cum omnis perturbatio sit animi motus uel rationis
 expers, uel rationem aspernans, uel rationi non obe-
 diens; isque motus aut boni, aut mali opinione citetur:
 bifariam quatuor perturbationes equaliter distributæ
 sunt. nam duæ sunt ex opinione boni: quarum altera, uo-
 luptas gestiens, id est præter modum elata lætitia opinio-
 ne presentis magni alicuius boni; altera uel cupiditas
 recte, uel libido dici potest: quæ est immoderata appe-
 titio opinati magni boni rationi non obtemperans. ergo
 hæc duo genera, uoluptas gestiens, & libido, bonorum
 opinione turbantur: ut duo reliqua, metus & egritu-
 do, malorum. nam & metus opinio magni mali impen-
 dentis: & egritudo est opinio magni mali presentis: &
 quidem recens opinio talis mali, ut in eo rectum uidea-
 tur esse angere; id autem est, ut is, qui doleat, oportere
 opinetur se dolere. his autem perturbationibus, quas
 in uita hominum stultitia quasi quasdam immittit fu-
 rias, atque incitat, omnibus uiribus, atque opibus repu-
 gnandum est, si uolumus hoc, quod datum est uite, tra-
 quille placideque traducere. sed cæteras alias; nunc
 egritudinem, si possumus, depellamus; id enim sit pro-
 posi-

positum: quando quidem eam tu uideri tibi in sapientē
cadere dixisti. quod ego nullo modo existimo: tetra
enim res est, misera, detestabilis, omni contentione ue-
lis, ut ita dicam, remisque fugienda. qualis enim tibi
ille uidetur Tantalo prognatus, Pelope natus, qui quō-
dam a socero Oenomao Rege Hippodamiam raptis na-
ctus nuptiis. Iouis iste quidem pronepos. tam ne ergo
abiectus tamque fractus?

Nolite (inquit) hospites adire ad me illico istic,

Ne contagio mea bonis, umbrane obsit:

Tanta vis sceleris in corpore hæret.

Tu te Thyesta damnabis, orbabisque luce propter vim
sceleris alieni? quid? illum filium solis non ne patris
ipsius luce indignum putas?

Refugere oculi; corpus macie extabuit;

Lacrymæ peredere humore exanguis genas:

Situ nidoris barba pedore horrida,

Atque intonsa infuscat pectus illuue scabrum.

hæc malo ò stultissime Aeeta ipse tibi addidisti. nō ine-
rant in ijs, quæ tibi casus inuexerat: & quidem inue-
terato malo, cū tumor animi resedisset. est autem egri-
tudo, ut docebo, in opinione mali recentis. sed mæres
videlicet regni desiderio, non filia: illam enim oderas,
& iure fortasse; regno non æquo animo carebas. est au-
tem impudens luctus mærore se conficientis, quod im-
perare non liceat liberis, Dionysius quidem tyrannus
Syraculis expulsus Corinthi pueros docebat, usque eo
imperio carere non poterat. Tarquinio vero quid im-
pudentius, qui bellum gereret cum ijs, qui eius non tu-
lerant superbiam? is cum restitui in regnum nec Ve-

ientium, nec Latinorum armis potuisset, Cumas se contulisse dicitur, inq; ea vrbe senio, & ægritudine esse confectus. hoc tu igitur censes sapienti accidere posse, vt ægritudine opprimatur, id est miseria? nam cum ois perturbatio miseria est, tum carnificina est ægritudo. habet ardorem libido, leuitatem letitia gestiens, humilitatem metus: sed ægritudo maiora quædam, tabem, cruciatum, afflictionem, fœditatem: lacerat, exest animum planeq; conficit. hanc nisi exuimus sic, vt abijciamus: miseria carere non possumus. at hoc quidem perspicuum est, tum ægritudinem existere, cum quid ita visum sit, ut magnum quoddam malum adesse, & vrgeri videatur. Epicuro autem placet opinionem mali ægritudinem esse natura, vt quicunque intueatur in aliquod maius malum, si id sibi accidisse opinetur, sit continuo in ægritudine. Cyrenaici non omni malo ægritudinem effici censent, sed insperato, nec opinato malo. est id quidē non mediocre ad ægritudinem augendam: videntur enim omnia repentina grauiora. ex hoc & illa iure laudantur.

Ego, cū genui, tum moriturum sciui, et ei rei sustuli. Præterea ad Troiā cū misi ad defendēdā Græciam, Sciebā me in mortiferū bellū, nō in epulas mittere. hæc igitur præmeditatio futurorum malorum lenit eorum aduentum, quæ venientia, longe ante uideris. itaque apud Euripidem a Theseo dicta laudantur: licet enim, vt sæpe facimus, in latinum illa conuertere.

Nam, qui hæc audita a docto meminissē viro,
Futuras mecum commentabar miserias:

Aut mortem acerbam, aut exiliij mæstam sugam.

Aut

Aut semper aliquam molem meditabar mali:

Vt, si qua inuecta diritas casu foret,

Ne me imparatum cura laceraret repens.

quod autem Theſeus a docto viro se audisse dicit, id de se ipso loquitur Euripides : fuerat enim auditor Anaxagoræ: quem ferunt nunciata morte filij dixisse, sciebam me genuisse mortalem. quæ vox declarat ijs esse hæc acerba, a quibus non fuerint cogitata. ergo id quidem non est dubium, quin omnia, quæ mala putantur, sint improuisa grauiora. itaque quanquam nō hæc una res efficit maximam egritudinem: tamen, quoniam multum potest prouisio animi, & præparatio ad minuendum dolorem, sint semper omnia homini humana meditata. & nimirum hæc est illa præstans, & diuina sapientia; perceptas penitus, & pertractatas humanas res habere; nihil admirari, cum acciderit, nihil, antequam euenerit, non euenire posse arbitrari.

Quamobrem oēs, cū secundæ res sūt maxime, tū maxime Meditari, secū oportet, quo pacto aduersā erūnā ferāt: Pericla, damna, exilia peregre rediens semper cogitet. Aut filij peccatū, aut uxoris mortē, aut morbū filij: Cōmunia esse hæc, fieri posse: ut ne qd animo sit nouū; Quidquid pter spē eueniat, oē id deputare esse ī lucro, ergo hoc Terentius à philosophia sumptum cum tam commode dixerit, nos ē quorum fontibus id haustum est, non & dicemus hoc melius, & constantius sentiemus? hic est enim ille vultus semper idem, quem dicit Xantippe prædicare solita in viro suo fuisse Socrate; eodem vultu semper se vidisse exeuntem illum domo, & reuertētem. nec vero ea frons erat, quæ M. Crassi il

lius veteris, quem semel ait in omni vita risisse Lucilius; sed tranquilla, & serena: sic enim accepimus. iure autem erat semper idem vultus, cum mentis, à qua is fingitur, nulla fieret mutatio. quare accipio equidē à Cyrenaicis hæc arma contra casus, & euētus, quibus eorum aduenientes impetus diuturna præmeditatione frangantur: simulque iudico, malum illud opinionis esse, non naturę: si enim in re essent, cur fierent prouisa leuiora? sed est, iisdē de rebus quod dici possit subtilius, si prius Epicuri sententiam viderimus; qui censet necesse esse omneis in ægritudine esse, qui se in malis esse arbitrentur, siue illa ante prouisa, & expectata sunt, siue inueterauerint: nam neque vetustate minui mala, nec fieri præmeditata leuiora, stultamque etiam esse meditationem futuri mali, aut fortasse ne futuri quidē: satis esse odiosum malū omne, cum venisset. qui autem semper cogitauisset, accidere posse aliquid aduersi, ei fieri illud sempiternum malum: si vero ne futurum quidem sit, frustra suscipi miseriam voluntariam. ita semper angere aut accipiendo, aut cogitando malo. leuationem autem ægritudinis in duabus rebus ponit, auocatione à cogitanda molestia, & renocatione ad contemplandas voluptates: parere enim censet animum rationi posse, & quo illa ducat, sequi: vetat igitur ratio intueri molestias: abstrahit ab acerbis cogitationibus hebetem aciem ad misérias contemplandas: à quibus cum cecinit receptui, impellit rursum, & incitat ad conspiciendas; totaque mente tractandas varias voluntates, quibus ille & præteritarum memoria, & spe consequentium sapientis vitam refer-

refertam putat. Hæc nostro more nos diximus. Epicu-
rei dicunt suo. sed quæ dicant, videamus quo modo ne-
gligamus. Principio male reprehendūt præmeditatio-
nem rerum futurarum: nihil est enim quod tam obtun-
dat, eleuetq; ægritudinem. quàm perpetua in omni vi-
ta cogitatio, nihil esse quod accidere non possit; quàm
meditatio conditionis humanæ, quàm vitæ lex, com-
mentatioq; parendi: quæ nō hoc affert, ut semper mæ-
reamus, sed ut nunquam: neque enim qui rerum na-
turam, qui vitæ varietatem, qui imbecillitatem gene-
ris humani cogitat, mæret cum hæc cogitat, sed tū vel
maxime sapientia fungitur munere; vtrumque enim
consequitur, ut & considerandis rebus humanis pro-
prio philosophiæ fruatur officio, & aduersis casibus
triplici consolatione sanetur: primum, quod posse ac-
cidere diu cogitauerit; quæ cogitatio vna maxime mo-
lestias omnes extenuat, & diluit: deinde quod huma-
na ferenda intelligit postremo, quod videt nullū ma-
lum esse nisi culpam; culpam autem nullam esse cū id,
quod ab homine non potuerit præstari euenerit. nam
reuocatio illa quam affert, cum à contuendis nos malis
auocat, nulla est: non est enim in nostra potestate, fo-
dicantibus ijs rebus quas malas esse opinemur, dissimu-
latio, vel obliuio. lacerāt, vexant, stimulos admouent,
ignes adhibent, respirare non sinunt: & tu obliuisci
iubes, quod contra naturam est: quod à natura datum
est; auxilium extorques inueterati doloris? est enim
tarda illa quidem medicina: sed tamen magna, quam
affert lōgiquitas, & dies. iubes me bona cogitare, obli-
uisci malorum, diceres aliquid & magno quidem phi-

losopho dignum, si ea bona sentire esſe, quæ eſſent ho-
 mine digniſſima. Pythagoras mihi ſic diceret, aut So-
 crates, aut Plato: quid iaces? aut quid mæres? aut cur
 ſuccumbis, cedisque fortuna? quæ ut peruellere te for-
 ſitan potuerit, & pun gere, non potuerit certe vires frã-
 gere. magna vis eſt in virtutibus. eas excita, ſi forte
 dormiunt. iã tibi aderit princeps fortitudo: quæ te ani-
 mo tanto eſſe coget, ut omnia, quæ poſſint homini eue-
 nire, contemnas, & pro nihilo putes, aderit temperan-
 tia; quæ eſt eadem moderatio, à me quidem paulo an-
 te appellata frugalitas, quæ te turpiter, & nequiter
 facere nihil patiatur. quid eſt autem nequius, aut tur-
 pius effæminato viro? ne iuſtitia quidem ſinet iſta fa-
 cere: cui minimum eſſe videtur in hac cauſa loci. quæ
 tamen ita dicet, dupliciter eſſe te iniuſtum; cū & alie-
 num appetas, qui mortalis natus, conditionem poſtules
 immortalium; & grauiter ſeras te, quod vtendum ac-
 ceperis, reddidiſſe. prudētia vero quid reſpondebis di-
 centi virtute ſe eſſe contentam, quo modo ad bene vi-
 uendum, ſic & ad beate? quæ ſi extrinſecus religata
 pendeat, & non oriatur ex ſe, & ruruſus ad ſe reuertat-
 tur, & omnia ſua complexa nihil quærat aliunde; non
 intelligo, cur aut verbis tam vehementer ornanda, aut
 re tantopere expetenda uideatur. ad hæc bona me ſi re-
 uocas Epicureo, pareo, ſequor, vtor te ipſo duce, oblini-
 ſcor etiam malorum, ut iubes; eoq; facilius, quod eãne
 in malis quidem ponēda cenſeo. ſed traducis cogitatio-
 nes meas ad voluptates: quas? corporis credo, aut quæ
 propter corpus vel recordatione, vel ſpe cogitētur. nun-
 quid eſt aliud? recte ne interpretor ſententiam tuam?

ſolent

solent enim isti negare nos intelligere, quid dicat Epicurus. hoc dicit, et hoc ille Græculus me audiēte Athenis senex Zeno, istorum acutissimus, cōtendere, & magna voce dicere solebat, eum esse beatum, qui præsensibus voluptatibus frueretur, consideretque se fruiturum aut in omni, aut in magna parte vitæ, dolore non interueniēte; aut, si interueniret, si summus foret, futurum breuem; si productior, plus habiturum iucundi, quam mali: hæc cogitantem fore beatum, præsertim si & ante perceptis bonis cōtentus esset, nec deos extimeret. Habes formam Epicuri vitæ beatæ, verbis Zenonis expressam, nihil ut possit negari. quid ergo? huius ne vitæ propositio, et cogitatio aut Thyestæ leuare poterit, aut Aetam, de quo paulo ante dixi, aut Thelamonem pulsum patria exulantem, atque egentem? in quo hæc admiratio fiebat:

Hiccinne est Thelamō ille mō quē gloria ad cēlū extulit, Quē spectabant, cuius ob os Graiū ora obuertebāt sua. quod si cui, ut ait idem simul animus cum re concidit, à grauib; illis antiquis philosophis petenda medicina est, non ab his voluptarijs. quā enim isti bonorum copiam dicunt? fac sanē summum bonum esse nō dolere. quanquam id non vocatur voluptas. sed non necesse est nunc omnia. id ne est, quò traducti luctum leuemus? sit sanē summum malum dolere: in eo igitur qui non est si malo careat, continuo ne fruitor summo bono? quid tergiuersamur Epicure, nec fatemur eam nos dicere voluptatem, quam tu idem, cum os perfricuiſti, soles dicere? sunt hæc tua verba, nec ne? in eo quidem libro, qui continet omnem disciplinam tuam (fungar

enim iam interpretis munere, ne quis me putet fingere) dicis hæc. [Nec equidem habeo quod intelligam bonum illud detrahens eas voluptates, quæ sapore percipiuntur; detrahens eas etiam, quæ auditu, & cætibus; detrahens eas etiam, quæ ex formis percipiuntur oculis, suaves motiones, siue quæ aliæ voluptates in toto homine gignuntur quolibet è sensu. Nec vero ita dici potest, mentis lætitiā solam esse in bonis; lætantem enim mētem ita noui specorum omnium quæ supra dixi fore, ut natura ijs potiens dolore careat. atque quidem his verbis, quiuis ut intelligat quam voluptatem norit Epicurus. deinde paulo infra. Sepe quesui (inquit) ex ijs, qui appellantur sapientes, quid haberent, quod in bonis relinquerent, si illa detraxissent, nisi scirent voces inanes fundere; nihil ab his potui cognoscere; qui si virtutes ebullire volent, & sapientias; nihil aliud dicent, nisi eam viam, qua efficiantur eę voluptates, quas supra dixi.] Quæ sequuntur, in eadem sententia sunt; totusque liber, qui est de summo bono, refertus, & sententijs, & verbis talibus est. hac hanc-cine igitur vitam Telamonem illum reuocabis, ut leues egritudinem? & si quem tuorum afflictum mœrore videris, huic acipenserem potius, quam aliquem Socraticum libellum dabis? αὐλῶν hortabere ut audiat voces potius, quàm Platonis? expones, quæ spectet florida, & varia? fusciculum ad nares admonebis? incenses odores? & sertis redimiri iubebis, & rosa? si vero aliquid etiam, tum planè luctum omnem abstergeris? hæc Epicuro cōsitenda sunt, aut ea, quæ modo expressa ad verbum dixi, tollenda de libro, vel totus liber

ber potius abijciendus; est enim confertus voluptatibus. quarendum igitur, quemadmodum ægritudine priuemus eum, qui ita dicat:

- Pol mihi fortuna magis nunc desit, quàm genus:

Nāq; regnū suppetebat mihi: ut scias quanto è loco,
Quātis opibus, quib. de rebus, lapsa fortuna occidat.
quid? huic calix mulsi impingendus est, ut plorare desinat, aut aliquid eiusmodi? ecce tibi ex altera parte ab eodem poeta:

Ex opibus summis opis egens Hector tuæ.
huic subuenire debemus: querit enim auxiliū. (fuga
Quid petā p̄sidi, aut exequar? quo ve nūc auxilio, aut
Freta sim? arce, & vrbe orba sum: quò accedam?
quò applicem?

Cui nec arę patriæ domi stāt; fractę, et disiectę iacēt:
Fana flamma deflagrata: tosti alti stant parietes
Deformati, atque abiete crissa.

scis, quæ sequantur: Et illud in primis,

O pater, ò patria, ò Priami domus,
Septum altifono cardine templum:

Vidi ego te, astante ope barbarica,

Teslis calatis, laqueatis,

Auro, ebore instructam regifice.

ò poetam egregium: quanquā ab his cantoribus Euphori-
onis cōtemnitur. sentit omnia repentina, & inopinata
esse grauiora. exaggeratis igitur Regis opibus, quæ
videbantur sempiternæ fore, quid adiungit?

Hæc omnia vidi inflammari;

Priamo vi vitam euitari,

Iouis aram sanguine turpari,

præclarum carmen : est enim & rebus, & verbis, &
 modis lugubre. eripiamus huic ægritudinem : quo mo-
 do ? collocemus in culcitra plumea : psalteriam adduca-
 mus : cedrum incendamus : demus scutellam dulcicu-
 læ potionis. aliquid provideamus & cibi. hæc tandem
 bona sunt, quibus ægritudines grauissimæ detrahantur ?
 tu enim paulo ante ne intelligere te quidem alia bona
 dicebas. reuocari igitur oportere à mœrore ad cogita-
 tionem bonorum, cōueniret mihi cum Epicuro, si, quid
 esset bonum, cōueniret. dicet aliquis: quid? ergo tu Epi-
 curū existimas ista voluisse, aut libidinosas eius fuis-
 se sententias ? ego vero minime : video enim ab eo di-
 ci multa seuerè, multa præclare. itaque, vt sæpe dixi,
 de acumine eius agitur, non de moribus. quamuis sper-
 nat voluptates eas quas modo laudauit : ego tamen
 meminero, quod videatur ei summū bonum : non enim
 verbo solum posuit voluptatem, sed explanauit quid
 diceret : saporem inquit, & corporum complexum, &
 ludos, atque cantus, & formas eas, quibus oculi iucū-
 de moueantur. num fingo? num mentior? cupio refelli:
 quid. n. laboro, nisi vt veritas in omni quæstione expli-
 cetur ? at idem ait non crescere voluptatem dolore de-
 tracto, summamq; voluptatē nihil dolere. paucis ver-
 bis tria magna peccata : vnū, quòd secum ipse pugnat;
 modo enim ne suspicari quidem se quidquam bonum.
 nisi sensus quasi titillarentur voluptatē : nunc autem,
 summam voluptatem esse dolore carere. potest ne ma-
 gis secum ipse pugnare? alterum est peccatum, quòd,
 cum in natura tria sint, vnum gaudere, alterum dolo-
 re, tertium nec gaudere, nec dolere, hic putat primum,

& tertium idem esse, nec distinguit a non dolendo voluptatem. tertium peccatum commune cum quibusdā, quod cum virtus maxime expetatur, eiusque adipiscēde causa philosophia quæsitā sit, ille a virtute summū bonum separauit. at laudat, & sepe, virtutem. & quidem C. Gracchus, cum largitiones maximas fecisset, et effudisset ærarium, verbis tamē defendebat ærarium. quid verba audiam, cum facta videam? Piso ille frugis semper contra legem frumentariam dixerat. is lege lata consularis ad frumentum accipiēdum venerat, animaduertit Gracchus in concione Pisonem stātem. querit audiente pop. R. qui sibi constet, cū ea lege frumentum petat, quam dissuaserat? nolim, inquit, mea bona Gracche tibi viritim diuidere liceat: sed si facias, parrem petam. parum ne declarauit vir grauis, et sapiens, lege Sempronia patrimonium publicum dissipari? lege orationes Gracchi: patronum ærarij esse dices. negat Epicurus iucūde posse viui, nisi cum virtute uiuatur: negat vllam in sapientem vim esse fortunę: tenuem vitium antefert copioso: negat vllum esse tempus, quo sapiens non beatus sit. omnia philosopho digna, sed cū voluptate pugnancia. non istam dicit voluptatem. dicat quamlibet: nempe eam dicit, in qua virtutis nulla pars insit. age, si voluptatem non intelligimus, ne dolorem quidem? nego igitur eius esse, qui dolorem summum malum metiamur, mentionem facere virtutis. & conqueruntur quidam Epicurei viri optimi (nam nullum genus est minus malitiosum) me studiose dicere contra Epicurū. ita credo, de honore, aut de dignitate contendimus. mihi summum in animo bonum videtur,

tur, illi autem in corpore: mihi in virtute, illi in voluptate. & illi pugnant; & quidem vicinorum fidem implorant. multi autem sunt, qui statim conuolent: ego sum is, qui dicam me non laborare, actum habiturum quod egerint. quid enim? de bello Punico agitur? de quo ipso cum aliud M. Catoni, aliud L. Lentulo videretur, nulla inter eos concertatio unquam fuit. hi nimis iracunde agunt, præsertim cum ab his non sanè animose defendatur sententia, pro qua non in senatu, non in concione, non apud exercitū, neq; apud Censores dicere audeant. sed cum istis aliis, & eo quidē animo, nullum, ut certamen institutam, verum dicentibus facile cedā. tantum admonebo; si maxime verū sit, ad corpus omnia referre sapientem; siue, ut honestius dicā, nihil facere, nisi quod expediat; siue oīa referre ad utilitatem suam; quoniam hæc plausibilia non sunt, ut in sinu gauderent, gloriose loqui desinant. Cyrenaicorū restat sententia: qui tum egritudinem censent existere, si nec opinato quid euenerit. est id quidem magnum, ut supra dixi, etiā Chrysippo ita videri scio, quod prouisum ante non sit, id fieri vehementius. sed non sunt in hoc omnia: quanquam hostium repens aduentus magis aliquanto conturbat, quam expectatus, & maris subita tempestas, quam ante prouisa, terret nauigantes vehementius: & eiusmodi sunt pleraque. sed cum diligenter nec opinatorum naturam consideres, nihil aliud reperiās, nisi omnia subita videri maiora; & quidem ob duas causas: primum, quòd quanta sint, quæ accidunt considerandi spatium non datur; deinde, cū videtur præcaueri potuisse, si prouisum esset, quasi culpa contractum malum

malum egritudinem acriorem facit . quòd ita esse dies declarat . quę procedens ita mitigat , vt ijsdem malis manētibus non modo leniatur egritudo , sed in plerisq; tollatur . Carthaginenses multi Romę seruiuerunt , Macedones rege Perse capto . vidi etiam in Peloponneso , cum essem adolescens ; quosdam Corinthios . hi poterāt omnes eadem illa de Andromacha deplorare ,

Hęc omnia vidi .-

sed & iam decantauerunt fortasse : eo enim erāt vultu , oratione , omni reliquo motu , et statu , vt eos Arguios , aut Sicyonios diceret , magisq; me mouerant Corinthii subito aspectu parietine , quę ipsos Corinthios , quorum animis diuturna cogitatio callū vetustatis obduxerat . legimus librum Clitomachi , quē ille euersa Carthagine misit consolandi causa ad captiuos ciues suos . in eo est disputatio scripta Carneadis ; quā se ait in commentarium retulisse . cum ita positum esset , videri fore in egritudine sapientem patria capta , quę Carneades contra dixerit , scripta sunt . tanta igitur calamitatis præsens adhibetur a philosopho medicina , quanta inueterata ne desideratur quidem ; nec si aliquod annis post idē ille liber captiuis missus esset , vulneribus mederetur , sed cicatricibus : sensim . n. & pedetentim progrediens extennatur dolor : non quo ipsa res immutari soleat , aut possit , sed id , quod ratio debuerat , usus docet , minora esse ea , quę sint visa maiora . quid ergo opus est dicet aliquis , ratione , aut omnino cōsolatione vlla , quę solemus uti , cum leuare dolorem merētium volumus ? hæc enim ferè tum habemus in promptu , nihil oportere inopinatum videri . atqui tollerabilius feret incommodum ,

modum, qui cognouerit, neceſſe homini tale aliquid accidere. hac enim oratio de ipſa ſumma mali nihil detrahit: tantum modo aſſert, nihil eueniſſe, quod non opinandum fuiſſet. neque tamen genus id orationis in conſolando non valet: ſed id haud ſciam an plurimum. ergo iſta nec opinata non habent tantam vim, vt ægritudo ex his omnis oriatur; feriunt enim fortasſe grauius, non id efficiunt, vt ea, quæ accident maiora videantur. quia recentia ſunt, videntur, non quia repentina. duplex eſt igitur ratio veri reperiendi, non in ijs ſolum, quæ mala, ſed in ijs etiam, quæ bona videntur. nam aut de ipſius rei natura, qualis, et quanta ſit, quærimus, ut de paupertate nonnunquam; cuius onus diſputando leuamus, docētes, quàm parua, & quàm pauca ſint, quæ natura deſideret: aut a diſputandi ſubtilitate orationē ad exempla traducimus. hic Socrates commemoratur, hic Diogenes, hic Cæcilianinum illud,

Sæpe eſt etiam ſub palliolo ſordido ſapientia. cum. n. paupertatis vna eademq; ſit vis, quidnam dici poteſt quamobrem C. Fabritio tolerabilis ea fuerit, alij negēt ſe ferre poſſe? huic igitur alteri generi ſimilis eſt ea ratio cōſolandi, quæ docet humana eſſe, quæ acciderit. non. n. id ſolum continet ea diſputatio, vt cognitionem afferat generis humani; ſed ſignificat tollerabilia eſſe, quæ & tulerint, & ferant ceteri. de paupertate agitur; multi patientes pauperes commemorantur. de contemnendo honore: multi inhonorati proferuntur, et quidem propter id ipſum beatiores; eorumq; , qui priuatū otium negocijs publicis ante tulerunt, nominatim vita laudatur; nec ſiletur illud potētiffimi Regis Anaſtaſium,

pæstū, qui laudat senem, & fortunatū esse dicit, quod inglorius sit, atq; ignobilis ad supremum diem peruen-
 turus. similiter commemorandis exemplis, orbitates
 quoq; liberorum prædicantur, eorumq; qui grauius fe-
 runt, luctus, aliorum exemplis leniuntur. sic perpeffio
 cæterorum facit, ut ea, quæ acciderint, multo minora,
 quàm quanta sint existimata, videantur. ita fit sensim
 cogitatibus, ut quātum sit ementita opinio, appareat.
 atque hoc idem & Telamon ille declarat,

- ego cum genui, moriturum sciui :

& Theseus,

Futuras mecum commentabar misérias :

& Anaxagoras, sciebam me genuisse mortalem. hi. n.
 omnes diu cogitantes de rebus humanis, intelligebant
 eas nequaquam pro opinione vulgi esse extimescēdas.
 & mihi quidem videtur idē ferē accidere ijs, qui ante
 meditantur, quòd ijs, quibus medetur dies : nisi quòd
 ratio quædam sanat illos hos ipsa natura, intellecto
 eo, quod remedium illud continet malum, quòd opina-
 tum sit esse maximum, nequaquam esse tantum, ut vi-
 tam beatam possit euertere. hoc igitur efficitur, ut ex
 illo nec opinato plaga maior sit, non ut illi putant, ut
 cum duobus pares casus euenerint, is modo egritudine
 afficiatur, cui ille nec opinatus casus euenerit. itaque
 dicuntur nonnulli in mœrore, cum de hac communi om-
 nium cōditione audissent, ea lege nos esse natos, ut ne-
 mo in perpetuum esse posset expers mali, grauius etiā
 tulisse. quo circa Carneades, ut video nostrum scribe-
 re Antiochum, reprehendere Chrysippum solebat lau-
 dantem Euripideum carmen illud,

Mortalis nemo est, quem non attingat dolor,
 Morbusque. multi sunt humandi liberi,
 Rursum creandi: morsque est finis omnibus,
 Quæ generi humano angorem nequidquā afferunt.
 Reddenda est terræ terra: tum vita omnibus
 Metenda, ut fruges. sic iubet necessitas.

negabat genus hoc orationis quidquam omnino ad leuandam ægritudinem pertinere: id enim ipsum dolendum esse dicebat, quod in tam crudelem necessitatem incidissemus, nam illam quidem orationem ex commemoratione alienorum malorum ad maleuolos consolandos esse accommodatam: mihi vero longe videtur secus. nā & necessitas ferendæ conditionis humanæ quasi cum deo pugnare cohibet, admonetque esse hominē: quæ cogitatio magnopere luctum leuat: & enumeratio exemplorum non ut animum maleuolorū oblectet, affertur, sed ut ille, qui mæret, ferendum sibi id censeat, quod videat multos moderate, & tranquillo tulisse: omnibus enim modis fulciendi sunt, qui ruunt, nec coherere possunt propter magnitudinem ægritudinis. ex quo ipsam ægritudinem λύπῃ Chrysippus, quasi λύσις, idest solutionē totius hominis appellatam putat. quæ tota poterat euelli explicata, ut principio dixi, causa ægritudinis: est enim nulla alia, nisi opinio, & iudicium magni presentis, atque vrgētis mali. itaque & dolor corporis, cuius est morsus acerrimus, perfertur spe proposita boni; & acta ætas honeste, ac splendide tantam affert consolationem, ut eos, qui ita vixerint, aut non attingat ægritudo, aut perleuiter purgat animi dolor. sed hanc opinionem mali cum illa et

opinio accessit, oportere, rectum esse ad officium pertinere, ferre illud egre, quod acciderit; tum deniq; efficitur illa grauis ægritudinis perturbatio. ex hac opinione sunt illa varia, & detestabilia genera lugēdi, pedores, muliebres lacerationes genarum pectoris, sæminum, capitis percussiones. hinc ille Agamemnon Homericus, & idem Accianus,

Scindens dolore identidem intonsam comam.
in quo facietum illud Bionis, perinde stultissimum Regem in luctu capillum sibi euellere, quasi caluitio mæror leuaretur. sed hæc omnia faciunt opinantes ita fieri oportere. itaque & Aeschines in Demosthenem inuehitur, quod is septimo die post filia mortem hostias immolasset. at quam rhetorice? quam copiose? quas sententias colligit? quæ verba contorquet? ut licere quiduis rethori intelligas. quæ nemo probaret, nisi insitum illud in animis haberemus, omnes bonos intuitu suorum quam grauissime mærere oportere. ex hoc euenit, ut in animi doloribus alij solitudines captent, ut ait Homerus de Bellerophonte,

Qui miser in campis mærens errabat Aleis

Ipse suum cor edens, hominum vestigia vitans.

& Niobe fingitur lapidea, propter æternum credo in luctu silentium. Hecubam autem putant propter animi acerbitalatem quandam, & rabiem fingi in canem esse conuersam. sunt autē alij quos in luctu cū ipsa solitudine loqui sæpe delectat, ut illa apud Enniū nutrix.

Cupido cepit miseram nunc me, proloqui

Cælo atque terræ Medæe miseras.

hæc omnia recta, vera, debita putantes, faciunt in

dolore: maximeque declaratur hoc quasi officij iudicio fieri, quod si qui forte, cum in luctu esse uellēt, aliquid fecerunt humanius, aut si hilarius locuti sunt, reuocāt se rursus ad mœstitiā, peccatīq; se insimulāt, quod dolere intermiserint. pueros vero matres, & magistri castigare ēt solēt, nec verbis solum, sed etiam uerberibus, si quid in domestico luctu hilarius ab ijs factū est, aut dictum: plorare cogūt. quid? ipsa remissio luctus cū est consecuta, intellectumq; est nihil profici mœrendo, non ne declarat fuisse totum illud uoluntarium? quid ille Terētianus ipse se puniens, id est ἐὰν τὸν τιμωρούμενος?

Decreui tantisper me minus iniuriæ

Chremes meo gnato facere, dum fiam miser.

hic decernit, ut miser sit. num quis igitur quidquam decernit inuitus?

Malo quidem me quouis dignum deputem. malo se dignum deputat, nisi miser sit. vides ergo opinionis esse, non naturæ malum. quid, quod res ipsa luge re prohibet? ut apud Homerum quotidianæ neces. interitusque multorum sedationem mœrendi afferunt: apud quem ita dicitur;

Nanque nimis multos, atque omni luce, cadentes

Cernimus: ut nemo possit mœrore vacare.

Quo magis est æquum tumultis mādare peremptos

Firmo animo, & luctum lacrymis finire diurnis.

ergo in potestate est abijcere dolorē, cum velis tempori seruientem. an est vllum tēpus, quoniam quidem res in nostra potestate est, cui non ponendæ curæ ægritudinis causa seruiamus? constabat, eos, qui concidentem vulneribus Cn. Pompeium vidissent, cum in illo

ipso

ipso acerbissimo, miserrimoque; spectaculo sibi timerent, quod se classe hostium circumfusus viderent, nihil tum aliud egisse, nisi ut remiges hortarentur, & ut salutem adipiscerentur fuga; posteaquam Tyrum venissent, tum afflictiari, lamentarique cœpisse. timor igitur ab ijs egritudinem potuit repellere, ratio ac sapientia vera non poterit? quid est autem, quod plus valeat ad ponendum dolorem, quam cum est intellectum nihil profici, & frustra esse susceptum? si igitur deponi potest, etiam non suscipi potest. voluntate igitur, & iudicio suscipi egritudinem confitendum est. idque indicatur eorum patientia, qui cum multa sint sepe perpeSSI, facilius ferunt quidquid accidit, obduruisseque sese contra fortunam arbitrantur, ut ille apud Euripidem;

Si mihi nunc tristis primum illuxisset dies,

Nec tam erumoso nauigassem salo,

Esset dolendi causa, ut iniecto equulei

Freno repente tactu exagitantur nouo.

Sed iam subiectus miseris obturpui.

defatigatio igitur miseriarum egritudines cum faciat leuiores intelligi necesse est, non rem ipsam causam atque fontem esse mœroris. philosophi summi, nec dum tamen sapientiam consecuti, non ne intelligunt in summo se malo esse? sunt enim insipientes; neque insipientia ullum maius malum est: neq; tamen lugent, quid ita? quia huic generi malorum non affingitur illa opinio, rectum esse, & æquum, & ad officium pertinere, ægre ferre, quod sapiens non sis. quod idem affingimus huic egritudini: in qua luctus inest; quæ omnium maxima

est. itaque Aristoteles veteres philosophos accusans, qui existimauissent philosophiam suis ingenijs esse perfectam; ait eos aut stultissimos, aut gloriosissimos fuisse; sed se uidere, quòd paucis annis magna accessio facta esset, breui tempore philosophiam planè absolutà fore. Theophrastus autem moriens accusasse naturam dicitur, quòd ceruis, & cornicibus vitam diuturnam, quorum id nihil interesset; hominibus quorum maxime interfuisset, tam exiguam vitam dedisset: quorū si etas potuisset esse longinquior, futurum fuisse, ut omnibus perfectis artibus, omni doctrina hominum vita erudiretur. quærebatur igitur se tum, cum illa videre cœpisset, extingui. quid? ex cæteris philosophis non ne optimus, & grauissimus quisq; confitetur, multa se ignorare? & multa sibi et atq; etiam esse discenda? neq; tamen, cū se in media stultitia, qua nihil est peius, hæere intelligant, ægritudine premuntur: nulla. n. admiscetur opinio officiosi doloris. quid, qui non putant lugendum viris? qualis fuit Q. Maximus efferens filium consularum, qualis L. Paulus, duobus paucis diebus amissis filiis; qualis M. Cato, prætor designato, mortuo filio: quales reliqui, quos in consolatione collegimus? quid hos aliud placuit, nisi quòd luctum, & mœrorem esse non putabant viri? ergo id, quod alij rectum opinantes ægritudini se solent dedere, ij turpe putantes, ægritudinem repulerunt. ex quo intelligitur, non in natura, sed in opinione esse ægritudinem. Contra dicuntur hæc. quis tam demens, ut sua voluntate mœreat? natura affert dolorem. cui quidem Crātor, inquit, vester cedendum putat: premit enim, atq; instat, nec resisti

sisti potest. itaque Oileus ille apud Sophoclem, qui Te-
lamonem antea de Aiakis morte consolatus esset, is cū
audisset de suo, fractus est. de cuius commutata mente
sic dicitur,

Nec vero tanta præditus sapientia

Quisquam est, qui aliorum erumnam dictis alleuās,

Non idem, cum fortuna mutata impetum

Conuertat, clade ut subita frangatur sua,

Ut illa ad alios dicta & præcepta excidant.

hæc cum disputant, hoc student efficere, naturæ obfisti
nullo modo posse. ij tamen fatentur grauiores ægritudi-
nes suscipi, quàm natura cogat. quæ igitur amentia, ut
nos quoq; idē ab alijs requiramus? sed plures sunt cau-
sæ suscipiendi doloris. primum illa opinio mali, quo viso
atq; persuaso ægritudo insequitur necessario. deinde ē
gratum se mortuis facere, si grauiter eos lugeant, arbi-
trantur. accedit superstitio muliebris quædam: existi-
mant. n. dijs immortalibus se facilius satisfacturos, si
eorum plaga perculsi, afflictos se & stratos esse fateā-
tur. sed hæc inter se quàm repugnent, plerique non vi-
dent: laudant. n. eos, qui æquo animo moriantur: qui al-
terius mortem æquo animo ferant, eos putant vitupe-
randos. quasi fieri vlllo modo possit, quod in amatorio
sermone dici solet, ut quisuā plus alterum diligat, quā
se præclarum illud est; & si quæris, rectum quoq;, &
verū, ut eos, qui nobis charissimi esse debeant, æque ac
nosmetipsos amemus: ut vero plus, fieri nullo pacto po-
test. ne optādum quidem est in amicitia, ut me ille plus
quàm se; ego illum plus, quàm me. perturbatio vitæ, si
ita sit, atque officiorum omnium consequatur. sed de

hoc aliàs : nunc illud satis est, non attribuere ad amissionem amicorum miseriam nostram, ne illos plus, quàm ipsi velint, si sentiant, plus certe quàm nosmetipsos diligamus. nam, quod aiunt plerosque, consolationibus nihil leuari, adiunguntque consolatores ipsos confiteri se miseros, cum ad eos impetum suum fortuna conuerterit, utrunque dissoluitur: sunt enim ista non naturæ vitia, sed culpæ. stultitiam autem accusare quamuis copiose licet. nam & qui non leuantur, ipsi alios ad miseriam inuitant: & qui suos casus aliter ferunt, atque ut alijs auctores ipsi fuerunt, non sunt vitiosiores, quam ferè plerique, qui auari auaros, gloriæ cupidos gloriosi reprehendunt; est enim proprium stultitiæ aliorum vitia cernere, obliuisci suorum. sed nimirum hoc maximum est experimentum, cum constet ægritudinem vetustate tolli, hanc vim non esse in die positam, sed in cogitatione diuturna. nam & si eadem res est, & idem est homo; qui potest quidquam de dolore mutari, si neque de eo, propter quod dolet, quidquam est mutatum, neque de eo, qui dolet? cogitatio igitur diuturna nihil esse in re mali, dolori medetur, non ipsa diuturnitas, hic mihi afferunt mediocritates, quæ si naturales sunt, quid opus est consolatione? natura enim ipsa terminabit modum, sin opinabiles, opinio tota tollatur. satis dictum esse arbitror, ægritudinem esse opinionem mali præsentis; in qua opinione illud insit, ut ægritudinem suscipere oporteat. additur ad hanc diffinitionem a Zenone recte, ut illa opinio præsentis mali sit recens. hoc autem verbum sic interpretatur, ut non tantum illud

illud recens esse velit, quod paulo ante acciderit; sed quàm diu in illo opinato malo vis quædam insit, & vi-geat, & habeat quandam viriditatem, tam diu appelletur recens: ut Artemisia illa Mausoli Cariæ Regis vxor, quæ nobile illud Halicarnasi fecit sepulcrum, quamdiu vixit, vixit in luctu, eodemque etiam confecta contabuit. huic erat illa opinio quotidie recens: quæ tum denique non appellabatur recens cum vetustate exaruit. hæc igitur officia sunt consolantium, tollere egritudinem funditus, aut sedare, aut detrahere quam plurimum, aut suppressere, nec pati manare longius: aut ad aliam traducere. Sunt, qui vnum officiũ cõsolantis putet, malum illud omnino nõ esse, ut Cleanthi placet. sunt, qui non magnum malum, ut Peripatetici. sunt, qui abducunt à malis ad bona, ut Epicurus. sunt, qui satis putant ostẽdere, nihil inopinati accidisse, nihil mali. Chrysippus autem caput esse censet in consolando, detrahere illam opinionem mœrenti, se se officio fungi putet iusto, atque debito. sunt etiam, qui hæc omnia genera consolandi colligunt: alius enim alio modo mouetur: ut ferè nos omnia in consolationem vnã coniecimus; erat enim in tumore animus, & omnis in eo tentabatur curatio. sed sumendum tempus est non minus in animorum morbis, quàm in corporum, ut Prometheus ille Aeschyli: cui cum dictum esset,

Atqui Prometheu te hoc tenere existimo,

Mederi posse rationem iracundiæ;

respondet,

Si quidem qui tempestiuam medicinam admonens,

Non ad grauescens vulnus illidat manus.

erit igitur in consolationibus prima medicina, docere aut nullum malum esse, aut admodum paruum: altera & de communi conditione vitæ, & proprie, si quid sit de ipsius, qui mœreat, disputandum: tertia, summam esse stultitiam frustra confici mœrore cum intelligas nihil posse profici: nam Cleantes quidem sapientem cōsolatur: qui consolatione non eget. nihil enim esse malum, quod turpe non sit, si lugenti persuaseris, non tū illi luctum, sed stultitiam detraxeris. alienum autem tempus docendi. & tamen non satis mihi videtur vidisse hoc Cleanthes, suscipi aliquādo ægritudinem posse ex eo ipso, quod esse summum malum Cleanthes ipse fatetur. quid enim dicemus? cum Socrates Alcibiadi persuasisset, ut accipimus, eum nihil hominis esse, nec quidquam inter Alcibiadem summo loco natum, & quemuis baiulum interesse; cum se Alcibiades affligeret, lacrymansq; Socrati supplex esset, ut sibi virtutem traderet, turpitudinemque depelleret, quid dicemus Cleanthe? num in illare, quæ ægritudine Alcibiadem afficiebat, mali nihil fuisse? quid illa Lyconis, qualia sunt? qui ægritudinem extenuans, parvis ait eā rebus moveri, fortunæ, & corporis incommodis, non animi malis. quid ergo? illud, quod Alcibiades dolebat, nō ex animi malis vitijsque constabat? Ad Epicuri consolationem satis est ante dictum. Ne illa quidem consolatio firmissima est; quamquam & vsitata est, & sæpe prodest: Non tibi hoc soli. prodest hæc quidem, ut dixi, sed nec semper, nec omnibus: sunt enim, qui respuant: sed refert, quo modo adhibeatur. ut enim tulerint quisque eorum, qui sapienter tulerunt, nō quo quisque

quisque incommodo affectus sit, prædicandum est. Chry-
sippi ratio ad veritatem firmissima est, ad tempus ægri-
tudinis difficilis. magnum opus est probare mærenti,
illum suo iudicio, & quod se ita putet oportere facere,
mærerere. nimirum igitur, ut in causis non semper uti-
mur eodem statu, (sic enim appellamus controuersia-
rum genera) sed ad tempus, ad controuersia naturam,
ad personam accommodamus: sic in ægritudine lenien-
da, quamnam quisque curationem recipere possit, vi-
dendum est. sed nescio quo pacto ab eo, quod erat à te
propositum, aberrauit oratio. tu enim de sapiëte que-
sieras: cui aut malum videri nullum potest, quod va-
cet turpitudine; aut ita paruum malum ut id obrua-
tur sapientia, vixque appareat; qui nihil opinione affin-
gat, assumatque ad ægritudinem; nec id putet esse re-
ctum, se quam maxime excruciaci, luctuque confici;
quo prauius nihil esse possit. edocuit tamen ratio, ut
mihi quidem videtur, cum hoc ipsum proprie non que-
reretur hoc tempore, ne quidem vllum esse malum, nisi
quod idẽ dici turpe posset; tamen ut videremus, quid-
quid in ægritudine mali, id non naturale esse, sed vo-
luntario iudicio, & opinionis errore contractum. tra-
ctatum est autem à nobis id genus ægritudinis, quod
vnum est omnium maximum, ut eo sublato reliquorum
remedia nec magnopere quærenda arbitraremur. sunt
enim certa, quæ de paupertate, certa, quæ de vita inho-
norata, & ingloria dici soleant. separatim autem cer-
tæ scholæ sunt de exilio, de interitu patriæ, de seruitu-
te, de debilitate, de cecitate, & de omni casu: in quo
nomen poni solet calamitatis. hæc Græci in singulas
scholas,

*scholas, & in singulos libros dissipantur: opus enim
 querunt, quanquam planè disputationis sunt, dele-
 ctationis. & tamen ut medici toto corpore curando,
 minima etiam parti, si condoluit, medentur: sic philo-
 sophia, cum vniuersam ægritudinem sustulit, tamen si
 quis error aliunde extitit, si paupertas momordit, si
 ignominia pupugnit, si quid tenebrarum offudit exi-
 lium, aut eorum, quæ modo dixi, si quid extitit: etsi
 singularum rerum sunt propriæ consolationes. de qui-
 bus audies tu quidem cum voles. sed ad eundem fon-
 tem reuertendum est, ægritudinem omnem procul abes-
 se à sapiente, quòd inanis sit, quòd frustra suscipiatur,
 quòd non natura exoritur, sed iudicio, sed opinione,
 sed quadam inuitatione, ad dolendum, cum id decreui-
 rimus ita fieri oportere. hoc detractò, quod totum est
 voluntarium, ægritudo erit sublata illa mœrens, mor-
 sus tamen, & contractiuncula quadam animi relin-
 quentur. hanc dicant sanè naturalem, dum ægritudi-
 nis nomen absit, graue, tetrum, funestum, quod cum
 sapientia esse, atque, ut ita dicam, habitare nullo mo-
 do possit. atqui stirpes sunt ægritudinis, quàm multæ,
 quàm amaræ, quæ ipso trunco euerso, omnes elidendæ
 sunt, & si necesse erit, singulis disputationibus: su-
 perest enim nobis hoc eiusmodi est ocium. sed ratio una
 omnium est ægritudinum, plura nomina: nam & in-
 uidere ægritudinis est, & emulari, & obrectare, &
 misereri, angere, lugere, mœrere, erumna affici, lamenta-
 ri, sollicitari, dolere, in molestia esse, afflictiari, dispe-
 rare. hæc omnia diffiniunt Stoici: eaque verba, quæ
 dixi, singularum rerum sunt, non, ut videntur, eas-
 dem*

dem res significant, sed aliquid differunt: quod alio loco fortasse tractabimus. hæ sunt illæ fibræ stirpium quas initio dixi persequendæ, & omnes elidendæ, ne vlla unquam possit existere. magnum opus, & difficile. quis negat? quid autem præclarum, non idem arduum? sed tamen id se effecturam philosophia profitetur: nos modo curationem eius recipiamus. Verum quidem hæc hætenus. cætera, quotiescunque voletis, & hoc loco, & alijs parata vobis erunt.




M. IT VIL LIII
CICERONIS
TVSCVLANARVM
QVÆSTIONVM

AD MARCV M BRVTVM.

Liber Quartus.

De reliquis animi perturbationibus.

 *V*M multis losis noſtrorum hominum ingenia, virtutesque Brute ſoleo mirari, tum maxime ijs in ſtudijs, quę ſero admodum expetita, in hanc ciuitatē ē Gręcia tranſtulerunt. nam cum à primo vrbis ortu, regijs inſtitutis, partim etiam legibus auſpicia, ceremonię, comitia, prouocationes, patrum conſilium, equitum, pedumque deſcriptio, tota res militaris diuinitus effect conſtituta, tum progreſſio admirabilis, incredibilisque curſus ad omnem excellentiam factus eſt, dominatis regio Rep. liberata. nec vero hic locus eſt, vt de moribus inſtitutisque maiorum, & diſciplina, ac temperatione ciuitatis loquamur. alijs hæc locis ſatis accurate à nobis dicta ſunt, maximeque in ijs ſex libris, quos de Rep. conſcripſimus. hoc autem loco conſideranti mihi ſtudia doctrine, multa ſanè occurrunt, cur ea quoque accerſita aliunde, neque ſolum expetita, ſed etiam conſeruata, & culta videantur. erat enim illis penè in cōſpectu

specū prestanti sapientia, & nobilitate Pythagoras, qui fuit in Italia temporibus ijsdem, quibus L. Brutus patriam liberauit præclarus auctor nobilitatis tuæ. Pythagoræ autem doctrina cum longe, lateque flueret, permanuisse mihi videtur in hanc ciuitatem: idque cum coniectura probabile est, tum quibusdam etiā vestigijs indicatur: quis est enim qui putet, cum flo- reret in Italia Græcia potentissimis, & maximis vrbi- bus ea, quæ magna dicta est, in hisq; primum ipsius Pythagoræ, deinde postea Pythagoreorum tantum nomē esset; nostrorum hominum ad eorum doctissimas vo- ces aures clausas fuisse? quin etiam arbitror, propter Pythagoreorum admirationem. Numam quoque Re- gem Pythagoreum à posterioribus existimatum. nam cum Pytharæ disciplinam, & instituta cognoscerēt, Regisque eius æquitatem, & sapientiam à maioribus suis accepissent; ætates autem & tempora ignorarent propter vetustatem; eum, qui sapientia excelleret, Pythagoræ auditorem fuisse crediderunt. & de con- iecturæ quidem hætenus vestigia autem Pythagoreo- rum quanquam multa colligi possunt, paucis tamē ute- mur, quoniā non id agitur hoc tempore. nam cum car- minibus soliti illi esse dicātur, & præcepta quedam oc- cultius tradere, & mentes suas à cogitationum intē- tione cantu, fidibusq; ad tranquillitatē traducere; gra- uissimus auctor in Originibus dixit Catō; morem apud maiores hunc epularum fuisse, ut deinceps, qui accuba- rent, canerēt ad tibiam clarorum virorum laudes, at- que virtutes. ex quo perspicuum est, & cantus tum fuisse rescriptos vocum sonis, & carmina. quanquā id quidem

quidem etiam XII. tabulæ declarant, condi iam tum
 solitum esse carmen: quod ne liceret fieri ad alterius
 iniuriam, leges sanxerunt. nec vero illud non erudito-
 rum temporum argumentum est, quòd & deorum pul-
 uinaribus, & epulis magistratuum fides precinunt:
 quòd proprium eius fuit, de qua loquor, disciplinæ. mi-
 hi quidem etiam Appij Cæci carmen, quod valde Pa-
 ngetius laudat epistola quadam, quæ est ad Q. Tubero-
 nem Pythagoreorum videtur, multa sunt etiam in no-
 stris institutis ducta ab illis, quæ prætereo, ne ea, quæ
 peperisse ipsi putamur, aliunde didicisse videamur. sed
 ut ad propositum redeat oratio: quàm breui tempore
 quot & quanti poetæ, qui autem oratores extiterunt?
 facile ut appareat nostros omnia consequi potuisse, si-
 mul ut velle cœpissent. sed de cæteris studijs alio loco
 & dicemus, si usus fuerit, & sæpe diximus. sapientiæ
 studium vetus id quidem in nostris: sed tamen, ante
 Lelij ætatem, & Scipionis, non reperio quos appellare
 possim nominatim. quibus adolescentibus Stoicū Dio-
 genem, & Academicum Carneadem video ad Senatū
 ab Atheniēsis missos esse legatos. qui cum Reipub.
 nullam vnquam partem attigissent, essentque eorum
 alter Cyrenæus, alter Babylonius; nunquam profecto
 scholis essent excitati, neq; ad illud munus electi, nisi
 in quibusdam principibus temporibus illis fuissent stu-
 dia doctrinæ. qui cum cætera literis mandarent, alijs
 ius civile, alijs orationes suas, alijs monumenta maiorum;
 hanc amplissimam omnium artium bene viuendi disci-
 plinam vita magis, quàm literis persecuti sunt. itaque
 illius veræ, elegantisque philosophiæ, quæ ducta à So-
 crate

crate in Peripateticis adhuc permansit, & idem alio modo dicentibus Stoicis, cum Academici eorum controuersias disceptarent, nulla ferè sunt, aut pauca admodum latina monumenta, sine propter magnitudinè rerum, occupationemque omnium, siue etiam, quòd imperitis ea probari posse non arbitrantur: cum interim illis silentibus C. Amasanius extitit dicens. cuius libris editis, commota multitudo contulit se ad eandem potissimum disciplinam, siue quòd erat cognitu perfacilis, siue quòd inuitabatur illecebris blandis voluptatibus, siue etiam, quia nihil prolatum erat melius, illud, quod erat, tenebant. post Amasanium autem multi eiusdem emulrationis multa cum scripsissent, Italiam totam occupauerunt: quodque maximum argumentum est, non dici illa subtiliter, quòd & facile ediscantur, & ab indoctis probentur; id illi firmamentum esse disciplinæ putant. sed defendat quidem quod quisque sentit; sunt enim iudicia libera. nos institutum tenebimus: nullisque unius disciplinæ legibus astricti, quibus in philosophia necessario pareamus, quid sit in quaque re maxime probabile, semper requiremus. quòd cum sæpe aliàs, cum nuper in Tusculano studiose egimus. itaque expositis tridui disputationibus, quartus dies hoc libro concluditur: vt. n. in inferiorem ambulatione descendimus, quòd idem feceramus superioribus diebus, sic acta res est. M. Dicat, si quis vult, de qua re disputare velit. A. Nō mihi videtur omni animi perturbatione posse sapiens vacare. M. Aegritudine quidem hesternā disputatione videbatur: nisi forte temporis causa assentiebare. A. Minime vero: nam mihi egre-

egregie probata est oratio tua. *M.* Non igitur existimas cadere in sapientem ægritudinem? *A.* Prorsus non arbitror. *M.* Atqui, si ista perturbare animum sapientis non potest, nulla poterit. quid enim? metus ne conturbet? at earum rerum est absentium metus, quarum præsentium est ægritudo. sublata igitur ægritudine, sublatus est metus. restant duæ perturbationes, lætitia gestiens, & libido; quæ si non cadent in sapientem, semper mens erit tranquilla sapientis. *A.* Sic prorsus intelligo. *M.* Vtrum igitur mauis? statim ne nos vela facere, an quasi è portu egredientes paululum remigare? *A.* Quidnam est istuc? non enim intelligo. *M.* Quia Chrysippus & Stoici, cum de animi perturbationibus disputant, magnam partem in his patiendis, & definiendis occupati sunt: illa eorum perexigua oratio est, qua medeantur animis, nec eos turbulentos esse patiantur. Peripatetici autem ad placandos animos multa afferunt; spinas partiendi, & diffiniendi præmittunt. quærebam igitur, vtrum panderem vela orationis statim, an eam ante paululum dialecticorum remis propellerem. *A.* Isto modo vero; erit enim hoc totum, quod quæro, ex utroque perfectius. *M.* Est id quidè rectius: sed post requires, si quid fuerit obscurius. *A.* Faciam equidem. tu tamen, ut soles, dices ista ipsa obscura planius, quam dicuntur a Græcis. *M.* Enitar quidem: sed intento opus est animo, ne omnia dilabatur, si unum aliquod effugerit. Quoniam, quæ Græci πᾶσι vocant, nobis perturbationes appellari magis placet, quàm morbos in his explicandis veterem illam equidem Pythagoræ primum, deinde Platonis descriptionē sequar:

sequar: qui animum in duas partes diuidunt: alteram rationis participem faciunt, alteram expertem. in partice rationis ponunt tranquillitatem, id est placidā, quietamq; constantiam: in illa altera motus turbidus tum irę, tum cupiditatis, contrarios, inimicosq; rationi. sit igitur hic fons. utamur tamen in his perturbationibus describendis Stoicorum diffinitionibus, et partitionibus: qui mihi videntur in hac questione versari acutissime. Est igitur Zenonis hac diffinitio, ut perturbatio sit, quod πάθος ille dicit, auersa a recta ratione contra naturam animi commotio. quidam breuius, perturbationem esse appetitum vehementiorem dicunt: sed vehemētiorem eum volunt esse, qui longius discesserit a nature constantia. partes aut perturbationum volunt ex duobus opinatis bonis nasci, & ex duob. opinatis malis: ita esse quatuor. ex bonis libidinem, & letitiam; ut sit letitia presentium bonorum, libido futurorum; ex malis metum & ægritudinem nasci censent, metū futuris, ægritudinem presentibus: quę. n. venientia metuuntur, eadem efficiunt ægritudinem instantia; letitia autem, & libido in bonorum opinione versantur: cum libido ad id, quod videtur bonum illecta, & inflammata rapiatur, letitia, ut adepta iam aliquid concupitum, efferatur, & gestiat: natura. n. omnes ea, quę bona videntur, sequuntur, fugiuntq; contraria. quāobrem simul obiecta species cuiuspiam est, quod bonum videatur; ad id adipiscendum impellit ipsa natura. id cum constanter prudenterq; sit, eiusmodi appetitionem Stoici βούλησιν appellant, nos appellamus voluntatem. eam illi putant in solo esse sapiente: quam sic

I diffiniunt.

diffiniunt. voluntas est, quæ quid cum ratione desiderat: quæ autem aduersa ratione incitata est vehementius, ea libido est, vel cupiditas effrenata, quæ in oïbus stultis inuenitur. itemq; , cum ita mouemur, vt in bono simus aliquo, dupliciter id contingit. nam cum ratione animus mouetur placide, atq; constanter, tum illud gaudium dicitur; cum autem & inaniter, & effuse animus exultat, tum illa lætitia gestiēs, vel nimia dici potest: quā ita diffiniunt, sine ratione animi elationē. quo modoq; bona natura appetimus, sic a malis natura declinamus: quæ declinatio si cū ratione fiet, cautio appelletur, eaq; intelligatur in solo esse sapiente: quæ autem sine ratione, & cum exanimatione humili, atq; fracta, nominetur metus. est igitur metus rationi aduersa cautio. præsens autem mali sapientis affectio nulla est. stulti autem ægritudo est ea, qua afficiuntur in malis opinatis, animosq; demittunt, & contrahunt rationi nō obtemperātes. itaq; hæc prima definitio est, vt ægritudo sit animi aduersante ratione cōtractio. sic quatuor perturbationes sunt, tres constantiæ; quoniam ægritudini nulla cōstantia opponitur, sed omnes perturbationes iudicio censent fieri, et opinione. itaq; eas diffiniunt pressius, vt intelligatur non modo quam uitiosæ, sed et quam in nostra sint potestate. est igitur ægritudo, opinio recēs mali præsens, in quo demitti cōtrahi-que animo rectum esse videatur. Lætitia opinio recens boni præsens, in quo efferrī rectum esse videatur. Metus opinio impēdētis mali, quod intollerabile esse uideatur. Libido opinio venturi boni, quod, sit ex usu, iam presens esse, atq; adesse. sed quæ iudicia, quasq; opinio-
nes

nes perturbationum esse dixi, non in eis perturbationes solum positas esse dicunt, verum illa etiam, quæ efficiuntur perturbationibus, ut ægritudo quasi morsum aliquem doloris efficiat, metus recessum quandam animi, & fugam, lætitia profusam hilaritatem, libido, effrenatam appetentiam. opinionem aut, quam in omnes diffinitiones superiores inclusimus, volunt esse imbecillam assensionem. sed in singulis perturbationibus partes eiusdem generis plures subiiciuntur. ut ægritudini inuidia (utendum est enim docendi causa verbo minus usitato, quoniam inuidia non in eo, qui invidet, solum dicitur; sed etiam in eo, cui invidetur) æmulatio, obtrectatio, misericordia, angor, luctus, mæror, erumna, dolor, lamentatio, sollicitudo, molestia, afflictatio, desperatio, et si qua sunt de genere eodem. sub metum aut subiecta sunt pigritia, pudor, terror, timor, paor, exanimatio, conturbatio, formido. Voluptati malevolentia, lætans malo alieno, delectatio, iactatio, & similia. Libidini, ira, excandescencia, odium, inimicitia, discordia, indigentia, desiderium, & cetera eiusmodi. hæc autem diffiniunt hoc modo, Inuidentiam esse dicunt ægritudinem susceptam propter alterius res secundas, quæ nihil noceant inuidenti. nam si quis doleat eius rebus secundis, a quo ipse lædatur, non recte dicitur invidere: ut si Hecatori Agamemnon. qui autem, cui alterius commoda nihil noceant, tamen eum doleat his frui, is invidet profecto. Æmulatio autem dupliciter illa quidem dicitur, ut & in laude, & in vitio nomen hoc sit. nam & imitatio virtutis æmulatio dicitur; sed ea nihil hoc loco utimur; est enim laudis; & est æmulatio

agritudo, si eo, quod concupierit, alius potiatur, ipse ca-
reat. Obtreſtatio autem est ea, quam intelligi zeloty-
pnam volo: agritudo, ex eo, quod alter quoque potia-
tur eo, quod ille ipse concupierit. Misericordia est egritudo
ex miseria alterius iniuria laborantis: nemo enim
parricide aut proditoris supplicio misericordia commo-
uetur. Angor est agritudo premens. Luctus agritudo
ex eius, qui charus fuerit, interitu acerbo. Mæror æ-
gritudo flebilis. Erumna agritudo laboriosa. Dolor
agritudo crucians. Lamentatio agritudo cum eiulatu.
Solicitude agritudo cum cogitatione. Molestia agri-
tudo permanens. Afflictatio agritudo cum vexatione
corporis. Desperatio agritudo sine ulla rerum expecta-
tione meliorum. Quæ autem subiecta sunt sub metu,
ea sic diffiniunt; Pigritiam metum consequentis labo-
ris: Terrorem metum concutientem; ex quo fit, ut pu-
dorem rubor, terrorem pallor, & tremor, & dentium
crepitus consequatur: Timorem metum mali appropin-
quantis; Pauorem metum mentem loco mouentem.
ex quo illud Ennii,

Tum paor sapientiam mihi omnem ex animo ex-
pectorat: Exanimationem metum subsequentem, &
quasi comitem pauoris; Conturbationem metum ex-
cucientem cogitata: Formidinem metum permanen-
tem. Voluptatis autem partes hoc modo describunt. Ut
Maleuolentia si voluptas ex malo alterius sine emolu-
mento suo. Delectatio voluptas suauitate auditus ani-
mum deliniens: & qualis est hæc aurium, tales sunt
oculorum, & tactionum, & orationum, & sapo-
rum; quæ sunt omnes vnius generis, ad perfundendum

animum tanquam illiquefactę voluptates. Iactatio est voluptas gestiens, & se efferens insolentius. Quę autē libidini subiecta sunt, ea sic definiunt, ut Ira sit libido puniendi eius, qui videatur lesisse iniuria. Excaudentia autem sit ira nascens, & modo existens: quę τῷ μωτίς Græce dicitur: Odium ira inueterata; Inimicitia ira ulciscendi tempus observans; Discordia ira acerbior, intimo odio, & corde concepta: Indigentia libido inexplibilis. Desiderium libido eius, qui nondum adsit, videndi. distinguunt illud etiam, ut sit libido earum rerum, quę dicuntur de quodam, aut quibusdam, quę κατ' ὁρίματα dialectici appellant: ut habere diuitias, capere honores. Indigentia libido rerum ipsarum est, ut honorum, ut pecunię. omnium autem perturbationum fontem esse dicunt intemperantiam: quę est a tota mente, & a recta ratione defectio, sic auersa a præscriptione rationis, ut nullo modo appetitionis animi nec regi, nec contineri queant. quemadmodum igitur temperantia sedat appetitiones, & efficit, ut hæc rectæ rationi pareant conseruatque considerata iudicia mentis: sic huic inimica intemperantia omnem animi statum inflamat, conturbat, incitat. itaque & ægritudines, & metus, & reliquę perturbationes omnes gignuntur ex ea. quemadmodum cum sanguis corruptus est, aut pituita redundat, aut bilis, in corpore morbi ægrotationesq; nascuntur: sic prauarum opinionum conturbatio, & ipsarum inter se repugnantia sanitate animum spoliatur, morbisq; perturbat. ex perturbationibus aut primum morbi conficiuntur, quę nocant illi κατ' ὁρίματα; eaque, quę sunt eis morbis

contraria, quæ habent ad res certas vitiosam offensio-
nem, atque fastidium; deinde agrotationes, quæ appel-
lantur à Stoici ἀρρώστια; hisque item oppositæ cō-
trariæ offensiones. hoc loco nimium operæ consumitur à
Stoicis, maxime à Crysippo, dum morbis corporum cō-
paratur morborum animi similitudo. qua oratione mi-
nime necessaria prætermiſſa, ea quæ rem cōtinēt, per-
tractemus. Intelligatur igitur, perturbationem, iactā-
tibus se opinionibus inconstanter & turbide, in motu
esse semper. cum autem hic feruor, cōcitatioque animi
inueterauerit, & tanquam in venis, medullisque in-
federit; tum existit & morbus, & agrotatio, & offen-
siones eę, quæ sunt eis morbis, agrotationibusque con-
trariæ. hæc, quę dico, cogitatione quidem inter se dif-
ferunt, re vero copulata sunt, eaque oriuntur ex libi-
dine, & lætitia. nā cum est concupita pecunia, nec adhi-
bita continuo ratio, quasi quędam Socratica medicina,
quę sanaret eam cupiditatem; permanat in venas, &
inheret in visceribus illud malum, existitque morbus;
& agrotatio: quę auelli inueterata non possunt: eię;
morbo nomen est auaritia. similiterque ceteri morbi;
vt glorię cupiditas, vt mulierofitas, vt ita appellem
eam, quę Gręci φιλογυνεΐα dicitur, ceteriq; similiter
morbi, egrotationesque nascuntur. quę autem hi sunt
contraria, ea nasci putantur à metu, vt odium mulie-
rū, quale in μισογυνεΐα est, vt in hominū vniuersum
genus, quod accepimus de Timone, qui μισάνθρωπος
appellatur, vt inhospitalitas est, quæ omnes egrota-
tiones animi ex quodam metu nascuntur earum rerum,
quas fugiunt, & oderunt. definiunt autē animi egro-
tationem

tationem, opinionem vehementem de re non expetenda, tanquam valde expetenda sit, inherenter, & penitus insitam. quod autem nascitur ex offensione, ita definiunt, opinionem vehementem de re non fugienda, inherenter, & penitus insitam, tanquam fugienda. hæc autem opinatio est, indicare se scire, quod nesciat. Agrotationi autem talia quedam subiecta sunt, auaritia, ambitio, mulierositas, peruicacia, liguritis, vinolentia, cupiditas, & si qua sunt similia. est autem auaritia opinatio vehemens de pecunia, quasi valde expetenda sit, inherens & penitus insita. similisque est eiusdem generis diffinitio reliquarum. Offensionum autem diffinitiones sunt eiusmodi, ut inhospitalitas sit opinio vehemens valde fugiendum esse hospitem, eaque inherens & penitus insita. similiter definitur & mulierum odium, ut Hippolyti, & ut Timonis generis humani. Atque ut ad valetudinis, similitudinem veniam, eaque collatione utamur aliquando, sed parcius quam solent Stoici: ut sunt alij ad alios morbos procliuiores: itaque dicimus grauedinosos quosdam, quosdam terminos, non quia semper sint, sed quia sepe sint alij ad metum, alij ad aliam perturbationem. ex quo in alijs anxietas, unde anxij, in alijs iracundia dicitur: quæ ab ira differt: estque aliud iracundum esse, aliud iratum, ut differt anxietas ab angore; neque enim omnes anxij, qui anguntur aliquando; neque anxij, semper anguntur: ut inter ebrietatem, & ebriositatem interest: aliudque est esse amatorem, aliud amantem. atque hæc aliorum ad alios morbos procliuitas late patet: nam pertinent ad omnes perturbationes, in mul-

ris etiam vitij apparet: sed nomen res non habet. ergo
 inuidi, & maleuoli, liuidi, & timidi, & misericordes,
 quia proclines ad eas perturbationes, non quia semper
 feruntur. hæc igitur procliuitas ad suum quoque ge-
 nus à similitudine corporis ægrotatio dicitur, dum ea
 intelligatur ad egrotandum procliuitas. sed hæc in bo-
 nis rebus, quòd alij ad alia bona sunt aptiores, facili-
 tas nominetur: in malis procliuitas, ut significet la-
 psionem; in neutris habet superius nomen. quo modo
 autem in corpore morbus, ægrotatio, & vitium, sic in
 animo. Morbum appellant totius corporis corruptio-
 nem: Aegrotationem morbum cum imbecillitate: Vi-
 tium, cum partes corporis inter se dissident. ex quo
 prauitas membrorum, distortio, deformitas. itaq; illa
 duo morbus, & ægrotatio, ex totius valetudinis cor-
 poris conquassatione, & perturbatione gignuntur, vi-
 tium autem integra valetudine ipsum ex se cernitur.
 sed in animo tantum modo cogitatione possumus mor-
 bum ab ægrotatione seiungere. vitiositas autem est ha-
 bitus, aut affectio in tota vita inconstans, & à se ipsa
 dissentiens. ita fit, ut in altera corruptione opinionum
 morbus efficiatur, & ægrotatio, in altera inconstantia,
 & repugnantia: non enim omne vitium partes habet
 dissentiens, ut eorum, qui nō longe à sapientia absunt:
 affectio est illa quidem discrepans à se ipsa, dum est in-
 sapiens, sed non distorta, nec praua. morbi autē & ægro-
 tationes partes sunt vitiositatis: sed perturbationes
 sint, ne eiusdem partes, quæstio est: vitia enim affe-
 ctiones sunt manentes, perturbationes autem mouen-
 tes, ut non possint affectionum manentium partes esse,
 atque

atque ut in malis attingit animi naturā corporis similitudo, sic & in bonis : sunt enim in corpore præcipua, pulchritudo, vires, valetudo, firmitas, velocitas : sunt item in animo. corporis temperatio, cum ea congruunt inter se, è quibus constamus ; sanitas sic animi dicitur, cum eius iudicia, opinionesque concordant. eaque est animi virtus : quam alij ipsam temperatiam dicunt esse, alij obtemperantem temperantiæ præceptis, & eam subsequentem, nec habentem ullam speciem suam, sed, siue hoc, siue illud sit, in solo esse sapiente. est autē quædam animi sanitas, quæ in insipientem etiam cadat, cū curatione medicorum perturbatio mētis aufertur. & ut corporis est quædam apta figura membrorum, cum coloris quadam suauitate, eaque dicitur pulchritudo : sic in animo opinionū, iudiciorumque ; æquabilitas, & constantia, cum firmitate quadam, & stabilitate virtutem subsequens, aut virtutis vim ipsam continens, pulchritudo vocatur. itemque viribus corporis, & nervis, & efficacitati similes, similibus quoque verbis, animi vires nominantur. velocitas autem corporis, celeritas appellatur ; quæ eadem ingenij etiam laus habetur, propter animi multarum rerum brevi tēpore percursionem. illud animorum, corporumque dissimile est, quòd animi valentes morbo tentari non possunt, corpora possunt : sed corporum offensiones sine culpa accidere possunt, animorum non item. quorum omnes morbi, & perturbationes ex aspernatione rationis eueniunt : itaque in hominibus solum existunt : nam bestię simile quiddam faciunt, sed in perturbationes non insidunt. inter acutos autem, & hebetes interest, quòd

inge-

ingeniosi, vt es Corinthium in eruginem, sic illi in morbum & incidunt tardius, & recreantur ocius, hebetes non item. nec vero in omnem morbum, ac perturbationem animus ingeniosi cadit: non enim multa efferata, & immania: quædam autem humanitatis quæque habent primam speciem, vt misericordia, egritudo, metus: agrotationes autem, & morbi animorum difficilius euelli posse putantur, quàm summa illa vitia, quæ virtutibus sunt contraria: morbis enim manentibus, vitia sublata esse non possunt, quia non tam celeriter sanantur, quam illa tolluntur. habes ea, quæ de perturbationibus enucleate disputant Stoici; quæ Logica appellant, quia differuntur subtilius. è quibus, quoniam tanquam è scrupulosis cotibus enauigabit oratio, reliquæ disputationis cursum teneamus: modo satis illa dilucidæ dixerimus pro rerum obscuritate. A. Prorsus satis: sed si qua diligentius erunt cognoscenda, quæremus aliàs nunc vela, quæ modo dicebas, expectamus, & cursum. M. Quando & alijs locis de virtute diximus, & sepe dicendum erit (pleræquæ enim quæstiones, quæ ad vitam, moresquæ pertinent, à virtutis fonte ducuntur) quando igitur virtus est affectio animi, constans, conueniensque, laudabiles efficiens eos, in quibus est, & ipsa per se sua sponte, separata etiam utilitate, laudabilis: ex ea proficiuntur honestæ voluntates, sententiæ, actiones, omnisque recta ratio: quamquam ipsa virtus breuissime recta ratio dici potest. huius igitur virtutis contraria est vitiositas: sic enim malo, quàm malitiam appellare eam, quàm Græci κακία appellat: nam malitia certi cuiusdam

iussdam vitij nomen est, vitiositas omnium ex qua cogitantur perturbationes; quæ sunt, vt paulo ante diximus turbidi animorum, concitatiq̃ue motus, auersi à ratione, & inimicissimi mentis, vitæq̃ue tranquille: important enim egritudines anxias, atq; acerbæ, animosq̃ue affligunt, & debilitant metu. ijdem inflammant appetitione nimia: quam tum cupiditatem, tum libidinem dicimus, impotentiam quandam animi a temperantia, & moderatione plurimum dissidentem. quæ si quando adepta est id, quod ei fuerit concupitum: tunc fert alacritatem, vt nihil esse constet, quod agat, vt ille, qui voluptatem animi nimiam summum esse errorem arbitratur. eorum igitur malorum in vna virtute posita sanatio est. quid autem est non miseriùs solum, sed fœdiùs etiam, & deformius, quàm egritudine quis afflictus, debilitatusq̃ue iacens? cui miseriæ proximus est, is, qui appropinquas aliquod malum metuit, exanimatusq̃ue pendet animi. quàm vim significantes mali, poetæ impendere apud inferos saxum Tantalofaciunt, ob scelera, animiq̃ue impotentiam, & superbiloquentiam. ea communis pœna stultitiæ est: omnibus enim quorum mens abhorret à ratione, semper aliquis alijs dolor, alijs terror impendet. atque vt hæc tabificæ mentis perturbationes sunt; egritudinem dico, & metum: sic hilariores illæ, cupiditas auide semper aliquid expetens, & inanis alacritas, id est lætitiæ gestiens non multum differunt ab eementia. ex quo intelligitur, qualis ille sit, quem tum moderatum, aliàs modestum, & temperantem, aliàs constantem continentemq̃ue dicimus. nonnunquam hæc eadem vocabu-

la ad frugilitatis nomen, tanquam ad caput referre volumus. quod nisi eo nomine virtutes continerentur, nunquam illud ita peruulgatum esset, ut iam proverbiū locum obtineret, hominem frugi omnia recte facere. quod idem cum Stoici de sapiente dicunt, nimis admirabiliter, nimisque magnifice dicere videtur. ergo is, quisquis est, qui moderatione, & constantia quietus animo est, sibi que ipse placatus, ut neque tabescat molestiis, neque frangatur timore, nec sitienter quid appetens ardeat desiderio, nec alacritate futile gestiens deliquescat; is est sapiens, quem querimus; is est beatus, cui nihil humanarum rerum aut intolerabile ad demittendum animum, aut nimis latabile ad efferendum videri potest. quid enim videatur ei magnum in rebus humanis, cui aternitas omnis, totiusque mundi nota sit magnitudo? nam quid aut in studiis humanis, aut in tam exigua vitæ breuitate magnum sapienti videri potest, qui semper animo sic excubat, ut ei nihil improuisum accidere possit, nihil inopinatum, nihil omnino nouum? atque idem ita ac rema in omnes partes aciem intendit, ut semper videat sedem sibi, ac locum sine molestia, atque angore viuendi, ut quemcunque casum fortuna inuexerit, hunc apte & quiete ferat. quod qui facit, non egritudine solum vacabit, sed etiam perturbationibus reliquis omnibus: his autem vacuus animus perfecte atque absolute beatos efficit: idemque concitatus, & abstractus ab integra, certa que ratione, non constantiam solū amisit, verum etiam sanitatem. quo circa mollis & enervata putanda est Peripateticorum ratio, & oratio, qui per-

perturbari animos necesse esse dicunt, sed adhibent modum quendam, quem ultra progredi non oporteat. modum tu adhibes vitio? an vitium nullum est, non parere rationi? an ratio parum præcipit, nec bonum illud esse, quod aut cupias ardentius, aut adeptus te efferas insolenter? nec porro malum, quo aut oppressus iaceas, aut, ne opprimere mente vix constes? eaque omnia aut nimis tristitia, aut nimis læta errore fieri? qui si error stultis extenuetur die, ut cum res eadem maneat, aliter ferat inueterata, aliter recentia, sapientem ne attingat quidē omnino. etenim quis erit tandem modus iste? quæramus enim modum ægritudinis, in qua operæ plurimum ponitur. ægre tulisse. P. Rutilium fratris repulsam Consulatus, scriptum apud Fannium est: sed tamen transisse modum videtur, quippe qui ob eam causam à vita recesserit. moderatius igitur ferre debuit. quid, si, cum id ferret modice mors liberorum accessisset? nata esset ægritudo nova, sed ea modica magna tamen facta esset accessio. quid si deinde dolores graues corporis, si bonorū amissio, si cæcitas, si auxilium, si pro singulis malis ægritudines accederent? summa ea fieret, quæ non sustineretur, qui modum igitur vitio querit. similiter facit, ut si posse putet eum, qui se è Leucade præcipitauerit sustinere se, cum velit: ut enim id non potest, sic animus perturbatus, et incitatus nec cohibere se potest, nec quo loco vult insisterē omnino: quæque crescentia perniciofa sunt, eadem sunt vitiosa nascentia. ægritudo autem cæteræque perturbationes amplificatæ certe pestiferæ sunt: igitur etiam susceptæ continuo in magna pestis

pestis parte versantur: etenim ipse se impellant, ubi semel a ratione discessum est; ipsaq; sibi imbecillitas indulget, in altumque prouehitur imprudens, nec reperit locum consistendi. quamobrem nihil interest utrū moderatas perturbationes approbent, an moderatam iniustitiam, moderatam ignauiam, moderatam intemperantiam. qui enim vitij modum apponit, is partem suscipit vitiorum. quod cum ipsum per se odiosum est, tum eo molestius, quia sunt in lubrico, incitataque semel in procliue labuntur, sustinerique nullo modo possunt. Quid, quod ijdem Peripatetici perturbationes istas, quas nos extirpandas putamus, non modo naturales esse dicunt, sed etiā utiliter a natura datas? quorum est talis oratio. Primum multis verbis iracundiam laudant: eotem fortitudinis esse dicunt, multoque, & in hostem, & in improbum ciuem vehementiores iratorum impetus esse: leues autem ratiunculas eorum, qui ita cogitarent: pręlium rectum est hoc fieri; conuenit dimicare pro legibus, pro libertate, pro patria. Hęc nullam habent vim, nisi ira excanduit fortitudo. nec vero de bellatoribus solum disputant. impetoria seueriora nulla esse putant sine aliqua acerbitate iracundię. oratorem denique non modo accusantem, sed ne defendentem quidem probant sine aculeis iracundię. quę etiam si non adsit, tamen verbis atque motu simulandam arbitrantur, ut auditoris iram oratoris incendat actio. virum denique uideri negant, qui irasci nesciat. eamque, quam lenitatem nos dicimus, vitioso lentitudinis nomine appellant. nec vero solum hanc libidinem laudant (est enim ira, ut modo diffini-

ui, vlciscendi libido) sed illud ipsum genus, vel libidinis, vel cupiditatis ad summam utilitatem esse dicunt a natura datum: nihil enim quemquam, nisi quod libeat, præclare facere posse. noctu ambulabat in publico Themistocles, quòd somnum capere non posset; querentibusque respondebat: Milciadis trophæis se è somno suscitari. cui non sunt auditæ Demosthenis vigiliæ? qui dolere se aiebat, si quando opificum antelucana viētus esset industria. Philosophiæ denique ipsius principes nunquam in suis studijs tantos progressus sine flagranti cupiditate facere potuissent. vltimas terras lustrasse Pythagoram, Democritum, Platonem accepimus; vbi enim quid esset quod disci posset, eo veniendum iudicauerunt. num potamus hæc fieri sine summo cupiditatis ardore potuisse? ipsam egritudinem, quam nos vt terram, & immanem beluam fugiendam esse diximus, non sine magna utilitate à natura dicunt constitutā, vt homines castigationibus, reprehensionibus, ignominijs affici se in delicto dolerent: impunitas enim peccatorum data videtur eis, qui & ignominiam, & infamiam ferunt sine dolore. morderi est melius conscientia. ex quo est illud è vita ductum ab Afranio. nam cum dissolutus filius, heu me miserum, dixisset; tum seuerus pater,

Dummodo doleat aliquid, doleat quod lubet. Reliquas quoque partes egritudinis vtilis esse dicunt, misericordiam ad opem ferendam, & calamitates hominum indignorum subleuandas: ipsum illud emulari, obtrectare non esse inutile; cum aut se non idem videat consecutum, quod alium; aut aliud idem, quod se: me-

tum vero si quis sustulisset omnem vite diligentiam sublatam fore, quæ summa esset in eis, qui leges, qui magistratus, qui paupertatem, qui ignominiam, qui mortem, qui dolorem timerent. hæc tamen ita disputant, ut ressecanda esse fateantur, euelli penitus dicant nec posse, nec opus esse: ut in omnibus ferè rebus mediocritatem esse optimam existiment. quæ cum exponunt? nihil ne tibi videntur, an aliquid dicere. A. Mihi vero dicere aliquid: itaque expecto, quid ad ista. M. Repetiam fortasse: sed illud ante. vides ne, quanta fuerit apud Academicos verecundia? planè enim dicunt quod ad rem pertineat. Peripateticis respondetur a Stoicis. digladietur illi, per me licet; cui nihil est necesse, nisi ubi sit illud, quod verisimillimū videatur, inquirere. quid est igitur, quod occurrat in hac questione, è qua possit attingi aliquid verisimile, quo longius mens humana progredi non potest? definitio perturbationis; quarete Zenonem vsūm puto. ita enim definit, ut perturbatio sit aduersaratione cōtra naturam animi commotio: vel breuius, ut perturbatio sit appetitus vehemētiore: vehementior autem intelligatur is, qui procul absit a naturæ constantia. quid ad has definitiones possim dicere? atqui hæc pleraque sunt prudenter, acuteq; disserentium. illa quidem ex rhetorum pompa, ardores animorum, cotesque virtutum. an vero vir fortis, nisi stomachari cœperit, non potest fortis esse? gladiatorum id quidem. quanquam in eis ipsis videmus sæpe constantiam. colloquuntur, congregiuntur, queruntur. aliquid postulant, ut magis placati, quàm irari esse videantur. sed in illo genere sit sanè Pacideia-

nas aliquis hoc animo, ut narrat Lucilius.
Occidā illum equidem, et vincā, si id quēritis, inquit.
Verum illud credo fore, in os prius accipiam ipse,
Quam gladiū in Stomacho, sura, ac pulmonibus sisto.
Odi hōminem: iratus pugno: nec longius quidquam
Vobis, quam dextræ gladium dum accōmodet alter:
Usque adeo studio, atque odio illius, efferor ira.
at sine hac gladiatoria iracundia videmus progrēdiē-
tem, apud Homerum Aiacem multa cum hilaritate,
cum depugnaturus esset cum Hectore. cuius, ut arma
sumpsit, ingressio latitiam attulit socijs, terrorem au-
tem hostibus: ut ipsum Hectorem quemadmodum est
apud Homerum, toto pectore tremētem prouocasse ad
pugnam pēniteret. atq; hi collocuti inter se, priusquā
manum consererent, leniter & quiete, nihil ne in ipsa
quidem pugna iracūde, rabioseve fecerunt. ego ne Tor-
quatum quidem illum, qui hoc cognomen inuenit, ira-
tum existimo Gallo torquem detraxisse; nec Marcel-
lum apud Clastidiū ideo fortem fuisse, quia fuerit ira-
tus. de Africano quidem, quia notior est nobis propter
recentem memoriam, vel iurare possum, non illum ira-
cundia tum inflammatum fuisse, cum in acie M. Alie-
num Pelignum scuto protexit, gladiumq; hosti in pe-
ctus infixit. de L. Bruto fortasse dubitarim, an propter
infinitum odium tyranni effrenatius in Aruntem in-
uaserit: video enim utrunque comminus ictu cecidisse
contrario. quid igitur huc adhibetis iram? an for-
titude, nisi insanire cæperit, impetus suos non habet?
quid? Herculem, quem in cælum ista ipsa, quam vos
iracundiam esse vultis, sustulit fortitudo, iratum ne

cēses conflixisse cum Erymanthio apro; aut Leone Nemeo? an ēt Theseus Marathoni j tauri cornua comprehendit iratus? vide, ne fortitudo minime sit rabiosa, sitque iracundia tota leuitatis: neque enim est illa fortitudo, quæ rationis experta est. contemnendæ sunt humana res: negligenda mors est: patibiles & dolores, & labores putandi. cū hæc cōstituta sint iudicio, atque sententia, tum est robusta illa, & stabilis fortitudo. nisi forte, quæ vehementer, acriter, animose fiunt, iracū de fieri suspicamur. mihi verone Scipio quidem illo Pontifex maximus, qui hoc Stoicorum verum esse declarauit, nunquam iratum esse sapientem; iratus videtur fuisse T. Graccho, tum, cum Consulem languentē reliquit, atque ipse priuatus, ut si cōsul esset, qui Remp. saluam esse vellet, se sequi iussit. nescio, ecquid ipsi nos fortiter in rep. fecerimus. si quid fecimus, certe irati non fecimus. an est quidquam similius insanie, quàm ira? quàm bene Ennius initiū dixit insanie. color, vox, oculi, spiritus, impotentia dictorum, atque factorum quam partem habent sanitatis? quid Achille Homericæ sædius? quid Agamemnone in iurgio? nam Aiacem quidem ira ad furorem, mortemque perduxit. non igitur desiderat fortitudo aduocatam iracundiam. satis est instructa, armata parata per sese. nam isto modo quidem licet dicere vtilem vinolentiam ad fortitudinem, vtilem etiam dementiam, quod & insani, & ebrij multa faciunt sæpe vehementius,

Semper Aiax fortis, fortissimus tamen in furore:
 Nā facinus fecit maximū, cū, Danaïs inclinantibus,
 Sūmā rē p̄fecit manus, p̄gliū, cū restituit insaniens.

Dica-

Dicamus igitur utilem insaniam. tracta definitionem fortitudinis: intelliges eam stomacho non egere. fortitudo est igitur animi affectio legi summe in perpetendis rebus, obtemperans; vel conservatio stabilis iudicii in eis rebus, quæ formidolose videntur, subeundis, & repellendis; vel scientia rerum formidolosarum, contrariumque perferendarum, aut omnino negligendarum, conservans earum rerum stabile iudicium. vel brevius, ut Chrysippus. nam superiores definitiones erant Sphæri, hominis in primis bene definiētis, ut putant Stoici: sunt. n. omnino omnes ferè similes: sed declarant communeis notiones alia magis alia. quo modo igitur Chrysippus? fortitudo est, inquit, scientia perferendarum rerum, vel affectio animi in patiendo, ac perferendo, summa legi parens sine timore. quamvis licet insectemur istos, ut Carneades solebat: metuo, ne soli philosophi sint. quæ. n. istarum definitionum non aperit notionem nostram, quam habemus omnes de fortitudine, testamur atque involutam? qua aperta, quis est, qui aut bellatori, aut imperatori, aut oratori querat aliquid, neque eos existimet sine rabie quidquam fortiter facere posse? quid? Stoici, qui omnes insipientes insanos esse dicunt, nonne ista colligunt? remoue perturbationes, maximeque iracundiam: iam videbuntur monstra dicere. nunc autem ita disserunt, sic se dicere, omnes stultos insanire, ut male olere omne cænum. at non semper. commoue: senties. sic iracundus non semper iratus est. lacesse: iam videbis furem. quid? ista bellatrix iracundia, cum domum redijt, qualis est cum uxore? cum liberis? cum familia? an tum quoque est utilis? est igitur aliquid,

quod conturbata mens melius possit facere, quàm constans? an quisquam potest sine perturbatione mentis irasci? bene igitur nostri, cum omnia essent in morbis vitia, quod nullum erat iracundia fœdus, iracundos solos morbosos nominauerunt. oratorẽ vero irasci minime decet, simulare non dedecet. an tibi irasci tum videmur, cum quid in causis acrius, & vehementius dicimus? quid? cum iam rebus transactis, & prateritis orationes scribimus, num irati scribimus?

Ecquis hoc animaduertit? Vincite, num aut egisse vnquam iratũ Aesopum, aut scripsisse existimamus iratum Accium? aguntur ista præclare, & ab eo oratore, quidem melius, si modo est orator, quam ab ullo istrione: sed aguntur leniter, & mente tranquilla. Libidinem vero laudare, cuius est libidinis Themistoclem, & Demosthenem mihi profertis: additis Pythagoram, Democritum, Platonem. quid? vos studia libidinem vocatis? quæ vel optimarum rerũ, ut ea sunt, quæ profertis, sedata tamen, & tranquilla esse debent. iam egritudinem laudare, vnã rem maxime detestabilem, quorum est tandem philosophorũ? Quàm commode dixit Afranius.

Dum modo doleat aliquid, doleat quod lubet: dixit enim de adolescente perduto ac dissoluto: nos autem de constanti viro, ac sapienti quærimus. & quidẽ illam ipsam iram centurio habeat, aut signifer, vel ceteri de quibus dici non necesse est, ne rhetorum aperiamus mysteria: utile est. n. uti motu animi, qui uti ratione non potest; nos autem, ut testificor sepe, de sapiente quærimus. At etiam æmulari utile est, obtrahere,

Etare, misereri. cur misereare potius, quã feras opẽ, si
 id facere possis? an sine misericordia liberales esse non
 possumus? non enim suscipere ipsi ægritudines propter
 alios debemus, sed alios, si possumus, leuare ægritudi-
 ne. Obtrectare vero alteri, aut illa vitiosa emulatione,
 quæ riuilitati similis est, emulari, quid habet utili-
 tatis, cum sit emulantis angi alieno bono, quod ipse nõ
 habeat; obtrectantis autem alieno bono, quod id etiam
 alius habeat? quis id approbare possit, ægritudinem
 suscipere pro experientia, si quid habere velis? nam
 solum habere velle, summa dementia est. Mediocri-
 tates autem malorum quis laudare recte possit? quis
 enim potest, in quo libido, cupiditas ve sit, non libidi-
 nosus & cupidus esse? in quo ira, non iracundus? in
 quo angor, non anxius? in quo timor, non timidus? li-
 bidinosum igitur, & cupidum, & iracundum, & an-
 xium, & timidum censemus esse sapientem? de cuius
 excellentia multa quidem dici quamuis fuisse, lateque
 possint, sed breuissime illo modo, sapientiam esse rerum
 diuinarum, & humanarum scientiam, cognitionemq; ;
 quæ causa cuiusque rei sit. ex quo efficitur, vt diuina
 imitetur, humana omnia inferiora virtute ducat. in
 hunc tu igitur, tanquam in mare, quod est vëtis subie-
 ctum, perturbationem cadere tibi dixisti videri? quid
 est, quod tantam grauitatem, constantiamq; pertur-
 bet? an improuisum aliquid, atq; repentinum quid po-
 test accidere tale ei, cui nihil subitum est, quod homini
 euenire possit? Nam quod aiunt nimia refecari oport-
 ere, naturalia relinqui; quid tandem potest esse natu-
 rale, quod idem nimium esse possit? sunt enim omnia

ista ex errorum orta radicibus. quæ euellenda, & extrahenda penitus, non circuncidenda, nec amputanda sunt. Sed quoniam suspicor te non tam de sapiente, quàm de te ipso quærere (illum. n. putas omni perturbatione esse liberum, te vis) videamus, quanta sint, quæ à philosophia remedia morbis animorum adhibeantur: est. n. quædam medicina certe: nec tam fuit hominum generi, infensa, atque inimica natura, ut corporibus tot res salutare, animis nullam inuenerit. de quibus est hoc etiam merita melius, quòd corporum adiumenta adhibentur extrinsecus, animorum salus inclusa in his ipsis est. sed quo maior est in eis præstantia, & diuiniore, eo maiore indigent diligentia. itaque bene adhibita ratio cernit, quid optimum sit; neglecta, multis implicatur erroribus. ad te igitur mihi iam cōuertēda omnis oratio est: simulas enim quærere te de sapiente; quæris autem fortasse de te. Earum igitur perturbationū, quas exposui, variæ sunt curationes, nam neq; omnis ægritudo una ratione sedatur: alia est enim lugenti, alia miseranti, alia inuidenti adhibenda medicina: est enim in omnibus quatuor pturbationibus illa distinctio, utrū ad vniuersam perturbationem, quæ est aspernatio rationis, aut appetitus vehementior, an ad singulas, ut ad metum, libidinem, reliquasque melius adhibeatur oratio, & utrum illud non videatur ægre ferendum, ex quo suscepta sit ægritudo, an omnium rerum tollenda omnino ægritudo: ut si quis ægre ferat, se pauperem esse, id ne disputes, paupertatem malum nō esse, an hominem ægre ferre nihil oportere. nimirum hoc melius: ne si forte de paupertate non persuasferis, sit ægritudo.

ni con-

ni concedendum : ægritudine autem sublata proprijs rationibus, quibus heri vñ sumus, quodammodo etiam paupertatis malum tollitur. sed omnis eiusmodi perturbatio, animi placatione abluatur, illa quidem cum doceas, nec bonum illud esse ex quo lætitia, aut libido oriatur; nec malum, ex quo aut metus, aut ægritudo. verumtamen hæc est certa, & propria sanatio, si doceas, ipsas perturbationes per se esse vitiosas nec habere quidquam, aut naturale, aut necessarium: ut ipsam ægritudinem leniri videmus, cum obijcimus morientibus imbecillitatem animi effæminati, cumq; eorum gravitatem, constantiamque laudamus, qui non turbulente humana patiantur. quod quidem solet eis etiam accidere, qui illa mala esse censent, ferenda tamen æquo animo arbitrantur. putat aliquis voluptatem esse bonum, alius autem pecuniam; tamen & ille ab intemperantia, & hic ab auaritia auocari potest. illa autem altera ratio, & oratio, quæ simul & opinionem falsam tollit, & ægritudinem detrahit, est ea quidem vtilior, sed raro proficit, neque est ad vulgus adhibenda. quædam autem sunt ægritudines, quas lenare illa medicina nullo modo possit, ut si quis ægre ferat, nihil in se esse virtutis, nihil animi, nihil officij, nihil honestatis, propter mala is quidem angatur, sed alia quædam ad eum sit admouenda curatio, & talis quidem, quæ possit esse omnium, etiam de cæteris rebus discrepantium philosophorum: inter omnes enim conuenire oportet, commotiones animorum à recta ratione auersas esse vitiosas, ut etiam, si nec mala sint illa, quæ metum, ægritudinemve, nec bona, quæ cu-

piditatem, lætitiāve moueant, tamen sit vitiosa ipsa commotio: constantem enim volumus quendam, sedatum grauem, humana omnia præmentem illum esse, quem magnanimum, & fortem virum dicimus: talis autem nec merens, nec timens, nec cupiens, nec gestiēs esse quisquam potest: eorum enim hæc sunt, qui euentus humanos superiores, quàm suos animos esse ducūt. quare omnium philosophorum, vt ante dixi, vna ratio est medendi, vt nihil, quale sit illud quod perturbet animum, sed de ipsa sit perturbatione dicendum. itaq; primum in ipsa cupiditate, cum id solum agitur, vt ea tollatur, non est quærendum, bonum illud nec ne sit, quod libidinem moueat: sed libido ipsa tollenda est: vt siue, quod honestum est, id sit summum bonum, siue voluptas, siue horum vtrunq; coniunctum, siue illa tria genera bonorum, tamen, etiam si virtutis ipsius vehementior appetitus sit, eadem sit omnibus ad deterrendum adhibenda ratio. continet autem sedationem animi humana in conspectu posita natura; quæ quo facilius expressa cernatur, explicanda est oratione communis conditio, lexq; vitæ. itaq; non sine causa cum Orestem fabulam doceret Euripides primos tres versus reuocasse dicitur Socrates:

Neque tam terribilis vlla fando oratio est,

Neque sors, neque ita cælitum inuectum malum

Quod non natura humana patiēdo ferat.

est autem utilis ad persuadendum ea, quæ acciderunt, ferri & posse, & oportere, enumeratio eorum, qui tulerunt. etsi agritudinis sedatio & hesternæ disputatione explicata est, & in consolationis libro, quem in medio

dio (non enim sapientes eramus) mœrore, & dolore cō-
scripsimus: quodq; vetat Chrysippus ad recentes qua-
si tumores animi remedium adhibere, id nos fecimus,
naturæque vim attulimus, ut magnitudini medicinæ
doloris magnitudo concederet. Sed ægritudi ni, de qua
satis est disputatum, finitimus est metus: de quo pau-
ca dicenda sunt. Est enim metus, ut ægritudo præsen-
tis, sic ille futuri mali. itaque nō nulli ægritudinis par-
tem quandam metum esse dicebant. alij autem metum
premoestiā appellabant, quod est quasi dux conse-
quentis molestiæ. quibus igitur rationibus instantia se-
runtur, eisdem contemnuntur sequentia. nam viden-
dum est in vtrisque, ne quid humile, summissum, mol-
le, effœminatum, fractum, obiectumque faciamus. sed
quamquam de ipsius metus incōstantia, imbecillitate,
leuitate dicendum est, tamen multum prodest ea, quæ
metuuntur, ipsa contemnere. itaque siue casu accidit,
siue cōsilio, percommode factum est, quod eis de rebus,
quæ maxime metuuntur, de morte, & de dolore, pri-
mo, & proximo die disputatū est: quæ si probata sunt,
metu magna ex parte liberati sumus. Ac de malorum
opinione hætenus: videamus nunc de bonorum, id est
de letitia, & de cupiditate. Mihi quidem in tota ra-
tione ea, quæ pertinet ad animi perturbationem, vna
res videtur causam continere, omneis eas esse in no-
stra potestate, omneis iudicio susceptas, omneis volun-
tarias. hic igitur error est eripiendus, hæc detrahen-
da opinio: atque ut in malis opinatis tolerabiliora, sic
in bonis sedatiora sunt efficienda ea, quæ magna, & le-
tabilia dicuntur, atq; hoc quidem cōmune malorum, &
bono-

bonorum: ut si iam difficile sit persuadere, nihil earum rerum, quæ perturbent animum, aut in malis, aut in bonis esse habendum, tamen alia ad alium motum curatio sit adhibenda, aliaq; ratione maleuolus, alia amator, alia rursus anxius, alia timidus corrigendus. atq; erat facile, sequentem eam rationem, quæ maxime probatur de bonis, & malis, negare unquam lætitia affici posse insipientem, quòd nihil unquam haberet boni. sed loquimur nunc more communi. sint sanè ista bona, quæ putantur, honores, diuitiæ, voluptates, ceteraq; tamè in eis ipsis potiundis exultans, gestiensq; lætitia turpis est: ut si ridere concessum sit, vituperetur tamè cachinnatio: eodem enim vitio est effusio animi in lætitia, quo in dolore contractio; eadèque leuitate cupiditas est in appetendo; qua lætitia in fruendo: & ut nimis afflictæ molestia, sic nimis elati lætitia iure iudicantur leues. & cum inuidere, ægritudinis sit: malis autem alienis voluptatem capere, lætitiæ, vtrumque immanitate, & feritate quadam proponenda castigari solet. atque ut confidere decet, timere non decet: sic gaudere decet, latari non decet, quoniam docendi causam gaudio lætitiæ distinguimus. illud iam supra diximus, fieri contractionem animi recte nunquam posse, elationem posse: aliter enim Næuianus ille gaudet Hæctor,

Lætus sum

Laudari me abs te pater laudato viro;
aliter ille apud Trabeam Chærea,

Lana delinita argento nutum obseruabit meum,
Quid veli, qd studeā. adueniēs digito impellā ianuā;
Fores

*Fores patebūt. de improviso Chrysis ubi me aspexerit,
Alacris obuiā mihi veniet complexum exoptans meū,
Mihi se debet:*

quā hęc pulchra putet, ipse iam dicet.

Fortunam ipsam anteibo fortunis meis.

*hęc letitia quam turpis sit, satis est diligenter atten-
dentem penitus videre. & vt turpes sunt, qui efferunt
se letitia tum; cum fruuntur venereis voluptatibus:
sic flagitiosi, qui eas inflammato animo concupiscunt.
totus vero iste, qui vulgo appellatur amor, (nec her-
cule inuenio. quo nomine alio possit appellari) tantę
leuitatis est, vt nihil videam, quod putem conferendū.
quem Cęcilius,*

- Deum qui non summum putet,

Aut stultum; aut rerum esse imperitum existimet;

Cui manu sit, quem esse dementem velit,

Quem sapere, quem sanari, quem in morbum inijci,

Quem contra amari, quem accersiri, quem expeti.

*o præclaram emendatricem vitę poeticam, quę amorē
flagitij; & leuitatis auctorem, in concilio deorum col-
locandum putet, de comœdia loquor; quę, si hęc flagitia
non probaremus, nulla esset omnino. quid autem ex tra-
gœdia princeps ille Argonautarum?*

*Tu me amoris magis quā honoris seruauisti gratia.
quid ergo? hic amor Medęe quanta miseriarum in-
cendia excitauit? atque ea tamen apud alium poetam
patri dicere audet, se coniugem habuisse.*

*Illū, amor quē dederat, qui plus pollet, potiorq; est
patre. sed poetas ludere sinamus, quorū fabulis in hoc
flagitio versari ipsum videmus Iouē. ad magistros vir-*

tutis,

tutis, philosophos veniamus; qui amorem negāt sū-
pri esse, & in eolitant cum Epicuro, non multum,
ut opinio mea fert, mentiente: quis est enim amor
iste amicitiae? cur neque deformem adolescentem
quisquam amat, neque formosum senem? mihi qui-
dem hæc in Græcorum gymnasijs nata consuetudo vi-
detur: in quibus isti liberi, & concessi sunt amores. be-
ne igitur Ennius,

Flagitij principium est nudare inter ciues corpora,
qui ut sint, sicut fieri posse video, pudici, solliciti tamen
& anxij sunt, eoque magis, quod se ipsi continent, &
exercent. atq; ut muliebreis amores omittam, quibus
maiores licentiam natura concessit: quis aut de Gany-
medis raptu dubitat, quid poetæ velint; aut non intelli-
git, quid apud Euripidem & loquatur, & cupiat La-
ius? quid denique homines doctissimi, & summi poetæ
de se ipsis, & carminibus edant, & cantibus? fortis
vir in sua Republica cognitus, quæ de iuuenum amo-
re scripsit Alcæus? nam Anacreontis quidem tota
poesis est amatoria. maxime vero omnium flagrasse
amore Reginum Ibicum, apparet ex scriptis. atque
horum omnium libidinosos esse amores videmus. phi-
losophi sumus exorti, & auctore quidem nostro Pla-
tone, quem non iniuria Dicæarchus accusat; qui amoris
auctoritatem tribueremus. Stoici vero & sapientem
amaturum esse dicunt; & amorem ipsum, conatum
amicitiæ faciundæ ex pulchritudinis specie definiunt.
qui si quis est in rerum natura sine sollicitudine, sine
desiderio, sine cura, sine suspirio, sit sanè: vacat enim
omni libidine: hæc autem de libidine oratio est. *fin*
autem

autem est aliquis amor, ut est certe, qui nihil absit, aut non multum ab insania; qualis in Leucadia est;

Si quidem sit quisquam Deus, cui ego sum cure. ad id erat Deis omnibus curandum, quemadmodum hic frueretur voluptate.

Heu me infelicem.

nihil verius probe. & ille,

Sanus ne es, qui temere lamentare?

sic insanus suis et videtur. at quas Tragedias effecit?

Te Apollo sancte fer opem teque omnipotens Neptune inuoco,

Vosque adeo venti.

mundum totum se ad amorem suum subleuandum conuersurum putat: Venerem vnā excludit, ut iniquam.

Nam quid ego te appellem Venus?

eam pre libidine negat curare quidquam. quasi vero ipse non propter libidinem tanta flagitia, & faciat, & dicat. sic igitur affecto hec adhibenda curatio est, ut ei illud, quod cupiat, ostendatur quam leue, quam contempnendum, quam nihil sit omnino, quam facile, vel aliunde, vel alio modo perfici, vel omnino negligi possit. adducendus est etiam nonnunquam ad alia studia, sollicitudines, curas, negocia. loci denique mutatione, tanquam egroti non conualescentes, saepe curandus est, etiam nouo quodam amore veterem amorem tanquam clauo clauum eiciendum putant. maxime autem admonendus, quantus sit furor amoris: omnibus enim ex animi perturbationibus est profecto nulla vehementior, ut si iam ipsa illa accusare nolis, supra dico, &

corruptelas, & adulteria, incesta denique, quorum omnium accusabilis est turpitudine; sed ut hæc omittamus, perturbatio ipsa mentis in amore facta per se est, nam ut illa præteream, quæ sunt furoris: hæc ipsa per sese quam habent leuitatem, quæ videntur esse mediocria?

-iniuriæ,

Suspiciones, inimiciæ, induciæ,
Bellum, pax rursum. incerta hæc si tu postules.

Ratione certa facere, nihilo plus agas,

Quam si des operam ut cum ratione insanias,
hæc inconstantia, mutabilitasq; mentis quem non ipsa prauitate deterreat? est etiam illud, quod in omni perturbatione dicitur, demonstrandum, nullam esse nisi opinabilem, nisi iudicio susceptam, nisi voluntariam. etenim si naturalis amor esset, & amarent omnes, & amarentur, & semper amarent, & idem amarent, neque alium pudor, alium cogitatio, alium satietas deterreret. Ira vero quamquam diu perturbat animum, dubitationem insanix non habet; cuius impulsu existit etiam inter fratres tale iurgium:

Quis homo te exuperauit unquam gentium impudentia?

Quis autem malitia te?
nostri, quæ sequuntur, alternis enim versibus intorquentur inter fratres grauissimæ contumeliæ: ut facile appareat Atrei filios esse, eius, qui meditatur pœnam in fratrem nouam.

Maior mihi moles, maius miscendum malum,

Qui illius acerbum cur contundam, & comprimam.

quæ

quæ igitur hæ erunt moles ? audi Thyeſtem ipſum :
Impius hortatur me frater, vt meos malis miſer
Manderem natos .-

eorum viſcera apponit ; quid eſt enim, quò non progre-
diatur eodem ira, quò furor ? itaque iratos proprie di-
cimus exiſſe de poteſtate, ideſt de conſilio, de ratione,
de mente ; horum enim poteſtas in totum animum eſſe
debet. his autem ſunt ſubtrahendi, in quos impetum co-
nantur facere, dum ſe ipſi colligant (quid eſt autem ſe
ipſum colligere, niſi diſſipatas animi partes ruruſum in
ſuum locum cogere ?) aut rogandi, orandi que ſunt, vt,
ſi quam habent vlciſcendi vim, differant in tempus
aliud dum deferueſcat ira. deferueſcere autem certe
ſignificat ardorem animi inuita ratione excitatum. ex
quo illud laudatur Archità : qui cum villico factus
eſſet iratior, quo te modo, inqt, accepiffem, niſi iratus
eſſem ? vbi ſunt ergo iſti, qui iracundiam vtilem di-
cunt ? poteſt vtilis eſſe inſania ? at naturalis eſt. an
quidquam eſſe poteſt ſecundum naturam, quod ſiſ re-
pugnante ratione ? quomodo autem, ſi naturalis eſſet
ira ; aut alius alio magis iracundus eſſet, aut finẽ ha-
beret prius, quàm eſſet vltra vlciſcendi libido ; aut
quanquam pæniteret, quod feciſſet per iram ? vt Ale-
xandrum Regem videmus : qui, cum interemiſſet Cly-
tum familiarem ſuum, vix à ſe manus abſtinuit : tanta
vis fuit pænitendi. quibus cognitis, quis eſt qui dubi-
tet, quin hic quoque motus animi ſit totus opinabilis,
ac voluntarius ? quis enim dubitarit, quin egrotatio-
nes animi, qualis eſt auaritia, glorię cupiditas, ex eo,
quòd magni eſtmetur ea res, ex qua animus egrotat,
orian-

orientur? unde intelligi debet, perturbationem quoque omnem esse in opinione. & si fidentia, id est firma animi confisio, scientia quædam est, & opinio gravis, non temere assentiens; metus quoque est diffidentia expectati, & impendentis mali. et si spes est expectatio boni, mali expectationem esse necesse est metum. ut igitur metus, sic reliquæ perturbationes sunt in malo. ergo ut constantia scientiæ, sic perturbatio erroris est. qui autem natura dicuntur iracundi, aut misericordes, aut invidi, aut tale quid, ij sunt eiusmodi constituti quasi mala valetudine animi, sanabiles tamen: ut Socrates dicitur, cum multa in conuentu vitia collegisset in eum Zopyrus, qui se naturā, cuiusque ex forma perspicere profitebatur, derisus est a ceteris, qui illa in Socrate vitia non agnoscerent; ab ipso autem Socrate subleuatus est, cum illa sibi vitia inesse, sed ratione a se deiecta diceret. ergo ut optima quisque valetudine affectus, potest videri alius, ut natura, ad aliquem morbum procliuor: sic animus alius ad alia vitia propensior. qui autem non natura, sed culpa vitiosi esse dicuntur, eorum vitia constant ex falsis opinionibus rerum bonarum, ac malarum, ut fit alius ad alios motus, perturbationesque procliuor. inueteratio autem ut in corporibus egrius depellitur, sic in animis quoque perturbatio: citiusque; repentinus oculorum tumor sanatur, quam diuturna lippitudo depellitur. sed cognita iam causa perturbationum, quæ omnes oriuntur ex iudicijs opinionum, & voluntatibus, sit iam huius disputationis modus. scire autem nos oportet, cognitis, quoad possint ab homine cognosci, bonorum & malorum finibus,

bus, nihil à philosophia posse aut maius, aut utilius optari, quam hæc, quæ à nobis hoc quadriduo disputata sunt. morte enim contempta, & dolore ad patientiæ leuato, adiunximus sedationem ægritudinis: qua nullum homini maius malum est. etsi enim omnis animi perturbatio grauis est, nec multum differri ab amentia: tamen ita cæteros cum sint in aliqua perturbatione aut metus, aut lætitiæ, aut cupiditatis, commotos modo, & perturbatos dicere solemus; at eos, qui se ægritudini dediderunt, miseros, afflictos, erum-nosos, calamitosos. itaq; nō fortuito factū videtur, sed à te ratione propositū, vt separatim de ægritudine, & de cæteris perturbationibus disputaremus: in ea est. n. fons miseriarum, & caput. sed & ægritudinis, & reliquorum animi morborum vna sanatio est, omnes opinabiles esse, & voluntarios, eaque resuscipi, quod ita rectum esse videatur, hunc errorem, quasi radicem omnium malorum, stirpitus philosophia se extracturā pollicetur. demus ergo nos huic excolendos, patiamurque nos sanari: his enim malis insidentibus, non modo beati, sed ne sani quidem esse possumus. aut igitur negemus quidquam ratione confici, cum contrarium sine ratione recte fieri possit: aut, cum philosophia ex rationum collatione constet, ab ea, si & boni, & beati volumus esse, omnia adiumenta, & auxilia petamus bene, beateque viuendi.

CICERONIS

TVSCVLANARVM

QVÆSTIONVM

AD MARCV M BRVTVM.

Liber Quintus.

Virtutem ad beate viuendum se ipsa esse contentam.



QUINTVS hic dies, Brute, finem faciet Tusculanarum disputationum: quo die est à nobis ea de re, quam tu ex omnibus maxime probas disputatum: placere. n. tibi admodum sensi ex eo libro, quem ad me acuratis-
sime scripsisti, & ex multis sermonibus tuis, virtutē ad beate viuendum se ipsa esse contentam. quod etsi difficile est probatu, propter tam varia & tam multa tormenta fortuna: tale tamen est, vt elaborādum sit, quo facilius probetur: nihil ex enim omnium, quę in Philosophia tractantur, quod grauius, magnificētius-
quę dicatur. nam cum ea causa impulerit eos, qui primi se ad Philosophiæ studium contulerunt, vt, omnibus rebus posthabitis, totos se in optimo vitę statu exquirendo collocarent: profecto spe beate viuendi tantam in eo studio curam, operamq; posuerunt. quod si ab ijs inuenta, & perfecta virtus est, & si præsidij ad beate viuē-

uiuendum in virtute satis est: quis est, qui non præclare & ab illis positam, & à nobis susceptam operam philosophandi arbitretur? sin autem virtus subiecta sub varios, incertosque casus famula fortunæ est, nec tantarum virium est, vt se ipsa tueatur; vereor, ne nō tam virtutis fiducia nitendum nobis ad spem beate viuendi, quam vota facienda videantur, equidem eos casus, in quibus me fortuna vehementer exercuit, mecum ipse considerans, huic incipio sententiæ diffidere; interdum etiam humani generis imbecillitatem, frugalitatemque extimescere: vereor enim natura, cum corpora nobis infirma dedisset, ijsq; & morbos insanabiles, & dolores intolerabiles adiunxisset, animos quoq; dederit & corporum doloribus congruentes, & separatim suis angoribus, & molestijs implicatos. sed in hoc me ipse castigo, quod ex aliorum, & ex nostra fortasse mollitie; non ex ipsa virtute de virtutis robore existimo. illa enim si modo est vlla virtus, quā dubitationem auunculis tuus, Brute, sustulit; omnia, quæ cadere in hominem possunt, subter se habet; eaque despicieus casus contemnit humanos: culpaque omni carēs, præter se ipsam, nihil censet ad se pertinere. nos autem omnia aduersa tum venientia metu augentes, tum maiore præsentia, rerum naturam, quā errorem nostrū damnare malumus. sed & huius culpæ, & cæterorum vitiorum, peccatorumque nostrorum omnis à philosophia petenda correctio est. cuius in sinum cum à primis temporibus ætatis nostra voluntas, studiumque nos contulisset, his grauissimis casibus in eundem portum, ex quo eramus egressi, magna iactati tempestate

*confugimus . ò vitæ philosophiæ dux , ò virtutis inda-
 gatrix , expultrixque vitiorum , quid non modo nos ,
 sed omnino vita hominum sine te esse potuisset & tu vr-
 bes peperisti : tu dissipatos homines in societatem vitæ
 conuocasti : tu eos inter se primo domicilijs , deinde
 coniugijs , tum literarum , & vocum communione iun-
 xisti : tu inuentrix legum , tu magistra morum , & di-
 sciplinæ fuisse . ad te confugimus ; à te opem petimus :
 tibi nos , vt antea magna ex parte , sic nunc penitus ,
 totosque tradimus . est autem vnus dies bene , & ex
 præceptis tuis actus , peccanti immortalitati antepo-
 nendus . cuius igitur potius opibus vtamur , quàm tuis ?
 quæ & vitæ tranquillitatem largita nobis es , & ter-
 rorem mortis sustulisti . at philosophia quidem , tan-
 tum abest , vt perinde , ac de hominum est vita merita ,
 laudetur , vt à multis etiam vituperetur . vitupera-
 re quisquam vitæ parentem & hoc parricidio se inqui-
 nare audet ? & tam impie ingratus esse , vt eam accu-
 set , quam vereri deberet , etiàm si minus percipere po-
 tuisset . sed , vt opinor , hic error , & hæc indoctorum
 animis offusa caligo est , quod tam longe retro respice-
 re non possunt , nec eos , à quibus vita hominum instru-
 ita primo sit , fuisse philosophos arbitrantur . quam
 rem antiquissimam cum videamus , nomen tamen esse
 cōfitemur recens . nam sapientiam quidem ipsam quis
 negare potest nō modo re esse antiquam , verum etiam
 nōnne & quæ diuinarum humanarumque rerum , tum
 initiorum causarumque , tum cuiusque rei cognitione
 hoc pulcherrimum nomē apud antiquos assequabatur .
 itaque & illos septem , qui à Græcis σοφοί sapientes à
 nostris*

nostris & habebantur, & nominabantur, & multis ante seculis Lycurgū, cuius temporibus Homerus etiā fuisse, ante hanc urbem conditam traditur, etiam heroicis etatibus Vlyxem, & Nestorem accepimus & fuisse, & habitos esse sapientes. nec vero Atlas sustinere cælum, nec Prometheus affixus Caucasō, nec stellatus Cepheus cum uxore, genero, filia traderetur, nisi celestium diuina cognitio nomen eorum ad errorem fabulæ traduxisset. à quibus ducti deinceps omnes, qui in rerum contemplatione studia ponebāt, sapientes & habebantur, & nominabantur: idque eorum nomē usque ad Pythagoræ manauit etatem, quē, ut scribit auditor Platonis Ponticus Heraclides, vir doctus in primis, Phliuntem ferunt, venisse, eumque cum Leōte principe Phliasiorum doctē, & copiose disseruisse quādam: cuius ingenium, & eloquentiam cū admiratus esset Leon, quāsiuisse ex eo qua maxime arte consideret: at illum, artem quidem se scire nullam, sed esse philosophum: admiratum Leontem nouitatem nominis, quāsisse; quinam essent philosophi, & quid inter eos, & reliquos interesset: Pythagoram autem respondisse: similem sibi videri vitam hominum, & mercatum eum, qui haberetur maximo ludorum apparatu totius Græciæ celebritate: nam ut illic alij corporibus exercitatis gloriam, & nobilitatem coronę peterent, alij emendi, aut uēdendi quęstu, & lucro ducerentur, esset autem quoddā genus eorum, idē; uel maxime ingenuū, qui nec plausum, nec lucrum quærerēt, sed uisendi causa uenirent, studioseq; perspicērēt, quid ageretur, & quomodo; itē nos quasi in mercatus qua-

dam celebritate ex urbe aliqua, sic in hâc vitâ ex alia vita & natura profectos, alios gloriæ seruire, alios pecunie, raros esse quosdam, qui, cæteris omnibus pro nihilo habitis rerum naturam studiosè intuerentur: hos se appellare sapietia studiosos, idest enim philosophos: & ut illic liberalissimum esset spectare, nihil sibi acquirentem; sic in vita longe omnibus studijs contemplationem rerum, cognitionemque præstare. nec vero Pythagoras nominis solum inuentor, sed rerum etiam ipsarum amplificator fuit. qui cum post hunc Phliasium sermonem in Italiam venisset, exornauit eam Graciam, quæ magna dicta est, & priuatim, & publice præstantissimis & institutis, & artibus. cuius de disciplina aliud tempus fuerit fortasse dicendi. sed ab antiqua philosophia vsque ad Socratem, qui Archelaum Anaxagoræ discipulum audierat, numeri motusque tractabantur, & vnde omnia orirentur, quovē recederent: studiosèque ab his siderum magnitudines, interualla, cursus inquirebantur, & cuncta cælestia. Socrates autem primus philosophiam deuocauit è cælo, & in urbibus collocauit, & in domos etiam introduxit, & coegit de vita, & moribus, rebusque bonis, & malis querere. cuius multiplex ratio disputandi, rerumque varietas, & ingenij magnitudo, Platonis memoria, & literis consecrata, plura genera effecit dissentientium philosophorum. e quibus nos id potissimū consecrati sumus, quo Socratem usum arbitramur; ut nostram ipsi sententiam tegeremus, errore alios leuaremus, & in omni disputatione, quid esset simillimum veri, quæreremus. quem morem cum

Carneades acutissime, copiosissimeque tenuisset, fecimus & alias sæpe, & nuper in Tusculano, ut ad eam consuetudinem disputaremus. & quatrIdui quidem sermonem superioribus ad te præscriptum libris misimus: quinto autem die cum eodem in loco consedissemus, sic est propositum, de quo disputaremus. *A.* Non mihi videtur ad beate viuendum, satis posse virtutem. *M.* At hercule Bruto meo videtur: cuius ego iudiciũ, pace tua dixerim, longe antepono tuo. *A.* Non dubito. nec id nunc agitur, tu illum quantum ames: sed hoc quod mihi dixi videri, quale sit, de quo à te disputari volo. *M.* Nempe negas ad beate viuendum satis posse virtutem? *A.* Prorsus nego. *M.* Quid? ad recte, honeste, laudabiliter, postremo ad bene viuendum satis ne est præsidij in virtute? *A.* Certe satis. *M.* Potest igitur, aut qui male viuat, non eum miserum dicere; aut, quem bene fateare, cum negare beate viuere? *A.* Quidni possim? nam etiam in tormentis recte, honeste laudabiliter, & ob eam rem bene viui potest, dummodo intelligas quicquid nunc dicam bene; dico enim constanter, grauitèr, sapienter, fortiter. hæc etiam in equuleum coniiciuntur, quò vita non aspirat beata. *M.* Quid igitur? sola ne beata vita quæso relinquitur extra ostium, limenque carceris, cum constantia, grauitas, fortitudo, sapientia, reliquæque virtutes rapiantur ad tortorem, nullumque recusent nec supplicium, nec dolorem? *A.* Tu, si quid es factururus, noua aliqua conquiras oportet. ista me minime mouet, non solum quia peruiulgata sunt, sed multo magis, quia, tanquam leuia quadam vina, nihil valet in aqua, sic

Stoitorum ista magis gustata, quam potata delectant, velut iste chorus virtutum in equuleum impositus, imagines constituit ante oculos cum amplissima dignitate, ut ad eas cursim perrectura, nec eas beata vita à se disertas passura videatur: cum autem animum ab ista pictura, imaginibusque virtutum ad rem, veritatemque traduxeris, hoc nudum relinquitur, possit ne quis beatus esse quandiu torqueatur. quamobrem hoc nunc quæramus: virtutes autem noli verreri ne expostulent, & quærantur se à beata vita esse relictas. si enim nulla virtus prudentia vacat, prudentia ipsa hoc videt, non omnes bonos esse etiam beatos; multaque de M. Attilio, Q. Cæpione, M. Aquilio recordatur: beatamque vitam, si imaginibus potius uti, quam rebus ipsis placet, conantem ire in equuleum retinet ipsa prudentia, negatque eum dolore, & cruciatu quidquam esse commune. M. Facile patior te isto modo agere: etsi iniquum est præscribere mihi te, quemadmodum à me disputari uelis, sed quæro, utrum aliquid actum superioribus diebus, an nihil arbitremur? A. Actum uero, & aliquantulum quidem, M. Atqui, si ita est profligata, iam hæc, & penè ad exitum adducta quæstio est. A. Quo tandem modo? M. Quia motus turbulenti, iactationesque animorum incitatae, & impetu inconsiderato elatae, rationem omnem repellentes, uitæ beatæ nullam partem relinquunt: quis enim potest mortem, aut dolorem metuens, quorum alterum sæpe adest, alterum semper impendet, esse non miser? quid, si idem (quod plerumque fit) paupertatem ignominiam, in-

famiam

famiam timet, si debilitatem, cecitatem, si denique, quod non singulis hominibus, sed potentibus populis sepe contingit, seruitutem; potest ea timens esse quisquam beatus? quid, qui non modo ea futura timet, verum etiam fert, sustinetque presentia? adde eodem exilia, luctus, orbitates. qui rebus his fractus egritudine eliditur, potest tandem esse non miserrimus? quid vero illum, quem libidinibus inflammatum, & furem videmus omnia rabide appetentem cum in explebili cupiditate, quoque affluentius voluptates undique hauriat, eo gravius, ardentiusque sitientem, non ne recte miserrimum dixeris? quid? elatus ille leuitate, inanique letitia & exultans, & temere gestiens, non ne tanto miserior, quanto sibi videtur beatior? ergo ut hi miseri, sic contra illi beati, quos nulli metus terrent, nulle egritudines exedunt, nulle libidines incitant, nulle fuitiles letitię exultantes languidis liques faciunt voluptatibus. Vt maris igitur tranquillitas intelligitur, nulla ne minima quidem aura fluctus commouente: sic animi quietus, & placatus status cernitur, cum perturbatio nulla est, qua moueri queat. quod si est, qui vim fortune, qui omnia humana, quęcunque accidere possunt, tolerabilia ducat, ex quo nec timor eum, nec angor attingat, idemque, si nihil concupiscat, nulla afferatur animi inani voluptate: quid est, cur is non beatus sit? & si hec virtute efficiuntur, quod est, cur virtus ipsa per se non efficiat beatos? A. At qui alterum dici non potest, quin ij, qui nihil metuant, nihil angantur, nihil concupiscant, nulla impotenti letitia efferantur, beati sint: itaque id tibi concedo. al-

terum

terum autem iam integrum non est: superioribus enim
 disputationibus effectum est, vacare omni animi per-
 turbatione sapietem. *M.* Nimirum igitur confecta res
 est, videtur enim ad exitum venisse questio. *A.* Pro-
 pmodum id quidem. *M.* Veruntamen Mathematicorū
 iste mos est, non Philosophorum: nam geometre cum
 aliquid docere volunt; si quid ad eam rem pertinet eo-
 rum, quæ ante docuerunt, id sumunt pro concesso, &
 probato, illud modo explicant, de quo ante nihil scriptū
 est. Philosophi quamcunque rem habent in manibus, in
 eam, quæ conueniunt, congerunt omnia: & si alio loco
 disputata sunt. quod ni ita esset, cur Stoicus, si esset
 quæsitum satis ne ad beate viuendum virtus posset,
 multa diceret? cui satis esset respondere, se ante do-
 cuiſſe nihil bonum esse, nisi quod honestum esset: hoc
 probato, consequens esse, beatam vitam virtute esse
 contentam: et quo modo hoc sit consequens illi, sic illud
 huic: ut, si beata vita virtute contenta sit, nisi honestū
 quod sit, nihil aliud sit bonum, sed tamen non agunt sic.
 nam & de honesto, & de summo bono separatim libri
 sunt: & cum ex eo efficiatur, satis magnam in virtute
 ad beate viuendum esse vim; nihilo minus hoc agunt
 separatim; proprijs enim & suis argumentis & admo-
 nationibus tractanda quæq; res est, tanta præsertim;
 caue enim putes ullam in Philosophia vocem emissam
 clariorē ullumve ipse philosophiæ promissum vberius,
 aut maius. nam quid profitetur ò dij boni? perfecturam
 se, qui legibus suis paruisset, ut esset contra fortunam
 semper armatus, ut omnia præsidia haberet in se bene,
 beateq; viuendi, ut esset semper deniq; beatus. sed vi-
 dero,

dero, quid efficiat. tantisper hoc ipsum magni aestimo, quod pollicetur. nam Xerxes quidem refertur omnibus præmijs, donisq; fortunę, non equitatu, nō pedestribus copijs, non nauium multitudine, non infinito pondere auri contentus, præmium proposuit, qui inuenisset nouam voluptatem, qua ipse inuenta, non fuit contentus: neque enim vnquam finem inueniet libido, nos vellem præmio elicere possemus, qui nobis aliquid attulisset, quo hoc firmitus crederemus. *A.* Vellem id quidem; sed habeo paululum, quod requiram: ego. n. assentior, eorum, quę posuisti, alteri consequens esse, ut quemadmodum, si quod honestum sit, id solum sit bonum, sequatur beatam vitam virtutem confici; sic, si vita beata in virtute sit, nihil esse, nisi virtutem bonum. sed Brutus tuus auctore et Aristone, & Antiocho non sentit hoc: putat enim etiam si sit bonum aliquod præter virtutem. *M.* Quid igitur? contra Brutum ne me dicturum putas? *A.* Tu vero, ut videtur: nam præfinire non est meum. Quid cuique igitur consentaneum sit, alio loco. nam ista mihi & cum Antiocho sepe, & cum Aristone nuper, cum Athenis Imperator apud eum diuersarer, dissensio fuit: mihi. n. non videbatur quisquam esse beatus posse, cum in malis esset: in malis autem sapientem esse posse. si essent vlla corporis, aut fortunę mala, dicebant hæc, quę scripsi etiam Antiochus locis pluribus, virtutē ipsam per se beatam vitam efficere posse, neque tamen beatissimam: deinde ex maiore parte plerasque res nominari, etiam si qua pars abesset; ut vires, ut ualitudinem, ut diuitias, ut honorem, ut gloriam; quę genere, non numero cernerentur: item bea-

tam vitam, etiam si ex aliqua parte claudicaret, tamen
 ex multo maiore parte obtinere nomen suum. hæc nunc
 enucleare nō ita necesse est: quanquam non constantis-
 sime dici mihi videntur. nam & qui beatus est, non
 intelligo quid requirat, ut sit beator (si est enim quod
 desit, ne beatus quidem est) & quod ex maiori parte,
 vnamquāq; rē appellari, spectariq; dicunt, est ubi isto
 modo valeat: cum vero tria genera malorū esse dicant;
 qui duorum generum malis omnibus vrgeatur, ut om-
 nia aduersa sint in fortuna, omnibus oppressum corpus,
 & confectum doloribus, huic paululum ne ad beatam
 vitam deesse dicemus, non modo ad beatissimam? hoc
 illud est, quod Theophrastus sustinere non potuit. nam
 cum statuisset verbera, tormenta, cruciatus, patriæ
 euersiones, exilia, orbitates magnam vim habere ad
 male, misereq; viuendum; non est ausus elate, & am-
 ple loqui, cum humiliter, demisseq; sentiret, quā be-
 ne, non quaritur constanter quidem certe. itaque mihi
 placere non solet consequentia reprehendere, cum pri-
 ma concesseris. hic autem, elegantissimus omnium phi-
 losophorum, & eruditissimus non magnopere repre-
 benditur, cum tria genera dicit bonorum; vexatur au-
 tem ab omnibus, primum in eo libro, quem scripsit de
 vita beata, in quo multa disputat, quamobrem is, qui
 torqueatur, qui crucietur, beatus esse non possit. in eo
 etiam putatur dicere in rotam beatam vitam non ascē-
 dere, nusquam id quidem dicit omnino, sed, quæ dicit,
 idem valent. possum igitur, cui cōcesserim in malis esse
 dolores corporis, in malis fortune naufragia, huic suc-
 censere dicenti, non omnes bonos esse beatos, cum in
 omnes

omnes bonos ea, quæ ille in malis numerat, cadere possint? vexatur idem Theophrastus & libris, & scholis omnium philosophorum; quod in Callisthene suo laudat illam sententiam,

Vitam regit fortuna, non sapientia.

negant ab ullo philosopho quidquā dictum esse languidus. recte id quidē: sed nihil intēligo dici potuisse constantius, si enim tot sunt in corpore boni, tot extra corpus in casu, atq; fortuna; nonne consentaneum est; plus fortunam, quæ domina rerum sit et externarum, & ad corpus pertinetium, quā consilium valere? an malum Epicurum imitari? qui multa præclare sepe dicit: quā enim sibi constanter, conuenienterq; dicat, non laborat. laudat tenuem victum philosophi id quidem; sed si Socrates, aut Antisthenes diceret, non is, qui finem bonorum voluptatem esse dixerit. negat quemquam iucundē posse viuere, nisi idem honeste, sapienter, iusteq; uiuat. nihil grauius, nihil philosophia dignius, nisi idem hoc ipsum, honeste sapienter, iuste ad voluptatem referret. quid melius, quā fortunam exigam interuenire sapienti? sed hoc is ne dicit. qui, cū dolorem nō modo maximum malum, sed solum malum etiam dixerit, toto corpore opprimi possit doloribus acerrimis? tum cum maxime contra fortunam gloriatur? quod idem melioribus etiam verbis Metrodorus. Occupaui, inquit, te fortuna, atque cepi, omnesque aditus tuos interclusit, ut ad me aspirare non posses. præclare, si Aristoteli, aut si Stoichi Zeno diceret, qui, nisi quod turpe esset, nihil malum duceret. tu verò, Metrodore, qui omne bonum in visceribus,

ribus, medullisq; condideris, & desinieris, summum bonum firma corporis affectione, explorataque spe contineri; fortunæ aditus interclusisti? quo modo? isto. n. bono iam expoliari potes. atqui his capiuntur imperiti: & propter huiusmodi sententias istorum hominum est multitudo. acute disputantis illud est, non quid quisque dicat, sed quid cuique dicendum sit, videre. velut in ea ipsa sententia, quam in hac disputatione suscepimus, omneis bonos semper beatos volumus esse. quos dicam bonos perspicuum est: omnibus enim virtutibus instructos, & ornatos, tum sapientes, tum viros bonos dicimus. videamus, qui dicendi sint beati. equidem hos existimo, qui sunt in bonis, nullo adiuncto malo. nec vlla alia huic uerbo, cum beatum dicimus, subiecta notio est, nisi, secretis malis omnibus, cumulata bonorū complexio. hanc assequi virtus, si quidquam præter ipsam boni est, non potest: aderit enim malorum, si mala illa dicimus turba quedam, paupertas, ignobilitas, humilitas, solitudo, amissio suorum, graues dolores corporis, perdita valetudo, debilitas, cæcitas, interitus patriæ, exilium, seruitus. deniq; in his tot, & tantis, atq; etiam quæ plura possunt accidere, potest esse sapiens. nam hæc casus importat, qui in sapientem potest incurrere: at si ea mala sunt, quis potest præstare sapientem semper beatum fore, cum vel in omnibus his vno tempore esse possit? non igitur facile concedo neque Bruto meo, neque communibus magistris, neque veteribus illis, Aristotelis, Spensippo, Xenochrati, Polemoni, ut cum ea, quæ supra enumeravi, in malis numerent, idē dicant semper beatum esse sapiētem. quos si titulus hic

dele-

delectat insignis, et pulcher, Pythagora, Socrate, Platone dignissimus, inducat animum illa, quorum splendore capiuntur, vires, valetudinem, pulchritudinem, diuitias, honores, opes contemnere, eaque, quæ his contraria sint, pro nihilo ducere. tum poterunt clarissima voce profiteri, se neque fortunæ impetu, nec multitudinis opinione, nec dolore, neque paupertate terreri, omniaque sibi in sese esse posita, neque esse quidquam extra suam potestatem, quod dicant in bonis, neque hunc & hæc loqui, quæ sunt magni cuiusdam, & alti viri, & eadem, quæ vulgus, in malis, & bonis numerare, concedi ullo modo potest. qua gloria commotus Epicurus exoritur. cui etiam, si dijs placet, videtur semper sapiens beatus. hic dignitate huius sententiæ capitur: sed nunquam id diceret, si ipse se audiret; quid est enim quod minus conueniat, quàm ut is, qui vel summum vel solum malum dolorem esse dicat, idem censeat, quàm hoc suauis est, tum, cum dolore crucietur, dicturum esse sapientem? non igitur ex singulis vocibus philosophi spectandi sunt, sed ex perpetuitate, atq; constantia. A. Adducis me, ut tibi assentiar, sed tua quoque vide ne desideretur constantia. M. Quonā modo? A. Quia legi tuum nuper quartum de finibus. in eo mihi videbare, cōtra Catonem differens, hoc velle ostendere, quod mihi quidem probatur, inter Zenonem, & Peripateticos nihil præter verborū nouitatē interesse. quod si ita est, qui est causæ, quin, si Zenonis rationi consentaneum sit satis magnam vim in virtute esse ad beate viuendum, liceat idem Peripateticis dicere? rem enim opinor spectari oportere, non verba.

M. Tu quidem Tabellis obsignatis agis mecum, & te-
 stificaris quid dixerim aliquando, aut scripserim. cum
 alij isto modo qui legibus impositis disputant: nos in-
 diem vivimus; quodcumque nostros animos probabi-
 litate percussit, id dicimus: itaque soli sumus liberi. ve-
 runtamen quoniam de constantia paulo ante diximus;
 non ego hoc loco id quærendum puto, verumne sit quod
 Zenoni placuerit, quodque eius Auditori Aristoni,
 bonum esse solum quod honestum esset; sed, si ita esset,
 tum ut hoc totum beate vivere in una virtute poneret
 quare demus hoc sane, Bruto, ut sit beatus semper sa-
 piens, quam sibi conveniat, ipse viderit. gloria quidem
 huius sententiæ, quis est illo viro dignior? nos tamen
 teneamus, ut si idem beatissimus: etsi Zeno Citiaus,
 aduena quidam, & ignobilis, verborum opifex, insi-
 nuasse se in antiquam philosophiam videtur, huius sen-
 tentiæ gravitas a Platonis auctoritate repetatur, apud
 quem sæpe hæc oratio usurpata est, ut nihil præter vir-
 tutem diceretur bonum. velut in Gorgia Socrates: cum
 esset ex eo quesitum, Archelaum Perdiciæ filium, qui
 tum fortunatissimus haberetur, non ne beatum puta-
 ret? Haud scio, inquit, nunquam enim cum eo locutus
 sum. an tu aliter id scire non potes? nullo modo. tu igitur
 ne de Persarum quidem Rege magno potes dicere,
 beatus ne sit? an ego possum, cum ignorem, quam si-
 doctus quam vir bonus? quid? tu in eo si tam vitam
 beatam putas? ita prorsus existimo bonos beatos, im-
 probos miseros. miser ergo Archelaus? certe, si iniu-
 stus. Videtur ne omnem hic beatam vitam in una vir-
 tute ponere? quid vero in epitaphio; quo modo idem?

Nam

Nam cui viro, inquit, ex se ipso apta sunt omnia, quæ ad beatæ viuendum ferunt, nec suspensa aliorum, aut bono casu, aut contrario pendere ex alterius euentis, & errare coguntur; huic optime viuendi ratio comparata est. hic est ille moderatus, hic fortis, hic sapiens, hic, & nascentibus, & cadentibus cum reliquis commodis, tam maxime liberis, parebit, & obediet præcepto illi veteri:

Neque enim letabitur vnquam, neq; merebit nimis, Quod semper in se ipso omnem spem reponet sui.

Ex hoc igitur Platonis quasi quodam santo, augustoque fonte nostra omnis manabit oratio. vnde igitur rectius ordiri possumus, quàm a communi parente natura? quæ quidquid genuit non modo animal, sed etiam quod ita esset ortum è terra, vt stirpibus suis niteretur, in suo quidq; genere perfectum esse voluit. itaq; & arbores, & vites, & ea, quæ sunt humiliora, neque se tollere a terra altius possunt, alia semper virent, alia hieme nudata, verno tempore tepefacta frondescent: neque est vllum, quod non ita vigeat interiore quodam motu, & suis quoque seminibus inclusis, vt aut flores, aut fruges fundat, aut baccas, omniaque in omnibus, quantum in ipsis sit nulla vi impediante perfecta sint. facilius vero etiam in bestiis, quod his sensus a natura est datus, vis ipsius naturæ perspicui potest. namque alias bestias nantes aquarum incolæ esse voluit, alias volucres cælo frui libero, serpentes quasdam, quasdam esse gradientes; earum ipsarum partim soliuagas, partim congregatas, immanes alias, quasdam autem cicures, nonnullas abditas, terraque tectas. atque earum quæque

suum tenens munus, cum in disparis animantis vi-
 tam transire non possit, manet in lege naturæ. & ut
 bestijs aliud alij præcipui a natura datum est, quod
 suum quæque retinet, nec discedit ab eo: sic homini
 multo quiddam præstantius: et si præstantia debent ea
 dici, quæ habent aliquam comparationem. humanus
 autem animus decerptus ex mente diuina, cum alio
 nullo, nisi cum ipso deo, si hoc fas est dictu, compara-
 ri potest. hic igitur, si est excultus, & si eius acies;
 ita curata est, ut ne cæcetur erroribus: sit perfecta
 mens, idest absoluta ratio; quæ est idem, quod vir-
 tus. & si omne beatum est, cui nihil deest, & quod
 in suo genere expletum, atque cumulaturn est, idque
 virtutis est proprium: certe omnes virtutis compotes
 beati sunt. & hoc quidem mihi cum Bruto conuenit,
 item cum Aristotele, Xenocrate, Speusippo, Polemo-
 ne. sed mihi videntur etiam beatissimi: quid enim
 deest ad beate viuendum ei, qui confidit suis bonis?
 aut, qui diffidit, beatus esse qui potest? at diffidat ne-
 cesse est, qui bona diuidit tripertito. qui enim pote-
 rit aut corporis firmitate, aut fortunæ stabilitate con-
 fidere? atqui, nisi stabili, & fixo permanente bono,
 beatus esse nemo potest. quid igitur eiusmodi istorum
 est? ut mihi illud Laconis dictum in hos cadere vi-
 deatur: qui gloriante cuidam mercatori, quod mul-
 tas naues in omnem oram maritimam dimisisset, non
 sane optabilis ista quidem est, inquit, rudentibus apta
 fortuna, an dubium est, quin nihil sit habendum in
 ea, quod vita beata complectitur, si id possit
 amitti? nihil enim inueterascere, nihil extinguere, ni-
 hil

hil cadere debet eorum, in quibus vita beata consistit; nam qui timebit, ne quid ex his deperdat, beatus esse non poterit: volumus enim eum, qui beatus sit, tutum esse, inexpugnabilem, septum atque munitum, non ut paruo metu præditus sit, sed ut nullo. ut enim innocens is dicitur, non qui leuiter nocet, sed qui nihil nocet: sic sine metu is habendus est, non qui parua metuit, sed qui omnino metu uacat: quæ est. n. alia fortitudo, nisi animi affectio cum in adeundo periculo & in labore, ac dolore patiens, tum procul ab omni metu? atque hæc certe non ita se haberent, nisi omne bonum in una honestate consisteret. qui autem illam maxime optatam, & expectatam securitatem (securitatem autem nunc appello uacuitatem ægritudinis, in qua vita beata posita est) habere quisquam potest, cui aut adsit, aut adesse possit multitudo malorum? qui autem poterit esse celsus, & erectus, & ea, quæ homini accidere possunt, omnia parua ducens, qualem sapientem esse volumus, nisi omnia sibi in se posita esse censebit? an Lacedæmonij Philippo minitanti per literas se omnia, quæ conarentur, prohibiturum, quæsiuerunt num se esset etiam mori prohibiturus? vir is, quem quærimus, non multo facilius tali animo reperietur, quam ciuitas vniuersa? quid ad hanc fortitudinem, de qua loquimur, temperantia adiuncta, quæ sit modeatrix omnium commotionum? quid potest ad beate viuendum deesse ei, quem fortitudo ab ægritudine, & a metu vindicet, temperantia tum a libidine auocet, tum insolenti alacritate gestire non sinat? hæc efficere virtutem ostēderem, nisi superioribus diebus essent explicata. atqui cum peritur

bationes animi miseram, sedationes autem vitam efficiant beatam; duplexq; ratio perturbationis sit, quod ægritudo, & metus in malis opinatis, in bonorum autem errore letitiæ gestiens, libidoq; versentur; cum hæc omnia cum consilio, & ratione pugnent: his tu tã grauib; concitationibus, tamq̃ue ipsis inter se dissentientibus, atque distractis, quem vacuum, solutum, liberum videris, hunc dubitabis beatum dicere? atqui sapiens semper ita affectus est: semper igitur sapiens beatus est. atque etiam omne bonum lætabile est: quod autem lætabile, id predicandum, & præ se ferendum: quod tale autem, id etiam gloriosum: si vero gloriosum, certe laudabile: quod autem laudabile, profecto etiam honestum: quod bonum igitur, id honestum. at quæ isti bona numerant, ne ipsi quidem honesta dicunt. solum igitur bonum, quod honestum, ex quo efficitur, honestate una vitam contineri beatam. non sunt igitur ea bona dicenda, nec habenda, quibus abundantem licet esse miserrimum. an dubitas quin præstans valetudine, viribus, forma acerrimis, integerrimisq; sensibus, adde etiam si libet pernicitatem, et velocitatem, ad diuitias, honores, imperia, opes, gloriam: si fuerit is, qui hæc habet, iniustus, intemperans, timidus, hebeti ingenio, atque nullo: dubitabis ne eum miserum dicere? qualia igitur ista bona sunt, quæ qui habeat, miserrimus esse possit? videamus, ne, ut acervus ex sui generis granis, sic beata vita ex suis similibus partibus effici debeat. quod si ita est, ex bonis, quæ sola honesta sunt, efficiendum est beatum ea mixta ex dissimilibus si erunt, honestum ex his effici nihil poterit.

rit. quo detractō, quid poterit beatū intelligi? etenim quidquid est quod bonum sit, id expetendum est: quod autem expetendum, id certe approbandum: quod vero approbaris, id gratum acceptumq; habendum: ergo ē dignitas ei tribuenda est. quod si ita est, laudabile sit, necesse est. bonum igitur omne laudabile, ex quo efficitur, ut, quod sit honestum, id sit solum bonum. quod nō ita tenēbimus, multa erunt, quę nobis bona dicenda sint. omitto diuitias: quas, cum quiuīs, quamuis indignus, habere possit in bonis non numero: quod enim est bonum, id non quiuīs habere potest, omitto nobilitatē, famamque popularem, stultorum, improborumq; consensu excitatam, hæc, quę sunt minima, tamen bona dicantur necesse est, candiduli dentes, venusti oculi, color suavis, & ea, quę Euryclyia laudat Vlyxi pedes abluens, lenitudo orationis, mollitudo corporis. ea, si bona dicemus, quid erit in philosophi grauitate, quā in vulgi opinione, stultorumq; turba, quod dicatur aut grauius, aut grandius? at enim eadem Stoici præcipua, vel producta dicunt, quę bona isti dicunt illi quidem: sed his vitam beatam compleri negant: hi autem sine ijs esse nullam putant: aut si sit beata, beatissimam certe negant. nos autem volumus beatissimam: idque nobis Socratica illa conclusione confirmatur: sic enim princeps ille philosophiæ diserebat, qualis cuiusque animi affectus esset, talem esse hominem; qualis autem ipse homo esset talem esse orationem; orationi autem facta similia, factis vitam; affectus autem animi in bono viro laudabilis, & vita igitur laudabilis boni viri. honesta ergo, quoniam laudabilis, ex quibus,

bonorum beatam vitam esse, concluditur. Etenim; pro deorum atque hominum fidem, parum ne cognitum est superioribus nostris disputationibus. an delectationis & otij consumendi causa locuti sumus, sapientem ab omni concitatione animi, quā perturbat ionem voco, semper vacare? semper in animo eius esse placidissimam pacem? vir igitur temperatus, constans sine metu, sine ægritudine, sine alacritate ulla, sine libidine, non ut beatus? at semper sapiens talis: semper igitur beatus: iam vero qui potest vir bonus non ad id, quod laudabile sit, omnia referre, quæ agit quæq; sentit? refert autem omnia ad beate vivendum: beata igitur vita laudabilis. nec quidquam sine virtute laudabile: beata igitur vita virtute conficitur. atque hoc sic etiam concluditur. nec in misera vita quidquam est prædicabile, aut gloriandum, nec in ea, quæ nec misera sit, nec beata. & est in aliqua vita prædicabile aliquid, & gloriandum, ac præ se ferendum: ut Epaminondas,

Consilijs nostris laus est attonsa Laconum:
ut Africanus,

A sole exoriente, supra Meoti paludes,

Nemo est, qui factis me æquiparare queat.

quod si beata vita glorianda, & prædicanda, & præ se ferenda est: nihil est. n. aliud, quod prædicandum, et præ se ferendum sit. quibus positis, intelligis quid sequatur. & quidē nisi ea vita beata est, quæ est eadem honesta: sit aliud, necesse est melius vita beata: quod enim erit bonectum, certe fatebuntur esse melius: ita erit beata vita melius aliquid: quo quid potest dici peruersius?

sius? quid? cum fatentur satis magnam vim esse in vitijs ad miseram vitam, non ne fatendum est, eandem vim in virtute esse ad beatam vitam? contrariorum enim contraria sunt consequentia. quo loco quæro, quā vim habeat libra illa Critolai: qui cum in alteram lancem animi bona imponat, in alteram corporis, & externa: tantum propendere illam boni lancem putet, ut terrā, & maria deprimat. quid igitur, aut hunc prohibet, aut etiam Xenocratem illum grauissimum philosophorum, exaggerantem tantopere virtutem, & extenuantem cetera, & abijcientem, in virtute non beatam modo vitam, sed etiam beatissimam ponere? quod quidem nisi sit, virtutum interitus consequetur: nam in quem cadit ægritudo, in eundem metum cadere necesse est: est. n. metus futuræ ægritudinis sollicita expectatio. in quem autem metus, in eundem formido, timiditas, pauor, ignauia. ergo ut idē vincatur interdum necesse est, nec putet ad se præceptū illud Atrei pertinere,

Proinde ita parent in se vita, ut vinci nesciant.

hic autem vincetur, ut dixi; nec modo vincetur, sed etiam seruiet. at nos virtutem semper liberam volumus, semper inuictam. quæ nisi sunt, sublata uirtus est. atqui si in uirtute satis est præsidij ad bene uiuendum, satis est etiam ad beate: satis est enim certe in uirtute, ut fortiter uiuamus: si fortiter, et iam ut magno animo, & quidem ut nullare unquam terreamur, semperque simus inuicti. sequitur, ut nihil pæniteat, nihil desit, nihil obstat. ergo omnia prosperè, absolute, prospere: igitur beate. satis autem ad fortiter uiuendum uirtus potest: satis ergo etiam ad beate.

etenim ut stultitia, & si adepta est, quod concupiuit, nunquam se tamen satis consecutam putat: sic sapientia semper eo contenta est, quod adest, neque eam unquam sui pœnitet. similem ne putas C. Lelij unum Consulatum fuisse, & eum quidem cum repulsa (sed cum sapiens, & bonus vir, qualis ille fuit, suffragijs preteritur, non populus à bono Consule potius, quam ille à vano populo repulsam fert) sed tamen, utrum malles te, si potestas esset, semel, ut Lælium, Consulem, an, ut Cinnam, quater? non dubito, tu quid responsurus sis: itaque video, cui committam. non quemuis hoc idem interrogarem: responderet enim alius fortasse, se non modo quatuor Consulatus uni antepone, sed unum diem Cinnae multorum, & clarorum virorum totis ætatibus. Lælius si digito quem attigisset, pœnas dedisset: at Cinna collegæ sui Cōsulis Cn. Octavij præcidi caput iussit, P. Crassi, L. Cæsaris nobilissimorum hominum, quorum virtus fuerat domi, militiæque cognita; M. Antonij omnium eloquentissimi, quos ego audierim; C. Cæsaris, in quo mihi videtur fuisse specimen humanitatis, salis, suavitatis, leporis. beatus ne igitur, qui hos interfecit? mihi contra non solum eo videtur miser, quod ea fecit; sed etiam quod ita se gessit, ut ea facere ei liceret. etsi peccare nemini licet. sed sermonis errore labimur: id enim licere dicimus, quod cuique conceditur. utrum tandem beatior Caius Marius, tum, cum Cimbrica victoriæ gloriam cum collega Catulo communicavit, penè altero Lælio, (nam hunc illi daco simillimum) an cum civili bello victor iratus, necessarijs Catuli deprecantibus, non semel respon-

respondit, sed sæpe, moriatur? in quo beator ille, qui huic nefariæ uoci paruit; quàm is, qui tam scelerate imperauit: nam cum accipere, quam facere præstat iniuriam; tum morti iam ipsi aduentanti paululum procedere obuiam, quod fecit Catulus, quàm, quod Marius, talis uiri interitu sex suos obruere Consulatus, & contaminare extremum tempus ætatis. duo de quadraginta annos tyrannus Syracusanorum fuit Dionysius, cum quinque & viginti natus annos dominatum occupasset. qua pulchritudine urbem, quibus autem opibus præditam, seruitute oppressam tenuit ciuitatē? atqui de hoc homine à bonis auctoribus sic scriptum accepimus, summam fuisse eius in uictu temperantiam, in rebusque gerendis uirum acrem, & industrium, eundem tamen maleficum natura, & iniustum. ex quo omnibus bene ueritatem intuentibus uideri necesse est miserrimum: ea enim ipsa, quæ concupierat, ne tum quidem: cum omnia se posse censebat, consequebatur. qui cum esset bonis parentibus, atque honesto loco natus (etsi id quidem alius alio modo tradit) abundaretque & æqualium familiaritatibus, & consuetudine propinquorum, haberet etiam more Græciæ quosdam adolescentes amore coniunctos; credebat eorum nemini; sed ijs, quos ex familijs locupletum seruos delegerat, quibus nomen seruitutis ipse detraxerat, & quibusdam conuenis, & feris barbaris corporis custodiam committebat. ita propter iniustam dominatus cupiditatem in carcerem quodammodo ipse se incluserat. quin etiam, ne tonsori collum committeret, tondere filias suas docuit.

docuit. ita sordido, ancillariq̃ue artificio regiæ virgines, vt tonstriculæ, tondebant barbam, & capillum patris. & tamen ab ijs ipsis, cum iam essent adultæ, ferrum remouit; instituitq̃ue, vt candentibus iugladium putaminibus barbam sibi, & capillū adurent. cumq̃ue duas uxores haberet, Aristomachem ciuem suam, Doridem autem Locrensem: sic noctu ad eas ventitabat, vt omnia specularetur, & perscrutaretur ante. & cum fossam latam cubiculari lecto circumdidiſſet, eiusq̃ue fossæ transitum ponticulo ligneo coniunxisset, eum ipsum cum fores cubiculi clauſerat, detorquebat. idemq̃ue, cum in communibus suggestis consistere nō auderet, concionari ex turri alta solebat. atque is cum pila ludere vellet (studiose enim id fæſtitabat) tunicamq̃; poneret, adolescentulo, quem amabat, tradidiſſe gladium dicitur. hic cum quidam familiaris iocans dixisset, huic quidem certe vitam tuam committis, arrisissetq̃ue adolescens; vtrunq; iussit interfici: alterum, quia viam demonstrauisset interimendi sui; alterum, quia id dictum risu approbauisset, atque eo factō sic doluit, vt nihil grauius tulerit in vita: quem enim vehementer amaret, occiderat. sic distrahuntur in contrarias partes impotentium cupiditates. cum huic obsecutus sis, illi est repugnādum. quamquam hic quidem tyrannus ipse indicauit, quam esset beatus. nam cum quidam ex eius assentatoribus Damocles cōmemoraret in sermone copias eius, opes, maiestatem, dominatus, rerum abundantiam, magnificentiam ædium regiarum, negaretq̃ue vnquam beatorem quenquam fuisse: vis ne igitur, inquit, o Damocle,

moche, quoniam hæc te vita delectat, ipse eandem degustare, & fortunam experiri meam? cum se ille cupere dixisset, collocari iussit hominem in aureo lecto, strato pulcherrimo, textili stragulo, magnificis operibus picto, abacosq; complures ornauit argenta, auroque celato tum ad mensam eximia forma pueros delectos iussit consistere, eosque ad nutum illius intuentes diligenter ministrare. aderant unguenta, coronæ: incendebantur odores: mensæ cōquisitissimis epulis extruebantur. fortunatus sibi Damocles videbatur. in hoc medio apparatu fulgētem gladium è lacunari seta equina appensum dimitti iussit, ut impenderet illius beati ceruicibus itaq; nec pulchros illos administratores aspiciebat, nec plenum artis argentum; nec manū porrigebat in mensam: iam ipse defluebant coronæ: denique exorauit tyrannum, ut abire liceret, quod iā beatus nolle esse. satis ne videtur declarasse Dionysius nihil esse ei beatum, cui semper aliquis terror impendeat? atque ei ne integrum quidem erat, ut ad iustitiam remigraret, ciuibuscq; libertatem & iura redderet: ij enim se adolescens improuida ætate irretierat erratis, eaque commiserat, ut saluus esse non posset, si sanus esse cepisset. quantopere vero amicitias desideraret, quarum infidelitatem extimescebat, declarauit in Pythagoreis duobus illis: quorum cum alterum vadem mortis accepisset, alter, ut vadem suum liberaret, presto fuisset ad horam mortis destinatam. utinam ego inquit, tertius vobis amicus ascriberer. quàm huic erat miserum carere consuetudine amicorum, societate victus, sermone omnino familiari? homini

mini præsertim docto à puero, & artibus ingenuis eruditio. musicorum vero perstudiosum accepimus, poetam etiam tragicum: quàm bonum, nihil ad rem: in hoc. n. genere nescio quo pacto magis, quam in alijs, suum cuique pulchrum est. adhuc neminem cognoui poetam (& mihi fuit cum Aquinio amicitia) qui sibi nō optimus videretur. sic se res habet, te tua, me delectant mea. sed ut ad Dionysium redeamus: omni cultu, & victu humano carebat: vivebat cum fugitiuis, cum facinorosis, cum barbaris: neminem, qui aut libertate dignus esset, aut vellet omnino liber esse, sibi amicum arbitrabatur. non ergo iam cū huius vita, qua tetrus, miserius, detestabilius excogitare nihil possum, Platonis, aut Architæ vitam comparabo, doctorum hominum, & planè sapientium. ex eadem urbe humilem homunculum à pulvere, & radio excitabo, qui multis annis post fuit, Archimedem. cuius ego Quæstor ignoratum ab Syracusanis, cum esse omnino negarent, septum undique, & vestitum vepribus, & dumetis indagavi sepulcrum: tenebam enim quosdam senarios, quos in eius monumento esse inscriptos acceperam; qui declarabant in summo sepulcro spheram esse positam cum cylindro. ego autem cum omnia collustrarem oculis (est enim ad portas Agragianas magna frequentia sepulcrorum) animaduerti columnellam nō multum è dumis eminentem: in qua inerat spherę figura, & cylindri. atque ego statim Syracusanis (erant autem principes mecum) dixi, me illud ipsum arbitrari esse, quod quærerem, immissi cum falcibus multi purgarunt, & aperuerunt locum. quò cum patefactus esset

esset aditus, ad aduersam basim accessimus. apparebat epigramma exesis posterioribus partibus versiculorum, dimidiatis fere. ita nobilissima Græciæ ciuitas, quondam vero etiam doctissima, sui ciuis vnus acutissimi monumētum ignorasset, nisi ab homine Arpinate didicisset. sed redeat vnde aberrauit oratio. quis est enim omnium, qui modo cum musis, idest cum humanitate, & cum doctrina habeat aliquod commercium, qui se non hunc mathematicum malit, quàm illum tyrannum? si vitæ modum actionemque quærimus alterius mens rationibus agitandis exquirendisque alebatur, cum oblectatione solertiæ, qui est vnus suauissimus pastus animorum: alterius cede, & iniurijs, cum & diurno, & nocturno metu. age cõfer Democritum, Pythagoram, Anaxagoram: quæ regna, quas opes studijs eorum, & delectationibus anteponens? etenim quæ pars optima est in homine, in ea situm esse necesse est illud quod quæris omnium optimū. quid est autem in homine, sagaci, ac bona mente melius? eius bono fruendum est igitur, si beati esse volumus: bonum autem mentis est virtus: ergo ac beatam vitam contineri necesse est. hinc omnia, quæ pulchra, honesta, præclara sunt, vt supra dixi, sed dicendum illud idem paulo vberius videtur, plena gaudiorum sunt: ex perpetuis autem plenisque gaudijs cum perspicuum sit vitam beatam existere, sequitur vt ea existat ex honestate. sed, ne verbis solum attingamus ea, quæ volumus ostendere, proponenda quædam quasi mouentia sunt, quæ nos magis ad cognitionem, intelligentiamque conuertant. sumatur enim nobis

nobis quidam præstans vir optimis artibus, isq; animo parumper, & cogitatione fingatur. primum ingenio eximio sit necesse est: tardis enim mentibus virtus non facile committitur. deinde ad inuestigandum veritatem studio incitato. ex quo triplex ille animi fœtus existit, unus in cognitione rerum positus, & in explicatione naturæ; alter in descriptione expetendarum, fugiendarumve rerum; tertius iudicando, quid cuiq; rei sit consequens, quid repugnans: in quo inest omnium subtilitas differendi, tum veritas iudicandi. quo tandem igitur gaudio affici necesse est sapientis animum cum his habitantem, pernoctantemque curis? & cum totius mundi motus cōversionesque perspexerit, syderaq; viderit innumerabilia cœlo in hærentia cum eius ipsius motu congruere certis infixæ sedibus? septem alia suos quæque tenere cursus, multum in se aut altitudine, aut humilitate distantia, quorum vagi motus, rata tamen & certa sui cursus spatia definiant horum nimirum aspectus impulit illos veteres, & admonui, ut plura quærent, inde est indagatio nata initiorum, & tanquam seminum, unde essent omnia orta, generata, concreta, quæque cuiusque generis, vel inanimi, vel animati, vel muti, vel loquētis origo, quæ vita, quis interitus, quæq; ex alio in aliud vicissitudo, atque mutatio, unde terra, & quibus librata ponderibus; quibus cauernis maria sustineantur; in qua omnia delata gravitate medium mundi locum semper expetant; qui est idem infimus in rotundo. hæc tractanti animo, & noctes & dies cogitanti, existit illa à Deo Delphis præcepta cognitio, ut ipsa se mens vitij ex-
tam

nam cognoscat, coniunctamq; cum diuina mente se sentiat, ex quo insatiabili gaudio compleatur: ipsa enim cogitatio de vi, & natura deorum, studium incendit illius æternitatis imitandæ: neque se in breuitate vite collocatam putat, cum rerum causas alias ex alijs aptas, & necessitates nexas videt. quibus ab æterno tempore fluentibus in æternum, ratio tamen, mensque moderatur. hæc ille intuens, atque suspiciens, vel potius omnes partes, orasque circumspectans, quantarursus animi tranquillitate humana, & ceteriora considerat? hic illa cognitio virtutis existit: efflorescunt genera, partes virtutum: inuenitur, quid sit quod natura spectet extremum in bonis, quod in malis ultimum, quò referenda sint officia, quæ de gædæ ætatis ratio deligenda. quibus & talibus rebus exquisitis, hoc vel maxime efficitur, quod hac disputatione agimus, ut virtus ad beatè viuendum sit se ipsa contenta: sequitur tertia, quæ per omnes partes sapientiæ manat, & funditur, quæ rem diffinit, genera dispertit, sequentia adiungit, perfectæ concludit, vera & falsa diiudicat, disserendi ratio, & scientia. ex qua cum summa utilitas existit ad responderandas, tum maxime ingenua delectatio, & digna sapientiæ. sed hæc otij. transeat idem iste sapiens ad Rempublicam tuendam: quid eo possit esse præstantius, cum contineri prudentia utilitatem ciuium cernat, iustitia nihil in suam domum inde deriuat, reliquis utatur tot tamque varijs virtutibus? adiuge fructum amicitiarum: in quo à doctis positum est, cum consilium omnis vitæ, consentiens, & penè conspirans, tum summa incunditas è quotidiano cultu,

cultu, atque victu. quid hæc tandem uita desiderat, quo sit beator? cui rei refertæ tot, tantisque gaudijs, fortuna ipsa cedat necesse est. quod si gaudere talibus bonis animi, idest uirtutibus, beatum est, omnesque sapientes ijs gaudijs perfruuntur: omnes eos confiteri beatos esse necesse est. *A.* Etiam ne in cruciatu, atque tormentis? *M.* An tu me in uiola putas, aut in rosa dicere? an Epicuro, qui tantum modo induit personam Philosophi, & sibi ipse hoc nomen inscripsit, dicere licebit, quod quidem, ut habet se res, me tamen plaudente dicit, nullum sapienti esse tempus, etsi uratur, torqueatur, secetur, quin possit exclamare, quàm pronihilo puto? cum præsertim omne malum dolore definiat, bonum uoluptate, hæc nostra honesta, turpia irrideat, dicatque nos in uocibus occupatos inanes sonos fundere, neque quidquam ad nos pertinere, nisi quod aut leue, aut asperum in corpore sentiat. huic ergo, ut dixi, non multum differenti à iudicio ferarum, obliuisci licebit sui? & tum fortunam contemnere, cum sit omne & bonum eius, & malum in potestate fortunæ? tum dicere se beatum in summo cruciatu, atque tormentis, cum constituerit non modo summum malum esse dolorem, sed etiam solum? nec uero illa sibi remedia comparauit ad tolerandum dolorem, firmitatem animi, turpitudinis uerecundiam, exercitationem, consuetudinemque patiendi, præcepta fortitudinis, duritiam uirilem: sed una se dicit recordatione acquiescere præteritarum uoluptatum: ut si quis æstans, cum uim caloris non facile patitur, recordari uelit, se aliquando in Arpinati nostro gelidis fluminibus circumfutum fuisse;

fuisse ; non enim video, quo modo sedare possint mala
 presentia præteritæ voluptates . sed cum is dicat sem-
 per beatum esse sapientem , cui dicere hoc, si sibi con-
 stare vellet , non liceret : quidnam faciendum est ijs ,
 qui nihil ex petendum , nihil in bonis ducendum , quod
 honestate careat, existimant ? me quidem auctore etiã
 Peripatetici, Veteresq; Academici balbutire desinat
 aliquando , aperteque & clara voce audeant dicere ,
 beatam vitam in Phalaridis taurum descensuram . sint
 enim tria genera bonorum , ut iam à laqueis Stoico-
 rum, quibus usus me pluribus, quàm soleo, intelligo,
 recedamus : sint sanè illa genera bonorum ; dum corpo-
 ris, & externa iacent humi, & tantummodo, quia su-
 menda sunt, appellentur bona : alia autem diuina, illa
 longe, lateque se pandant, cælumq; contingant, ut ea
 qui adeptus sit, cur eum, beatum modo, & non beatif-
 mum etiã dixerim ? dolorem vero sapiens extimescet ?
 is enim huic maximæ sententiæ repugnat . nam contra
 mortem nostram, atque nostrorum, contraq; ægritudi-
 nem, & reliquas animi perturbationes satis esse vide-
 mur, superiorum aierû disputationibus armati, & pa-
 rati . dolor esse videtur acerrimus virtuti aduersarius :
 is ardentes faces intentat : is fortitudinem, magnitu-
 dinem animi patiëntiam se debellaturum minatur . huic
 igitur succumbet virtus ? huic beata sapientis, & cõ-
 stantis viri vita cedit ? quam turpe, ò dii boni . pueri
 Spartiæ non ingemiscunt verberum dolore laniati .
 adolescentium greges . Lacædemone vidimus ipsi incre-
 dibili contentione certantes pugnis , calcibus , ungui-
 bus, morsu, denique ut examinarentur, priusquam se

*viſtos fateretur. quæ barbaria India vaſtior, aut agre-
ſtior? in ea tamen gente primum ij, qui ſapientes ha-
bentur, nudi ætatem agunt, & Caucaſi niues, hiema-
lemque vim perferunt ſine dolore; cumque ad flammam
ſe applicuerint, ſine gemitu aduruntur. mulieres ve-
ro in India, cum eſt cuiusque earum vir mortuus, in
certamen, iudiciumque veniunt, quam plurimum ille
dilexerit: plures enim ſingulis ſolent eſſe nuptæ. quæ
eſt victrix, ea læta proſequentibus ſuis, una cum vi-
ro in rogum imponitur: illa victa, mæſta diſcedit. nū-
quam naturam mos vinceret: eſt. n. ea ſemper inuicta.
ſed nos umbris, delicijs, otio, languore, deſidia animū
inſecimus, opinionibus, maloque more delinitum mol-
liuimus. Aegyptiorum morem quis ignarat? quorum
imbutæ mentes prauitatis erroribus, quamuis carni-
ficinam prius ſubierint, quam ibim, aut aſpidem, aut
felem, aut canem, aut crocodilum violent: quorum
etiam ſi imprudentes quippiam fecerint, pœnam nul-
lam recuſent. de hominibus loquor. quid beſtiæ? nō-
ne frigus, non famem, non montiuagos, atque ſilueſtres
cuſus, luſtrationesque patiuntur? nonne pro ſuo par-
tu ita propugnant, ut vulnera excipiant? nullos im-
petus, nullos icſus reformident? omitto, quæ perferāt,
queque patiantur ambitioſi honoris cauſa; laudis ſtu-
dioſi, gloriæ cauſa; amore incenſi, cupiditatis. plena
vita exemplorum eſt. ſed adhibeat oratio modum, &
redeat illuc, vnde deſlexit. dabit, dabit, inquam, ſe in
tormenta vita beata: nec iuſtitiam, temperantiam, in
primisque fortitudinem, magnitudinem animi, patien-
tiam proſeçuta, cum tortoris os viderit, conſiſtet: vir-
tuti-*

tutibusque omnibus sine ullo animi terrore ad cruciatum profectis, resistet extra fores (ut ante dixi) limenque carceris: quid enim ea fædius, quid deformius sola relicta, comitatu pulcherrimo segregata? quod tamen fieri nullo pacto potest: nec enim virtutes sine beata vita coherere possunt, nec illa sine virtutibus. itaque eam tergiuersari non sinent, secumque rapient ad quemcunque ipsæ dolorem, cruciatumque ducentur: sapientis est enim proprium, nihil, quod pœnitere possit, facere, nihil inuitum; splendide, constanter, grauitè, honestè, omnia, nihil ita expectare, quasi certo futurum; nihil cum acciderit, admirari, ut inopinatum, ac nouum accidisse videatur omnia ad suum arbitrium referre; suis stare iudicijs. quo quid sit beatius, mihi certe in mentem venire non potest. Stoicorum quidem facilis conclusio est. qui cum finem bonorum esse senserint, congruere nature, cumque ea cōuenienter viuere: cum id sit in sapiente situm non officio solum, verum etiam potestate, sequatur necesse est, ut cuius in potestate summum bonum, in eiusdem vita beata sit. ita sit semper vita beata sapientis. Habes, quæ fortissime de beata vita dici putem, & quo modo nunc est, nisi quid tu melius attuleris, etiam verissime. A. Melius quidem afferre nihil possum: sed à te impetrare libenter velim, nisi molestum sit, quoniam te nulla vincula impediunt ullius certæ disciplinæ, libasque ex omnibus quodcunque te maxime specie veritatis mouet; quod paulo ante Peripateticos, veteremque Academiam hortari videbare, ut sine retractatione libere dicere auderāt, sapientes esse sem-

per beatissimos, id velim audire, quemadmodū his pu-
tes consentaneum esse id dicere: multa enim à te con-
tra istam sententiam dicta sunt, & Stoicorum ratione
conclusa. *M. Vt* tamur igitur libertate: qua nobis solis
in philosophia licet uti, quorum orationi nihil ipsa iudi-
cat, sed habetur in omnes partes, ut ab alijs possit ipsa
per sese nullius auctoritate adiuncta iudicari. & quoniā
videris hoc velle, ut, quaecunq; dissentientium philoso-
phorum sententia de finibus sit, tamen virtus satis ha-
beat ad vitam beatam præsidij; quod quidem Carne-
adem disputare solitum accepimus, sed is, ut cōtra Stoi-
cos, quod studiosissime semper refellebat, & cōtra quo-
rum disciplinā ingenium eius exarserat: nos illud qui-
dem cum pace agemus. sic enim Stoici fines bonorum
recte posuerunt, confecta res est; necesse est semper bea-
tum esse sapientem. sed quæramus unamquamq; reli-
quorum sententiam, si fieri potest, ut hoc præclarum
quasi decretum beatæ vitæ possit omnium sententijs,
& disciplinis conuenire. sunt autem hæ de finibus, ut
opinor, retentæ, defensæq; sententiæ: primum simpli-
ces quatuor; nihil bonum, nisi honestum, ut Stoici; ni-
hil bonum, nisi voluptatem, ut Epicurus; nihil bonū,
nisi vacuitatē doloris, ut Hieronymus; nihil bonum,
nisi naturæ primis bonis aut omnibus, aut maximis
frui, ut Carneades cōtra Stoicos differebat. hæc igitur
simplicia: illa mixta, tria genera bonorū maxima ani-
mi, secunda corporis, externa tertia, ut Peripatetici,
nec multo veteres Academici secus. voluptatem cum
honestate Clithomacus; & Callipho copulauit. indo-
lentiam autem honestati Peripateticus Diodorus ad-
iunxit.

iunxit. hæ sunt sententiæ, quæ stabilitatis aliquid habeant. nã Aristonis, Pyrrhonis, Herilli, nō nonnullorumque aliorum euauerunt. hi quid possint obtinere, videamus, omiſſis Stoicis: quorum satis videor defendiſſe ſententiam, & Peripateticorum quidem explicata cauſa eſt: præter Theophraſtum, & ſi qui illum ſecuti, imbecillius horrent dolorem, & reformidant. reliquis quidem licet facere, quod ſerè faciunt, vt grauitatem, dignitatemq; virtutis exaggeret. quam cum ad cælum extulerint, quod facere eloquentes homines copioſe ſolent; reliqua ex collatione facile eſt contemnerere, atque contemnere: nec enim licet ijs, qui laudem cum dolore petendam eſſe dicunt, negare eos eſſe beatos, qui illam adepti ſunt. quanquam enim ſint in quibusdam malis, tamen hoc nomen beati longe, & late patet. nam vt quæſtuosa mercatura, fructuosa oratio dicitur; non ſi altera ſemper omni damno, altera omnis tempeſtatis calamitate, ſemper vacet, ſed ſi multo maiori ex parte extet in vtraque ſælicitas: ſic vita, non ſolum ſi vndique refert à bonis eſt, ſed ſi multo maiore, & grauiore ex parte bona propendunt, beata recte dici poteſt. ſequetur igitur horum ratione vel ad ſupplicium beata vita virtutem, cumque ea deſcendet in taurum, Ariſtotele, Xenocrate, Speuſippo, Polemone aucttoribus, nec eam minimis blandimentis corrupta deſeret. eadem Calliphontis erit, Diodorique ſententia; quorum vterque honeſtatem ſic complectitur, vt omnia, quæ ſine ea ſint longe, & retro ponenda cenſeat. reliqui habere ſe videntur anguſtius, enatant tamen, Epicurus, Hieronymus,

¶ si qui sunt, qui disertum illum Carneadem curent defendere: nemo est enim, qui eorum bonorum animum putet esse iudicem, eumque condocesfaciat, ut ea, quæ bona malare videantur possit contemnere. nam quæ tibi Epicuri videtur, eadem erit Hieronymi, & Carneadis causa, & Hercle omnium reliquorum: quis enim parum est contra mortem, aut dolorem paratus? ordiamur ab eo, si placet, quem molem, quem voluptarium dicimus. quid? is tibi mortem ne videtur, an dolorem timere? qui eum diem, quo moritur, beatum appellat; maximisque doloribus affectus, eos ipsos inuentorum suorum memoria, & recordatione confutat, nec hoc sic agit, ut ex tempore quasi effutire videatur: de morte enim ita sentit, ut, dissoluto animante, sensum extinctum putet: quod autem sensu careat, nihil ad nos id iudicet pertinere. item de dolore certa habet quæ sequatur: quorum magnitudinem breuitate consolatur, longinquitatem lenitate: quid tandem? isti grandiloqui contra hæc duo, quæ maxime angunt, melius se habent, quam Epicurus? an ad cætera, quæ mala putantur, non & Epicurus, & reliqui philosophi satis parati videntur? quis non paupertatem extimescit? neque tamen quisquam philosophorum. hic vero ipse quàm paruo est contentus? nemo detenui victu plura dixit: etenim quæ res pecuniæ cupiditatem afferunt, ut amor, ut ambitioni, ut quotidianis sumptibus copię suppetant, cum procul ab ijs omnibus rebus absit, cur pecuniam magnopere desideret, vel potius curet omnino? an Scythes Anacharsis potuit pro nihilo pecuniam ducere, nostrates philosophi

losophi facere non potuerunt ? illius epistola fertur his
 verbis. *Anacharsis* Hannoni salutem. *Michi amictus*
est Scythicum tegmen, calciamentum solorum callum,
cubile terra, pulpamentum fames: lacte, caseo, carne,
vescor. quare ut ad quietum me licet: munera autem,
ista quibus es delectatus, vel ciuibus tuis, vel dijs im-
mortalibus dona. Omnes ferè philosophi omnium di-
sciplinarum, nisi quos a recta ratione natura vitiosa
detorsisset, hoc eodem animo esse potuerunt. Socrates,
in pompa cum magna vis auri argentiq; ferretur, quā
multa non desidero, inquit. Xenocrates, cum legati
ab Alexandro quinquaginta ei talēta attulissent, quæ
erat pecunia temporibus illis, Athenis præsertim, ma-
xima; adduxit legatos ad cœnam in Academiam, ijs
apposuit tantum, quod satis esset, nullo apparatu. cum
postridie rogarent eum, cui numerari iuberet, quid ?
vos hesternæ, inquit, cænula non inlexistis, me pe-
cunia non egere ? quos cum tristiores vidisset, XXX.
minas accepit, ne aspernari regis, liberalitatem vi-
deretur. at vero Diogenes liberius, ut Cynicus,
Alexandro roganti, ut diceret, si quid sibi opus es-
set, nunc quidem paululum, inquit, a sole absis. offe-
cerat videlicet apricanti. & hic quidem disputare so-
lebat, quanto Regem Persarum vita, fortunaque su-
peraret: sibi nihil deesse, illi nihil satis vnquam fore: se
eius voluptates non desiderare, quibus nunquam sa-
tiari ille posset, suas eum consequi nullo modo posse.
vides, credo, ut Epicurus cupiditatum genera diuise-
rit, non nimis fortasse subtiliter, utiliter tamen; par-
tim esse naturales & necessarias, partim naturales, &

non necessarias, partim neutrum : necessarias sat-
 iari posse penè nihilo : diuitias enim naturæ parabi-
 les esse : secundum autem genus cupiditatum, nec ad
 potiendum difficile censent, nec vero ad carendum.
 tertias, quod essent planè inanes, neque necessitatem
 modo, sed ne naturam quidem attingerent, funditus
 eijciendas putauit. hoc loco multa ab Epicureis dispu-
 tantur, hæque voluptates sigillatim extenuantur : qua-
 rum genera non contemnunt, quarunt tamen copiam :
 nam & obscænas voluptates, de quibus multa ab illis
 habetur oratio, faciles, communes, in medio sitas esse
 dicunt ; easque, si natura requirat, non genere, aut lo-
 co, aut ordine, sed forma, ætate, figura metiendas pu-
 tant ; ab ijsque abstinere minime esse difficile, si aut va-
 letudo, aut officium, aut fama posulet, omninoque ge-
 nus hoc voluptatum optabile esse ; si non obsit, prodes-
 se nunquam. totumque hoc de voluptate sic ille præce-
 pit, ut voluptatem ipsam per se, quia voluptas sit, sem-
 per optandam, expetendamque putet ; eademque ra-
 tione dolorem ob id ipsum, quia dolor sit, semper esse
 fugiendum : itaque hac vsurum compensatione sapien-
 tem, ut voluptatem fugiat, si ea maiorem dolorem ef-
 fectura sit : & dolorem suscipiet maiorem efficientem
 voluptatem, omniaque iucunda, quanquam sensu cor-
 poris iudicentur, ad animum referri tamen. quo circa
 corpus gaudere tandiu, dum præsentem sentiret volu-
 ptatem : animum & præsentem percipere pariter cum
 corpore, & prospicere uenientem, nec præteritam præ-
 terfluere sinere, ita perpetuas, & contextas uolu-
 ptates in sapiente fore semper, cum expectationi spe-
 ratarum,

*ratarum, perceptarum memoria iungeretur, atque ijs
similia ad victum etiam transferuntur, extenuantur-
que magnificentia, & sumptus epularum, quod par-
uo cultu natura contenta sit. etenim quis hoc non vi-
det desiderijs ista condiri omnia? Darius in fuga, cum
aquam turbidam, & cadaueribus inquinatam bibis-
set, negavit vnquam se bibisse iucundius. nunquam
videlicet sitiens biberat, nec esuriens Ptolemæus ede-
rat. cui cum peragranti Aegyptum, comitibus non
consecutis, cibarius in casa panis datus esset, nihil vi-
sum est illo pane iucundius. Socratem ferunt, cum vs-
que ad vesperum contentius ambularet, quæsitumque
esset ex eo, quare id faceret, respondisse, se, quo melius
cænaret, obsonare ambulando famem. quid? victum
Lacedæmoniorum in Phiditijs non ne videmus? vbi cū
tyrannus cænauisset Dionysius, negavit se iure illo ni-
gro, quod cænæ caput erat, delectatum. tum is, qui illa
coxerat, minime mirum inquit: condimenta enim de-
fuerunt. quæ tandem, inquit ille? labor in venatu su-
dor, cursus ab Eurota, fames, sitis: in his enim rebus
Lacedæmoniorum epulæ condiuntur. atque hoc non ex
hominum more solum, sed etiam ex bestijs intelligi po-
test, quæ, vt quidquid obiectum est, quod modo a na-
tura non sit alienum, eo contentæ non quærūt amplius.
ciuitates quædam vniuersæ, morte doctæ, parsimonia
delectantur, vt de Lacedæmonijs paulo ante diximus.
Persarum à Xenophôte victus exponitur: quos negat
ad panem adhibere quidquam, præter nasturtiū. quam-
quam, si quædam etiam suauiora natura desideret,
quàm multa ex terra, arboribusque gignuntur cum
copia*

copia facili, tum suauitate præstantia? adde siccitatem, quæ consequitur hanc continentiam in victu, adde integritatem valetudinis. confer sudantes, ructantes, refertos epulis, tanquam opimos boues: tum intelliges, qui voluptatem maxime sequantur, eos minime consequi, incunditatemq; victus esse in desiderio, non in satietate. Timotheum, clarum hominem Athenis, & principem ciuitatis, ferunt, cum cœnauisset apud Platonem, coque conuiuio admodum delectatus esset, vidissetque eum postridie, dixisse, vestra quidem cœnæ non solum in præsentia, sed etiam postero die iucundæ sunt. quid, quod ne mente quidem rectæ uti possimus multo cibo, & potione completi? est præclara epistola Platonis ad Dionis propinquos: in qua scriptum est his ferè verbis. Quò cum venissem, uita illa beata, quæ ferebatur, plena Italicarum, Siracusanarumq; mensarum, nullo modo mihi placuit, bis in die saturum fieri, nec unquam pernoctare solum, cæteraque quæ comitantur huic vitæ in qua sapiens nemo efficitur unquam, moderatus verò multo minus. Quæ enim naturæ tam mirabiliter temperari potest? quomodo igitur iucunda vita potest esse, a qua absit prudentia? absit modoratio? ex quo Sardanapali opulentissimi Syriæ Regis error agnoscitur, qui incidi iussit in busto.

Hæc habeo, quæ ædi, quæq; ex saturata libido

Hausit: at illa iacent multa, & præclara relictæ. quid aliud, inquit, Aristoteles, in bouis, nō in Regis sepulchro inscribere? hæc habere se mortuum dicit, quæ ne uiuus quidē diutius habebat, quam fruebatur. cur igitur diuitiæ desiderantur? aut ubi paupertas beatos esse

esse non finit? signis credo, tabulis, ludis. si quis est, qui his delectetur, nonne melius tennes homines fruuntur, quam illi, qui his abundant? est enim earum omnium rerum nostra in urbe summa in publico copia. quæ qui priuati habent, nec tam multa, & raro vident, cum in sua rura venerint. quos tamen pungit aliquid, cum illa unde habebant, recordantur. dies deficit, si velim paupertatis causam defendere, aperta enim res est, & quotidie nos ipsa natura admonet, quam paucis, quam paruis rebus egeat, quam vilibus. num igitur ignobilitas aut humilitas, aut etiam popularis offensio sapientem beatum esse prohibebit? vide ne plus commendatio in vulgus, & hæc quæ expetitur gloria molestiæ habeat, quam voluptatis. leuiculus sanè noster Demosthenes, qui illo susurro delectari se dicebat aquam ferentis mulierculæ, ut mos in Græcia est, insusurrantisque; alteri, hic est ille Demosthenes. quid hoc leuius? at quantus orator? sed apud alios loqui videlicet didicerat, non multum ipse secum: intelligendum est igitur nec gloriam popularem ipsam per se expetendam, nec ignobilitatem extimescendam. veni inquit Athenas Democritus, neque me quisquam ibi agnouit. constantem hominem, & grauem, qui gloriatur, a gloria se abfuisse. an tibicines, ique, qui fidibus vtuntur, suo, non multitudinis arbitrio, cantus, numerosque moderantur? vir sapiens multo arte maiore præditus, non quid verissimum sit, sed quid velit vulgus, exquireret? an quidquam stultius, quam quos singulos sicut operarios, barbarosque contempnas, eos aliquid putare esse vniuersos? ille vero nostras ambitiones, leuitasque

tesque contemnet, honoresque populi, etiam ultro delatos, repudiabit : nos autem eos nescimus antequam pœnitere cœpit, contemnere. est apud Heraclitum physicum de principe Ephesiorum Hermodoro : Vniuersos ait Ephesios, esse morte mulctandos . quòd, cum ciuitate expellerent Hermodorum, ita locuti sunt, nemo de nobis vnus excellat, sed, si quis extiterit, alio in loco, & apud alios sit. an hoc non ita sit omni in populo ? non ne omnem exuperantiam virtutis oderunt ? quid Aristides (malo enim Græcorum, quàm nostra proferre) non ne ob eam causam expulsus est patria, quòd præter modum iustus esset ? quantis igitur molestijs vacant, qui nihil omnino cum populo cōtrahunt ? quid est enim dulcius otio literato ? ijs dico literis, quibùs infinitatem rerum, atque naturæ, & in hoc ipso mundo cælum, terras, maria cognoscimus . cōtempto igitur honore, contempta etiam pecunia, quid relinquitur, quod extimescendum sit ? exilium, credo : quod in maximis malis ducitur . id si propter alienam, & offensam populi voluntatem malum est : quàm sit ea contemnenda, paulo ante dictum est . sint abesse à patria miserum est, plenæ miserorum prouinciæ sunt : ex quibus admodum pauci in patriam reuertuntur . at mulctantur bonis exules . quid tum ? parum ne multa de toleranda paupertate dicuntur ? iam vero exilium si rerum naturam, non ignominiam nominis quærimus, quantum demum à perpetua peregrinatione differt ? in qua ætate suas philosophi nobilissimo consumpserunt, Xenocrates, Crantor, Arcesilas, Lacides, Aristoteles, Theophrastus, Zeno, Cleantes, Chrysippus,

Antipater, Carneades, Panatius, Clitomachus, Philo, Antiochus, Possidonius, innumerabiles alij: qui semel egressi, nunquam domum reuertere. at. n. non sine ignominia afficere poterit sapientem, de sapiente enim est hæc omnis oratio: cui iure id accidere non possit: nam iure exulantem consolari non oportet. postremo ad omnes casus facillima ratio est eorum, qui ad voluptatem ea referunt, quæ sequuntur in vita, ut quocunque hæc loco suppedient, ibi beate queant vivere. itaque ad omnem rationem Teucris vox accommodari potest,

Patria est, ubicunque est bene.

Socrates quidem cum rogaretur, cuiatem se esse diceret, mundanum inquit, totius enim mundi se incolam, & ciuē arbitrabatur. quid T. Albutius? nō ne animo æquissimo Athenis exul philosophabatur? cui tamen illud ipsum non accidisset, si in Rep. quiescēs, Epicuri legibus paruisset: qui enim beatior Epicurus, & in patria vivebat, quàm Metrodorus, quod Athenis? ante Plato Xenocratem vincebat, aut Polemo Arcesilam, quo esset beatior? quanti vero ista ciuitas æstimanda est, ex qua boni, sapiētesq; pelluntur, Demaratus quidem Tarquini Regis nostri pater, tyrannū Cypsellum & ferre non poterat, fugit Tarquinos Corintho, & ibi suas fortunas constituit, ac liberos procreauit. num stulte anteposuit exilij libertatem domesticæ seruituti? iam vero motus animi, sollicitudines, egritudinesq; obliuione leniuntur, traductis animis ad voluptatem. non sine causa igitur Epicurus ausus est dicere, semper in pluribus bonis esse sapientē, quia semper sit in voluptatibus.

platibus . ex quo effici putat ille , quod querimus , ut
 sapiens semper beatus sit . etiam ne , si sensibus carebit
 oculorum , si aurium ? etiam : nam ista ipsa contemnit .
 primum enim horribilis ista cæcitas quibus tãdem ca-
 ret voluptatibus ? cum quidam etiam disputent cete-
 ras voluptates in ipsis habitare sensibus ; quæ autem
 aspectu percipiuntur , ea non versari in oculorum ulla
 iocunditate , ut ea , quæ gustemus , olfaciamus , tracte-
 mus , audiamus , in ea ipsa , ubi sentimus , parte versen-
 tur : in oculis tale nihil fit . animus accipit quæ vide-
 mus . animo autem multis modis , varijsque delectari
 licet , etiam si non adhibeatur aspectus . loquor autem
 de docto homine , & erudito , cui vivere est cogitare :
 sapientis enim cogitatio non ferme ad inuestigandum
 adhibet oculos aduocatos ; etenim si nox non adimit vi-
 tam beatam , cur dies nocti similis adimat ? nam illud
 Antipatri Cyrenaici est quidem paulo obscœnius , sed
 non absurda sententia est : cuius cecitatem cum mu-
 liercule lamentarentur , quid agitis , inquit ? an vobis
 nulla videtur voluptas esse nocturna ? Appium qui-
 dem veterem illum , qui cæcus annos multos fuit , & ex
 magistratibus , & ex rebus gestis intelligimus in illo
 suo casu , nec priuato , nec publico muneri defuisse . C.
 autem Drusi domum compleri consultoribus solitã ac-
 cepimus : cum , quorum res esset sua ipsi non videbant ,
 cæcum adhibebant ducem . pueris nobis . Cn. Aufidius
 prætorius & in senatu sententiam dicebat , nec amicis
 deliberantibus deerat , & Græcam scribebat historiam ,
 & videbat in literis , Diodorus Stoicus cæcus multos
 annos nostræ domi vixit . is vero , quod credibile vix
 esset ,

esset, cum in philosophia multo etiam magis assidue, quam antea, uersaretur, & cum fidibus Pythagoreorum more uteretur, cumque ei libri noctes & dies legerentur, quibus in studiis oculis non egebat: tamen, quod sine oculis fieri posse vix videtur, geometriæ munus tuebatur, verbis præcipiens discantibus, unde, quod, quamque lineam scriberent. A sclepiadem ferunt non ignobilem Eretricum philosophum, cum quidam quæreret quid ei cæcitas attulisset, respondisse, ut puero vno esset comitator. ut enim vel summa paupertas tolerabilis sit, si liceat, quod quibusdam Græcis, quotidie: sic cæcitas ferri facile possit, si non desint subsidia ad valetudinē. Democritus luminibus amissis, alba scilicet, & atra discernere non poterat: at vero bona, mala; æqua iniqua; honesta, turpia; utilia, inutilia; magna, parua poterat; & sine varietate colorum licebat; viuere beate, sine notione rerum non licebat. atque is vir impediri animi etiam aciem aspectu oculorum arbitrabatur: & cum alij sæpe, quod esset ante pedes, non uiderent, ille infinitatem omnem peregrinabatur, ut nulla in extremitate consisteret. traditum est etiam, Homerum cæcum fuisse. at eius picturam, non poesim uidemus: quæ regio, quæ ora, qui locus Græciæ, quæ species formæ, quæ pugna, quæ acies, quod remigium, qui motus hominum, qui ferarum non ita expictus est, ut, quæ ipse non uiderit, nos ut uideremus effecerit? quid ergo aut Homero ad delectationē animi, ac uoluptatem, aut cuiquam docto defuisse unquam arbitramur: aut ni ita se res haberet, Anaxagoras, aut hic ipse Democritus agros, & patrimonia sua reliquissent,

sent, huic discendi, quærendique diuinæ delectationi
 toto se animo dedidissent? itaq; augurē Tyresiam, quē
 sapientem fingunt poetæ, nunquam inducunt deploran-
 tem cæcitatem suam: at vero Polyphemum Homerum
 cum immanem, ferumque sinxisset, cum ariete etiam
 colloquentem facit; eiusque laudare fortunas, quod,
 quā vellet ingredi posset, & quæ velle attingere. recte
 hic quidem: nihilo enim erat ipse Cyclopes, quā aries
 ille prudentior. In surditate vero quidnam est mali?
 erat surdaſter. M. Crassus: sed aliud molestius, quod
 male audiebat etiam si, vt mihi videbatur, iniuria.
 Epicurei nostri Græce fieri nesciunt, nec Græci Latinæ:
 ergo hi in illorum, & illi in horum sermone surdi: om-
 nesque id nos in ijs linguis, quas non intelligimus, quæ
 sunt innumerabiles, sardi profecto sumus. at vocem
 citharædi non audiunt: ne stridorem quidem serræ;
 tum cum acuitur; aut gruuitum, cum ingulatur sus;
 nec, cum quiescere volunt, fremitum murmurantis ma-
 ris. & sic si cantus eos forte delectant, primum cogi-
 tare debent, antequam hi sint inuenti, multos beate vi-
 xisse sapientes: deinde multo maiorem percipi posse
 legendis, his, quàm audiendis voluptatem. tū vt pau-
 lo ante cæcos ad aurium traducebamus voluptatem,
 sic licet surdos ad oculorum; etenim qui secum loqui
 poterit, sermonem alterius non requireret. congerantur
 in vnum omnia, vt idem oculis, & auribus captus sit,
 prematur etiā doloribus accerrimis corporis: qui pri-
 mum per se ipsi plerunque conficiunt hominem; sin for-
 te lōginitate producti, vehemētius tamē torquent,
 quàm vt causa sic cur ferātur; quid est tandem dij bo-
 ni,

ni, quod laboremus? portus enim præsto est, quoniam mors ibidem est, æternum nihil sentienti receptaculū. Theodorus Lysimacho mortem minitanti, magnum vero, inquit, effecisti, si Cantbaridis vim consecutus es. Paulus Perse deprecanti, ne in triumpho duceretur; in tua id, inquit, potestate est. multa primo die, cum de ipsa morte quæreremus; non pauca etiam postero, cum ageretur de dolore, sunt dicta de morte: quæ qui recordetur. haud sanè periculum est, ne non mortem aut optandam, aut certe non timendam putet. mihi quidem in vita, seruanda videtur illa lex, quæ in Græcorum conuiuijs obtinetur. aut bibat, inquit, aut abeat, & recte. aut enim fruatur aliquis pariter cum alijs voluptate potandi; aut, ne sobrius in violentiam vinolentorum incidat, ante discedat: sic iniurias fortune, quas ferre nequeas, defugiendo relinquant. hæc eadem, quæ Epicurus, totidem verbis dicit & Hieronymus. quod si ijs philosophis, quorum ea sententia est, ut virtus per se ipsa nihil valeat, omne, quod honestū nos, & laudabile esse dicimus, id illi casum quiddam, & inanis vocis sono decoratum esse dicant, & tamen semper beatum esse censent sapientem; quid tandem à Socrate, & Platone, perfectisquæ philosophis faciendum putes? quorum alij tantam præstantiam in bonis animi esse dicunt, ut ab his corporis, & externa obscurètur. alij autem hæc ne bona quidem ducunt, in animo reponunt omnia. quorum controuersiam solebat tanquam honorarius arbiter iudicare Carneades: nam cum quæcūque bona Peripateticis, eadem Stoicis commoda viderentur; neque tamen Peripatetici plus

O

tribue-

tribuerēt diuitijs, bonę valetudini, ceterisq; rebus generis eiusdem, quàm Stoici, cum ea re, non verbis ponderarentur: causam esse dissidendi negabat. quare hūc locum cæterarum disciplinarum philosophi quemadmodum obtinere possint, ipsi viderint. mihi tamen gratum est, quòd de sapientium perpetua bene viuendi facultate, dignum quiddam philosophorum voce proficetur. sed quoniam mane est eundem, has quinque dierum disputationes memoria comprehendamus. eundem me etiam conscripturum arbitror: ubi enim melius vti possumus hoc, cuiusmodi est, otio? ad Brutumque nostrum hos libros alteros quinque mittemus: a quo non modo impulsus sumus ad philosophicas scriptiones, verum etiam laceffiti. in quo quantum cæteris profuturi sumus, non facile dixerimus: nostris quidem acerbissimis doloribus, varijsque, & vndique circumsusis molestijs alia nulla potuit inueniri leuatio.



S C H O L I A

PAVLI MANVTII

IN TVSCVLANAS QVÆSTIONES

CICERONIS.



Pagina 5.

FIERI autem potest.) Mallem; Ferri autem potest.

22

PARTITAM illam, & autam) Recte patritam, non autem partitam, ut antea legebatur. id Nonij testimonio comprobatur, qui in verbo patrita hunc locum recitat, & affert præterea exemplum ex Varrone.

25

Hoc est se ipsum posse cognoscere) Frigidum, & planè superuacaneum: itaque puto esse tollendum, ut glossam.

29

ERRANTIVM stellarum cursus, progressiones, institutiones.) Ex duabus dictionibus, cursus, progressiones, fecit coniecturam, legendum esse institutiones, non, ut antea, institutiones: ut similibus, & conuenientibus utatur verbis. sunt autem correctiones quædam: quarum etsi ratio non explicatur, tamen, quibus iudicium est paulo subtilius, facile, cur factæ sint, ipsi

per se intelligunt. rudibus autem, & tardis, & ijs, qui sibi omnia minutatim concidi, omniaq; tanquam mansa à nutrice inferi in os volunt, ego quidem, ut satisfaciam, non laboro.

32

(FONTEs scatere, herbis prata conuestirier.) Hic, scatere, pronunciandum est media correpta, ut anapæstus fiat, scater' her. alioqui versus claudicabit, sic & Lucretius lib. 5. Largifluum fontem scatere, atq; erumpere lumen. & infra in eodem lib. Et partim plano scatere, atque erumpere campo. Plautus etiam, opinor in Cassina, olere, protulit, media contracta: Non omnes possunt olere vnguenta exotica.

33

(NE quidquam aliud est.) Ne quidquam pronibil, non probo: non enim fert Latini sermonis consuetudo. Nihil quidquam aliud est, habet Maffei liber: placet: sic enim locutus est Terent. in Adelphis, Nihil quidquam vidi letius, & Plaut. in Merc.

Nihil Carine te quidem quidquam pudet.

35

EGO autem nunquam ita te in hoc sermone dimittam vlla uti ratione, ut mors tibi videri malū possit.) Neque sensus, neq; locutio placet, quid enim sibi vult, numquam te in hoc sermone dimittam vlla uti ratione? quis vero unquam sic locutus est, nunquam te dimittam vlla uti ratione? verbum dimitto & Latinum est, & veteribus vsitatum, neq; eodem modo semper, sed varie, cum infinito autem nunquam: itaque & si nihil immutavi, ne facerem id, quod faciendum nō est,

ut mihi plus tribuerem, quàm libris manuscriptis: tamen non dubito, quin ita legendum, & distinguendū sit. Ego autem nunquam ita te in hoc sermone dimittam, vlla uti ratione, mors tibi videri malum possit. Cū autem erroris originem quærerem, hanc reperi, quòd particulam illam, uti, quæ hoc loco adiunctiua coniunctio est, lector opinatus infinitivum esse modum à verbo vtor, cum superiore membro coniunxit: & ut hoc imperite, ita illud impudenter: quòd, ut, addidit de suo, ut adverbium, ita, haberet quòd referretur: cum, uti prout esse positum, non intelligeret.

36

LABAMVS, mutamusque sententiam clarioribus etiam in rebus: in his est enim aliqua obscuritas.) Forte rectius hoc modo. Labamus, mutamusque sententiam: clarioribus etiam in rebus inest aliqua obscuritas.

38

MIGRARE. A. Spero, &c.) Elegantius, si notis literarum quibus personæ significantur, inductis, continuata oratione ita legatur. Migrare: spero fore, ut cōtingat id nobis: sed fac, ut isti volunt, animos non remanere post mortem: video nos, si ita sit privari spe beatioris vitæ: mali vero, &c.

39

QVASI vero ista, vel quidquam.) Qui Viterbi Episcopus fuit, Petrus Crassus, vir bene doctus, & ingenio præstans, putabat esse legendum, Quasi vero ista vi quidquam. eamque coniecturam in suo libro scripserat, quam ego vel dissentientibus libris manuscri-

pris ualde probò. error inde natus est, quòd, *vei pro vi.* veteres scribebant, de quo Politianus in Miscell. unde in librum de vniuersitate idem mendum irrepfit pagina 198. ubi legendum est, *vi cum eadem coniunxit, non, vel cum eadem coniunxit.*

44

OMNIA ista perinde vt cuique data sunt pro rata parte aut longa, aut breuia dicuntur) Legebatur antea, pro rata parte à vita longa. nos sensum secuti, aut longa, correximus, adiuti non nihil à libro Maffei manuscripto, in quo legitur, aut ita: ex quo sum adductus, ut dictione, ita, in alium locum translata, sic legendum opinarer. omnia ista, perinde vt cuique data sunt, ita pro rata parte aut longa, aut breuia dicuntur.

46

ET hoc quidem hoc modo nihil autem melius aestimo) Ex antiquo libro Maffei legendum puto: Et hæc quidem hoc modo: nihil aut melius extremo: vt hoc totum non ex Socratis oratione sit, sed à Cicerone per interpositionem prolatum: nam neque in Platonis apologia hæc sunt; & dictio illa, inquit, quæ subsequitur, ideo videtur esse illata, vt quasi interruptum superioris orationis filum contexeret.

47

IN quos Symonides) in, præpositio hic accipitur in bonam partem, pro in quorum laudem, vt de Oratore lib. II. Multa in Castorem scripta, & Pollucem. & de natura Deorum lib. I. Catulus dilexit Roscium: in què etiam illud est eius, Confliteram exorientem Auroram forte salutans, & quæ sequuntur; De senectute etiam,

etiam, In quem, inquit illud elogium, unicum plurimæ cōsentiunt gentes populi primarium, fuisse virum. His exemplis adducti sumus, ut, In quos, emendaremus, cum, in quo, antea legeretur.

50

HÆC in errore versetur.) Concinnius, Hic in errore versetur.

52

SOLENNÈ, & statum sacrificium) Statum lego, non statutum, ut habent aliquot impressi libri. sic & in oratione de Arusp. resp. Statas solennesque cæromonias. & Linius lib. X L. Proficiscuntur ab Thessalonica Aeniam ad statum sacrificium. manauit autem latius hoc mendum, ut in veterum libris sæpe, pro statum, legatur statutum.

58

REFELLERE sine pertinacia, & refelli sine iracundia.) Mallem sic, Refelli sine pertinacia, & refellere sine iracundia.

70

AUT Philoctetam.) Vel in coniunctione, Aut mendum inest, vel aliquid desideratur: itaque placet legere ut est in Maffei libro, Prometheus, aut Philoctetam.

70

LECTVLO, &c.) Libro II. de Fin. sequentes versus non ad Philoctetam, sed ad saxum Lennium referuntur.

97

NOLITE hospites adire ad me illico istic.) Tro-

chaicus est, in quem non cadit iambus : itaque non puto eos recte sentire, qui verbis aliter collocatis ita legunt, Nolite hospites ad me adire illico istic : nam in quarta sede iambus esset.

97

TANTA vis sceleris in corpore hæret.) Trochæus imperfectus : pedem enim desiderat : quem restituere sine libris manuscriptis nefas est : Tanta vis sceleris meo in corpore hæret, legendum quandoque sum opinatus : quam opinionem nondum mihi venit in mentem cur abijcerem : itaque eam protuli, hoc tamen animo ut si quis contra dixerit, pugnare nolim. Versus in pedes ita diuidendum esset,

Tanta vis sceleris meo in corpore hæret.

114

CADENTES.) Carentes, antea legebatur, itaque est in libris manuscriptis : mihi tamen visum est remendarem, cadentes : ex Homeri versu, in quo est $\pi\iota\pi\tau\epsilon\sigma\iota\nu$, quod significat, cadunt. versus autem hi, quos Cicero vertit, sunt Iliados T.

119

NIHIL mali.) Puto rectius, Nihil novi. nam si legas, Mali, ad Cleanthis rationem reuolueres. dixit etiam pagina 217. Animo sic excubabat sapiens, ut ei nihil improuisum accidere possit, nihil inopinatum, nihil nouum.

135

UT sunt alij ad alios morbos.) Imperfecta similitudo : nam ad particulam, ui. quæ respondeat, uox non est, forte ita corrigendum. Ut sunt alij ad alios morbos pro-

procliuiores ; itaque dicimus grauedinosos quosdam ,
quosdam torminosos, non quia iam sint, sed quia sæpe,
sic alij ad metum .

141

ALITER ferat) Opinor legendum esse, ferant
si quidem ad uocem, stultis, refertur .

144

ADVERSA ratione.) Maffei liber, *Auersa* à
ratione. probo. nam etiam supra. 211. Zenoni, inquit,
est diffinitio, ut perturbatio sit auersa à recta ratione
contra naturam animi commotio. & 113. Omnium per-
turbationem fontem esse dicunt intemperantiam: quæ
est à tota mente, & à recta ratione defectio, sic auersa
à præscriptione rationis, ut nullo modo, &c.

158 159

IRA uerò quanquam diu perturbat animum du-
bitationē insanix non habet.) Mendum est in uocē,
quanquam. ueteres libri, quos ego uiderim, habent,
quæquam, deprauate omnino, si respicimus, dictio ira
quò referatur. quòd si coniecturæ locus est, ita legerē:
Ira uero, quādiu perturbat animum, dubitationem
insanix non habet.

159

AT naturalis (est.) Obiectio; cui respondet quod
sequitur; an quidquam esse potest secundum natu-
ram, quod sit repugnante ratione? & est sententia,
nisi fallor, multo cōcinnior, quā si legas ut anteq, aut
naturalis est? cum præcedenti membro connectens. ut
autem hunc locum una dempta litera correximus,
sic paulo post alium una immutata restitimus. nam

ubi

ubi legebatur, priusquam esset ulla vlciscendi libido, nos sensu meliore emendauimus, prius, quàm esset vltima vlciscendi libido.

Cui rei refertæ.) Concinnius, Cui referte,

FACERE non potuerunt?) Iacet verbum, facere, & plane otiosum hic est lege sine eo; multo erit elegantius.

QVID QVID obiectum est.) aut pro quidquid, legendum est, Quid, aut, Quidquid, hic accipiendum pro Quidque: ut apud Lucretium libro II. inque suos quidquid rursus renocare meatus. & libro IIII. Semper enim summum quidquid de rebus abundat. & libro V. Sic unum quidquid paulatim protrahit etas in medium. Possem ex oratoribus loca recitare: sed ego in latinis locationib. ubi quid eiusmodi occurrit, quod sine exemplorum comprobatione durius videatur libentius poetarum vtor auctoritate, quàm oratorum: sunt enim poetæ certiores latinæ linguae testes, propterea quod metriratio facit, ut mutationi non tam facile locus sit. quod in oratoribus contra videmus.

At enim non sine ignominia afficere poterit sapientem.) Locus recte stellula notatus: mendum enim subesse constat forte ita restitui posset. At enim non erit sine ignominia. ignominia afficere poterit sapientem? de sapiente enim est hæc omni oratio sententia certe hæc videtur esse: quibus autem verbis explicanda sit, statuere

statuere nostrum non est. studiosi libros antiquos adeant, & eorum ope utentes locum emendent.


208

OMNEQVE id nos.) *Id, non video quid spectet, antiqui scribebant, It. inde mihi orta coniectura est, ut, Item, legendum putarem.*

F I N I S.

Handwritten text, likely bleed-through from the reverse side of the page. The text is mirrored and difficult to decipher.

2 1 1 1 1



Extensive handwritten text, likely bleed-through from the reverse side of the page. The text is mirrored and mostly illegible due to fading and bleed-through.

BIBLIOTICA